





## (فهرست)

۱۵	ذات شاهانه دن صکره عموم	۳	پادشاهه مخصوص القاب
	کبرایه	۳	القاب رسمیه
۱۵	صدراعظمه مخصوص	۵	پادشاهه مخصوص اشارات
۱۶	پادشاهدن رخصت طابنده		و خطا بلر
۱۶	برشی ارسال اولندیغنه دائر	۶	بعض اشارتلك تعریفی
۱۷	سنك امرکله یاپدم دیه جك	۷	والده سلطان حضر تلیرینه
	پردہ استعمال اولنان		عرضحال تقدیمده
۱۷	صدراعظمه سنك مکتوبکی	۷	والده ساطانك وصف رسمیه
	آلدم دیه جك پردہ	۸	عرضحال اراسنده خطاب
۱۸	یازدیغك معلوم اولدی دیه	۸	ذات شاهانه نك بر محلی
	جك پردہ		تشریف پیوردیغی وسائر
۱۸	مقام صدارتدن مکتوب		معاملداری خصوصنه دائر
	اوزرلری	۱۰	صدراعظم ایچون یازیلوب
۱۹	رسمی وغیر رسمیلرینك بیانی		سویلنان لفظلر
۱۹	مکتوب اوزرلرینك انواعی	۱۱	سر عسکر پاشا حضر تلیرینه
۲۱	یازیلان ماده لرایچون		یازیلوب سویلنان
	اصطلاحات مطلقه	۱۲	لایحه و تنبیهات
۲۲	ابتدای مسودات	۱۳	خاکای شاهانه دن برشی
۲۲	خاکای شاهانه یه وزرادن		استنلد کده
	لکن بونده خاکای شاهانه یه	۱۴	بیولك ذاتلره سویلکده
	دعاوتشکری حاوی جانب		ویازمقدمه قوللانیلان الفاظ
	صدارته بعض وزرادن یازیله	۱۴	معاملات تحریریه و شناسیه
	جق پردہ یالکتر خاکای شاهانه به		نك انواعی

۳۶	تبریک مأموریت	۲۳	یازیلوب اوتیه سی سه و اولمشدر
۳۷	کذلک		بوسوده مجرذ صدر اعظمه
	برخدمتمده قوللانلق ایچون		اوله جقدر
۳۷	وکلایه عرضحال	۲۳	فراشت شریفه مکتوبی
۳۸	خدمت بحریه ده استخدام	۲۴	جانب ریاست احکام عدلیه یه
	ایچون رناب همایونه عرضحال	۲۵	عرض محضر
۳۹	حجت صورتی	۲۶	بیورلدی
۴۰	استیجارا یتدی کی دکاندن	۲۷	ضبطنامه
	وقتسز اخراج ایدنک منع	۲۷	نقاعد لک عرضحالی پادشاهه
	مداخله سیچون عرضحال	۲۸	تبریک صدارت عظمی
۴۱	مشایخ کرامه عربضه	۲۹	مضببطه قائممقامک وصولی
۴۱	قله چراغلق عرضحالی		مشعر
۴۲	مشایخ کرامه عربضه	۲۹	تبریک رتبه
۴۳	بعض وزرایه عرض خلوص	۳۰	مأموریت محلنه وصول
۴۴	مشایخ کرامه		بولنره جوابا
۴۵	رمضان تبریکی	۳۱	بعض مأموریندن افاخم
۴۵	اکا جواب		وکلایه
۴۵	تبریک رتبه	۳۲	تشکرنامه طرزی
۴۶	اکا جواب	۳۲	انها نامه
۴۶	انشا ایچنده بولنان بعض	۳۳	تبریک
	اقتلرک معنای لازمیلری	۳۴	مع التشکرا عتذار نامه
۴۷	بعض تعریفات	۳۵	جوابی حاوی تشکرنامه
۴۷	عباره اراسنده کلوب ذهنی	۳۵	وکلا دن بعض مأمورینه
	یورماق ایچون بعض الفاظک		تبریک جوابی
	صورت ترقیم واملو معناری	۳۶	کذلک


۴۸	مشاروموی الیه واندن	وصولی مشعر
	اشاخی یازیلان اشاراتک	ولادت تبریکی
	انواعی	رمضان تبریکی
۴۸	تعبیرات مذکورہ نك صورت	دیگر
	استعمال لری کوسترادیکی	تبریک عید
۴۸	بعض وزرادن وکلانغہ نائل	بہاریہ اولہرق عرض
	اولنلک صدارتہ تشکرنامہ سی	خلوص
۴۹	امرنامہ ساسی یہ جواب	قصاص استدعاسنہ
۵۱	بعض ایلمیلرہ	عرضحال
۵۱	عبودیتنامہ	ملک مشتریانک زوجہ اوزرینہ
۵۲	بر محل قائمقا منہ الہ جق	یاپلسی ایچون خار جیہ
	تحصیلی استدعاسی	ناظرینہ عرضحال
۵۲	پارہ کلوب اظہار عنونیت	تجارک شریکی اوزرینہ
۵۳	پارہ تحصیلنہ دائروالی یہ	پولیچہ سنہ دائر مکتوب
	عریضہ	پولیچہ صورتی
۵۳	انہا نامہ	اکاجواب
۵۴	اکاجواب	ساعت ۵۵ یہ سنہ تشکرنامہ
۵۵	لوصیہ صورتندہ مضبطہ	تزوج دوکوئتنہ دعوت تذکرہ
۵۵	جانب صدارتدن اخبارنامہ	سی
۵۶	اکاجوابا تبریک صدارت	سنت دوکوئتنہ دعوت
۵۷	تسلیت صورتندہ عبودیتنامہ	ایجار سندی
۵۸	تبریکنامہ	بعض مواد ایچون اوقاف
۵۹	تبریکنامہ دیگر	ناظرینہ عرضحال
۵۹	تبریکنامہ دیگر	انتقال تمسکی صورتی
۶۰	والینک محل ماموریتہ	الہ جق تحصیلنہ مباشر کوند رلمسیچون

۸۱	قامقامه توصیه نامه	۶۹	صدر اعظمه عرض حال
۸۱	ا کا جواب	۶۹	عوام ناس بیننده عادی
۸۲	کتاب اهدا سنده دائر		اوله رق بورج سندی
۸۲	ا کا جواب	۷۰	تحصیل ضمننده والی مملکت
۸۳	مرکز مأموریت و وصول خبری		امر نامه ساسی صورتی
۸۴	جواب	۷۰	مقام صدارت
۸۴	خواجگان دن خواجگانه رسما	۷۱	ا کا جواب
	تحریرات	۷۲	توصیه صورتنده مضبطه به موجب
۸۵	ا کا جواب		تبریک مأموریت شقه سنه
۸۵	اقراندن اقرانه شقه	۷۲	جواب
۸۶	جواب		علمادن بر ذاته هدیه ارسالنه
۸۶	التزامی توصیه	۷۳	دائر
۸۷	ا کا جواب		امر نامه ساسی جوابی
۸۸	احبابجه دعوت تذکره سی	۷۴	احالات دفتری ذیلنه مضبطه
۸۸	تذکره به کنار	۷۴	والی طرفندن مضبطه به موجب
۸۸	شاگرددن خواججه به عریضه	۷۶	عبادتنامه
۸۹	ا کا جواب	۷۷	مسرتنامه
۸۹	استقراض تذکره سی	۷۷	تعزیه نامه
۹۰	تذکره به کنار	۷۹	وزرادن قبولکننده اسنه
۹۰	سوالیدن برینک شقه سنه	۷۹	دیگر مختصر
	جواب	۸۰	قبولکننده اسی طرفندن پاشایه
۹۱	کوچکدن بیوکه تبریک		پوسته عریضه سی
	مأموریت	۸۰	طرز دیگر
۹۲	بیوکردن کوچکه جواب		
۹۲	مالیه به مسرف دفتری		

۹۶	فیو کتخدا سی طرفندن	۹۳	کوند راد یکنه دائر
	خدمتنده بولندیغی ذاته وکالة		پیو کدن کو چکه تسلیت
	صراف طرفنه ویریلان علم		خاطر
	و خبر	۹۴	کعبه معظمه ده مجدد ا
۹۶	فیو کتخدا سنک ای باشی		ترتیب اولنان فراشت وکالتی
	تحویلی		مشعر مکتوب مسوده سی
۹۷	مالیه به ماهیه اخذیچون علم	۹۵	کبرا طرفلرندن صرافه
	و خبر		تحویل یازلق اوزره القاب
۹۷	سهم سندی	۹۵	صورت تحویل عادی
۹۷	مکتوب اراسنده مثل	۹۵	ماموریه کیدر کن
	طریقیه ایراد اولمغه شایان		استقراض تحویلی
	کلمات عربیه	۹۶	آی باشی تحویلی







## (بسم الله الرحمن الرحيم)

مقدمه اشبوا نشاء جدید معارف بدیدک حاوی اولدینگی کلماتک کوزلجه  
 بلنسیله هر در لو ککاتی بر آدم یولنجه کوره ییلوب فقط مسوداتی آلوب  
 عینیه پر یسنه ارسال ایده جک اولان ذواتک فن املاده مهارتی اولدینگی  
 حالده ایچنه علاوه سی لازم کلان اقر دیلرک حقیقت املاسنی تحقیق شروط  
 ایجابیه سندن بولنشدر چونکه جناب فیاض بی امتنان تزهت صفاته عن  
 الشیبه والنقصان عمروا جلال حضرت خلاقیناهی بی مزداد وفر اوان  
 بیورسون سایه معارفوایه ملو کانه لرنده حصوله کلان علم وفن ومعارف  
 هیچ بروقنده کورلماش اولدیغندن وفن انشا وکتابت دخی حضرت علی  
 المرتضی کرم الله وجهه ورضی الله تعالی عنه افندمن (اکرموا اولادکم  
 بالکتابه فان الکتابه من اهم الامور ومن اعظم السرور) کلمات بلاغت آیاتیه  
 تعظیم واکرام بیوردقلمی وجهله اهم اموردن بولندینگی بی اشتباه ایدو کندن  
 بودفعه هر بر کلمه سی ارباب معارفدن تحقیقوله محقق وطوغری اولوق

وعهد هما یون معالیمقرون آثار جلیله سندن بولمق اوزرد ترتیبینه ابتدار و مدت  
وافره جواهر غیرت و دقت بذل و شار قلمشدر جناب خدا جلای اصحاب  
معرفت زمره سینه قرین بیوروب ذات معدات آیات حضرت شهنشاهی بی  
دخی نیجه نیجه آثار خبریه به مظهر بیوره آمین بجرمة جمیع الانبیاء  
و المرسلین

عرضحال تقدیم اولند قده پادشاهه مخصوص القاب و یاز یلشنک هیأتی  
حق سبحانه و تعالی

شوکتلو مهابتلو قدرتلو کرامتلو کمال معدتلو ولی نعمت بيمنتمز  
پادشاهمز افدمن حضرت تریتمز

مبارک و مسعود و وجود مراحم آل ودهما یونلری قاطبه اکدار روزگار دکن  
مصون و محفوظ

اشبوصورتله القاب نصکره عرضحال ماده سنک تفصیلی مسوداتده کوریلور  
ذات عصمتینه مهده علیای سلطنت سینه به تقدیم اولنه جق عرضحال لک  
القاب سینه سی ارباب کاکشک کاملارندن اوکر نیلوب یازلسی انساب  
کورینور

مراتب متنوعه سلطنت سینه به مخصوص اولوب مافوقنک ماده و تنه  
و مادیونک مافوقنه و همربنه بولنا نلرک بری برینه بردوزی به اوله رق  
یازه جقلری و علی العموم هرکسک دخی بکدیگری نه قوللانه جقلری

﴿ (القاب رسمیه) ﴾

\* (مقام والا ی صدارته نظامیه) \* (مسند عالی مشیخت اسلامیه به) \*  
علما جانبدن معروض داعی کینه لریدرک علما جانبدن معروض داعی  
دیرینه لریدرک

سائر لری جانبدن معروض چا کرکینه لریدر سائر لری جانبدن معروض  
بندده دیرینه لریدرک که

عبارہ اراسنده اسم ذاتی ذکر	عبارہ اراسنده اسم ذاتی ذکر اولنمسنه
اولندیقی حالده دولتلو سماحتلو	مجبوریت اولدیغی حالده دولتلو نغامتلو
حضرتلری	حضرتلری

---

(رَبِّهِ جَلِيلُهُ صَدَارَتِ عَظَمَائِهِ اِحْرَازِ اَعْمَاشِ)	(شیخت اسلامیه معزوللریته)
ذوات نغام حضرتلریته	
علما جانبدن معروض داعیلریدرکه	علما جانبدن معروض
سائرلی جانبدن معروض چاکرلریدرکه	سائرلی جانبدن معروض
عبارہ اراسنده اسم ذاتی ذکر اولندیقی	عبارہ اراسنده اسم ذاتی ذکر
اولندیقی حالده دولتلو ایتلو پاشا	اولندیقی حالده دولتلو فضیلتلو
حضرتلری	حضرتلری

---

امیرمکه مکرمه حضرتلریته و معزوللریته	صدور عظامه
دولتلو سیادتلو افندم حضرتلری	سماحتلو افندم حضرتلری
دار السعاده اغاسی حضرتلریته	استانبول فاضیلی پایه لورلیته
دولتلو عنایتلو افندم حضرتلری	فضیلتلو افندم حضرتلری
مقام جلیل سرعسکری ایله شرف صهریت	
سینه یه نائل اولمش وکلای نغامه	حرمین شریقیته پایه لورلیته
دولتلو عطوقتلو افندم حضرتلری	فضیلتلو افندم
وکلای نغامه واردوی همایونلر مشیران	بلاد اربعه و مخرج موالیسه
عظامنه و وکلای قدر منقصل بولنان	مکرمتلو افندی

دوات کرامه و بالجله وزیرایه	مدرسینه
دولتو اقدام حضرتلری	مکرماتلو افندی

رتبه بالایه و سر مقربین حضرت	قضاته
شهریاری ایله مابین همایون	مودتلو افندی
شاهانه باش کاتب جلیله سنه و دار	رتبه اولی صنف اولیله فریقان
شورای عسکری رئیس الرؤسالی	عظامه
مأموریت بهیه سنه	سعادتو اقدام حضرتلری
عطوفتو اقدام حضرتلری	

میرمیران کرام و رتبه اولی صنف	میرلواپاشاره
نائیسنه	عزتو اقدام

سعادتو اقدام	میرالایه و رتبه نالته یه و قیوچی
	باشیره

رتبه نایه صنف نائیسنه و اصطل	رفعتو افندی بك اغا
عامره مدیری پایدولورینه	
عزتو افندی بك اغا	رتبه مذکورہ نك مادوتنده

قامم مقاملره و رتبه رابعه و خامسه یه	بولنا نلره و مأموریتده اولنلره
وانلره معادل اولنلره	حیتو افندی بك اغا

قتوتلو افندی بك اغا	احادناس بیننده
	بنم پدرم برادرم اوغلم

پادشاهه مخصوص اولان اشارت ایله خطا بلردرکه اشارات صاغ  
و خطا بلرصول قولده مسطوردر

ذات شاهانه	ذات معالیمات شاهانه لری
ذات شهنشاهی	ذات مکارم غایات ملو کانه لری
ذات جهان داری	ذات ملکی الصفات شهنشاهی لری
ذات ملو کانه	ذات محاسن آیات ظل اللهی لری
ذات همایون	ذات کروی صفات خلافت پناهی لری
ذات خسروانه	ذات شوکت سمات خسروانه لری
ذات جهان بینی	ذات معدلت آیات شهنشاهی لری
ذات پادشاهی	ذات عدالت آیات خلافت پناهی لری
ذات خلافت پناهی	

بویله دخی معالیمات معدلت آیات و سائر اصول قوله ذکر و بیان اولنان  
نعت لیه ذات شاهانه نک غیا باذ کری احسن در نعوت دیگرده چوق ایسه ده  
ذکر اولنانرا کامل کتبه عنده اکثریت اوزره یازیلور

و بوانشاده خاک پای همایونه دائری یازیلان مسود اتده بیان اولنان صورت لردن  
نعوت مذ کوره نک کیفیت استعما للری اکلاشیلور و ذکر اولنان ذات  
کله لرینک اولرینه بشقه نعت لرد ها علاوه اولنوب مثلا کتزالکنوز معدلت  
و کاشف رموز احسان و معرفت اولان ذات سکارم غایات شهنشاهی یا خود  
ظل اللهی و یا سائر نعت لردن بریله توصیف و تحریرا و لنور

خاک پای لفظیله دخی یوقاریده ذکر اولندیغی کبیدر مثلا خاک پای شاهانه  
و خاک پای ملو کانه و خاک پای شهنشاهی و سائر نعت لیه برابر اولدیغی حالده  
یازیلان لرنک مشهور لری

خاک پای مکارم احتوای شاهانه  
خاک پای املجنشای شهنشاهی  
خاک پای املروای خلافت پناهی یا خود شهنشاهی و یا خود  
شاهانه و سائر  
خاک پای عیون ارای شهنشاهی

خا کپای کیمیا سای ظل الاهی  
 خا کپای مراحم احتوائ  
 خا کپای معالی احتوائ  
 خا کپای معدلتمای یا خود معدلات احتوائ  
 خا کپای احسان فرمای شهنشاهانه

بونلرک جمله سنده دخی شاهانه وملوکانه وشهنشاهی وظل الاهی  
 وخلافتیناهی لفظلرینک قنغیسی اختیار اولنورسه مناسبدر وعرضحال  
 تقدیمده لازم کلان خطابلرایچون مثلاً مبارک ومحترم خا کپای معدلات  
 احتوائ خلافتیناهی لری نه ودخی ملجاء و پناه عالم اولان سده سنییه و یا خود  
 عتبه علیه ملوکانه و پادشاهانه وشهنشاهی وخلافتیناهی لفظلرینک  
 تحریری احسندر

والده سلطان علیه الشان افند من حضر تلرینه عرضحال تقدیم اولنوقده  
 کیمک طرفندن اولورسه اولسون

خا کپای معالی احتوائ عصمتیناهی

عتبه علیه عصمتیناهی

سده سنییه عصمتیناهی

والده سلطان افند منک وصف دولتلری \* مهد علیای سلطنت

سنیه افند من

عرضحال اراستنده خطاب اولنقدیغی حالد کرک ذات شاهانه ایچون وکرک  
 مهد علیای سلطنت سنیه افند من حضر تلری ایچون وکرک سائر بیولک ذاتلر  
 وسائرلرینه ده \* لری \* لفظیلده یازمه لیدر مهلا سده سنییه جهان باینلرینه \*  
 مراحم علیه ملوکانه لری \* سایه معالیویه شهنشاهی لرنده \* وجود  
 مراحم آلودملوکانه لرینی \* خا کپای معالی احتوائ عصمتیناهی لری نه \*  
 مراحم علیه عصمتیناهی لری \* سایه علیه عصمتیناهی لرنده \* وجود سعادت خود  
 عصمتیناهی لری \* بونلرک کدخی ترکیبات وسبک وربطلری یعنی نه یولده

یازیله جغی ودها نه تعبیر لر قوللا نیله جغی مسوده لردن اگلا شیلور  
 ذات شاهانه بر محلی تشریف بیوره جق اولد قری یا خود برینک حقنده  
 التفات و یا غضب ایلدیکی یا خود رکاب رسمی اجرا بیوردیغی و یا خود برشی  
 کوردیکی و یا ابشدیکی و یا بکندیکی و یا صوردیغی بری برینه نقل و حکایه  
 اولند قدده سویله ثوب یازیله جغنگ بیانی

فلان محله بو کون تشریف شاهانه وقوعه جغی مسموع عاجزانه م اولدی  
 یا خود تشریف شاهانه وقوعه بولمش

تذکره ایچنده مثلاً اشبو پنجشنبه کیجه سی لیلله قدر سعید اولدیغندن فلان  
 جامع شریفه تشریف میا منردیف یا خود معالی الیف یا خود مسعد تردیف  
 حضرت جهان داری شرفوقوع بوله جغی مسموع عاجزانه م اولمش

فلان ذات حقنده التفات شاهانه وقوعه بولمش یازی ایله اولور سه حقنده  
 التفات مکارمغایات یا خود معالی آیات حضرت شهنشاهی شرفبخش ساحه  
 ظهور و یا خود وقوع بولمش یا خود فلان ذات التفات معالی آیات حضرت  
 پادشاهی یه نائل و مظهر اولمش

فلان حقنده غضب شاهانه واقع اولمش  
 یازی ایله اولور سه فلانک بعض کونه افعال ناهمواری خدا کوستر مسون  
 حقنده غضب مورث الکرب حضرت ظل الهی وقوعنه سبب اولقی  
 بو کون رکاب وار یا خود بو کون و کلا حضراتی مابین همایونه کتدی لر رکاب  
 همایون رسمی اجرا اولندی

یازی ایله اولور سه مثلاً لیلله عظمای برات شریفک ایفای تبریک و تهنیتی  
 ایچون اشبو فلان کونی و کلا ی نخام سلطنت سنیه و معتاد الحضور اولان  
 ذوات کرام مابین همایون جناب ملو کانه یه واروب بالمجد و الاجلال رکاب  
 همایون حضرت جهان بانی رسم عالیسی اجرا بیورلمش  
 مثلاً بو کتاب منظور شاهانه اولمشدر

یازی ایله اولور سه اشبو کتاب منظور مراجنشور حضرت خلافتناهی بیورلمش

مسموع شاهانه اولمشدر

یازی ایله اولورسه مسموع مکارمشیوع حضرت خلافتیناهی بیورلمش  
یاخود مظهر انظار مر احنثار حضرت خلافتیناهی بیورلمش  
قرین سمع معالجمع حضرت شهنشاهی اولمش ویاخود بیورلمش  
ذات شاهانه تحسین ویاخود استحسان بیورمشدر

یازی ایله اولورسه مثلاً فلان کتاب معارف نصایک حضور مر احنکبجور حضرت  
خلافتیناهی به تقدیمه اجتناسار اولمش وقرین تحسین عالی اولدیغی  
ذات شاهانه بیورمشدر

یازی ایله اولورسه مثلاً فلان کیفیت طرف اشرف جناب جهانداریدن  
استفسار بیورلمش

یاخود اولباده استفسار عالی وقوغبولمش  
استنبای شاهانه وقوعی مسموع عاجزانه م اولمش

ذکر بیان اولنان ماده لرک کوزله اکلایلوب یازلمسی مسوده لرک  
مطالعه سنه منوط اولوب مسوده لر صر سنده عباره لر ینک سبک ور بطنه  
دقت اولنه و بعض اغتر ینک قوللاندیغنه کوره اولان معنای ککارله  
یازلمش ایسه ده ینک چوغنک معناسی یازلمق ممکن اوله مامش اولغله املار ینه  
دقدنصکره مشکل کورن اخوان ار باب انشادن سوال بیوره زیرایولک  
ذاتلر حققرنده سوزلر و یازیلان سوزلر کوچکلر بری برلر ینه  
سویلوب یازدیغنه بکزمیوب ککرک اسانجه وکرک تحریر اتده املاجه  
برسقه طلق کور غما سنه درت کوزله دقت ایتمک لازم در احسان شاهانه وسائر  
ذات ملوکانه به مخصوص اولان لفظلر وتر ککیبلرک یعنی بر آدمک کندینه  
احسان ویا غضب وسائر کونا شایملر و مخاطب و غایب لرک جمله سی بر مختصر  
مسوده ایله بیان اولنه جتدر

صاحب مقام صدر ارتعظمی یعنی صدراعظم حضرتلری ایچون سویلنوب



یا زیله جق سوز لرل بیاید رکه بو کلماتک صاغ قولده کی لقردی وصول  
قولده کی بازی ایلله اوله جقدر

ذات مکارسمات جناب صدرتپناهی	ذات صدرتپناهی
ذات نغامتسمات جناب وکالتپناهی	ذات وکالتپناهی
ذات مراحمسمات جناب صدراعظمی	ذات صدراعظمی
ذات معالسمات جناب خسرواعظمی	خاکبای صدرتپناهی
ذات مکارم آیات یاخود مکارمغایات	خاکبای وکالتپناهی
یاخود مراحم آیات یاخود مراحمغایات	خاکبای صدراعظمی
یاخود معالی آیات یاخود معالیغایات	

چله سی جائز در

دها ایلروده یازلسی احسن کورینان الفاظ و عبارت

خاکبای کیمیا سایی وکالتپناهی

خاکبای مکارم احتوای صدرتپناهی

خاکبای معالی اتمای وکالتپناهی

خاکبای نغامت احتوای صدراعظمی

خاکبای وکالت مطابقه به عریضه تقدیم اولند قدده یازلسی جائز اولان

الفاظ و عبارت

ذات علیای صدرتپناهی لرینه

خاکبای صدرتپناهی لرینه

خاکبای مکارم احتوای وکالتپناهی لرینه

خاکبای نغامت احتوای صدرتپناهی لرینه

خاکبای کیمیا سایی وکالتپناهی لرینه

خاکبای رحیمانه لرینه

خاکبای معالی احتوای خسروانه لرینه

خاکبای املجنشای کریمانه لرینه

خاکبای عیون ارای داور یلرینه ودخی داورانه لرینه  
 خاکبای ولی النعمیلرینه ودخی ولی النعمانه لرینه  
 خاکبای منعمیلرینه ودخی منعمانه لرینه  
 عتبه علیه خسروانه لرینه صدارت پناهیلرینه  
 وکالت پناهیلرینه ملجأ و پناهیم اولان خاکبای  
 علیای رحیمانه لرینه

کذلک تفصیل لری خصوصاً صدارت حقنده اولان مسوده لر  
 صره سنه نظر اولنه

عرض حال تقدیم اولند قدده خاکبای شاهانه به اولور سه یوقاریده تفصیل  
 اولندیغی اوزره عرض حالک نهایتنده خاکبای مراحم اختوای خلافت پناهیلرینه  
 تقدیم عرض حاله اجتناسار و یا خود اجترأ و یا خود جسارت قلندی و یا خود  
 قلنشدر تعبیر لری یا قشقلو کاور و اکثر یا و بلکه بتون بتون بووجهله  
 قوللا نیلور

صدرا عظم حضرتلرینه دخی تقدیم اولند قدده خاکبای علیای وکالت پناهیلرینه  
 عرض حال عبیدانه م تقدیمه جسارت یا خود جرأت و یا خود اجترأ و تقدیم  
 ایدن ذاتک مقامنه کوره ابتدار و یا خود مبادرت قلندی تعبیر لری احسن  
 کوریتور و بالاده کوسترادیکی اوزره دائمأ قوللا نلقده بوانور

سر عسکر پاشا حضرتلرینه یاز یله حق لقر دیلرک بیانی

لقاب رسمی لری القاب صره سنده کوسترادیکی اوزره دولتلو عطا و قتلو  
 اولوب بر نعت و صفته وصف اولندیغی حاله

نه دیسه جکسن اکادقت ایله

آغرا اولور سه

خفیف سویلندیکی صورتده

خاکبای سپهسالار یلرینه

ذات والای سپهسالار یلرینه

ذات علیای سرعسکریلرینه	خاکای علیای سرعسکریلرینه
ذات خدیو یلرینه	خاکای خدیو یلرینه
ذات سنیه لرینه	خاکای سنیه لرینه
ذات دولترینه	خاکای دولترینه
ذات علیالرینه	خاکای علیای خدیو یلرینه
ذات ولی النعمیلرینه	خاکای ولی النعمیلرینه
ذات حیدرانه لرینه	خاکای حیدریت احتوای
ذات صفدر یلرینه	سرعسکریلرینه
یا خود صفدرانه لرینه	خاکای صفدرانه لرینه *
ذات منعمیلرینه	صفدر یلرینه
ذات رحیمانه لرینه	خاکای معالی احتوای منعمیلرینه
	خاکای عیون آرای رحیمانه لرینه
	خاکای کیمیا سای بنده نواز یلرینه

❖ ❖ ❖ ❖ ❖

❖ (لا یحه) ❖

ای نجل نجیل برادب وی طفل طالب اقصی الارب خواجه کدن درسک  
او قودخه و بونی دخی درسکه مطلب اقصی بیلدکه مخاطب و مخاطبه و غائب  
و غایبه صورتلری نصل یاز یلورونه صورتله تالفظ اولنور برکوز بلخه صوره سین  
زیرا انتر بلخه سنی بشقه بشقه تفصیل ایتمش اولسق بونک کبی اوج بش  
کتاب اولقی لازم کلور \* ولکن ان شاء الله تعالی انک دخی مفصل و مشروخی  
جناب خدانک عون و عنایتله تخمیننه کوره بوندن برسنه مرورینه دکن  
ختم پذیر اوله یلورو بوار القده افاده دن مرام ارباب استعدادک بردن  
بره خاطرینه کاشکی بوماده لرک تفصیلاتی اولیدی عجب مولفی نیچون یاچامش  
خطور یله بعض کونا قور عارض اولماقی ایچوندر \* بوانشایی تکمیل  
واجب الامطالع و تفهیم ایدرایتمز مفصلی در پی و شمدی به دکن یا پالمش

برشیدر اما بونی کوزلجه مطالعه ایتمین ذاتلر آتی حقیله مطالعه وادرا که  
مقدراوله مزلانک مقدمه سی بوانشاجق دیمکدر \* مناصب عالییه ده  
اولنلرک بیوکدن کوچکه کوچکدن بیوکه رتبه لرینه کوره بری برینک  
طرفندن یازیلان ماده لر و القاب و عبارات رسمیه و غیر رسمیه لر شرح  
و تفصیل لر یله مسوده لرده کورلملیدر و بومسوده لرده اولنمش و قلمش و بولنمش  
واولدیغنه و بولندیغنه و اولمغله و بولنمغله و اولمغین و بولنمغین و قلمغین  
و بیان اولندیغی و بیانیه تعبیراته و سائر سبک و ربطنه و هر سطر نه املاسنه  
کوزلجه دقت بیورملیدر زیر بوانشانک سرمایه کاتب نامیه نام آور  
اولسی بوندندر

ایمدی \* خاکای شاهانه دن برشی استنلدیکی حالده نه دیمک ونه یازلمق  
لازمدرانک بیانی

سویلاک

خاکای شاهانه کزدن مثلاً و خصوصی استرحام اید یوزم و فلان شبیدن  
ناشی و طولایی و او توری و سائر قوللانیلن الفاظه مسوده لره محوادر

یازمق

خاکای مراحم احتوائ حضرت خلافتناهی یاخود شهنشاهی یاخود  
ملوکانه لفظلری و پادشاهه مخصوص ایوقار یدیه یازیلان صفتلردن بری ایله \*  
استرم دیه جل یرده استرحام عبیدانه م و یاخود تضرع و ابتهال عبیدانه م  
و یاخود چا کرانه م و بندکانه م و کترانه م و ناجیزانه م و عاجزانه م مثلاً  
مبارک و معلنا کپای عیون آرای حضرت خلافتناهی لرندن بوبابده  
وقوعبولان استرحام عبیدانه م قرین مرحت علیه ظل اللهیلری و عاطفت  
ظل اللهیلری بیورلمق

بونلر کدخی تفصیلاتی یعنی تقدیم ایدم و تقدیم ایده جکم ورخصت طلب  
ایدم و اجرا ایدم و نه ایچون یایدم و نه ایچون بوزدم و نه ایچون فوت  
فرست ایدم و سائر کونالقر دیلر نوجهله سویلنه جکی مسوده لرده  
کوریلور

یولنذا تله سویلکده و یازمقده قوللانسی اهل آداب و کاتبه الزم اولان  
آغروخفیف لقر دیلر

بن دیه جن یرده خطاب \* بنده کز \* قولنکرز \* چاکر کز \* کوله کز \*  
تحریرات ایچنده اولورسه \* بنده لری \* قوللری \* چاکر لری \* کوله لری \*  
زیاده تعظیله سویلنورسه \* بنده ناچیز کز \* عبداحقر کز \* چاکر کینه کز \*  
عبدملوک کز

تحریرات ایچنده اولورسه \* بنده احساندیده لری \* بنده دیرینه لری  
چاکر کینه لری \* عبدملوک لری \*

دها آغراولمق لازم کورسه \* بنده درمحزیده لری \* چاکر شاکر الاحسانلری  
آزاد قبول ایتز کوله لری \*

بنده بیرلری \* چاکر بیرلری \*  
چاکر کریمپورلری \* بنده صداقتکسترلری \*

چاکر خا کبرابرلری \* عبدغیر معتقلری  
شناکار کز \* شناور کز \* مخلص کز \*

خفیف اوله رق خطاب  
یازلدیغی حالده  
شناکارلری \* شناورلری \* مخلصلری  
ستایشکارلری \* ستایشورلری \*

خلوصورلری \*  
شناکار بیرلری \* مخلص بیرلری \*

ستایشکار بیرلری \* شناور صداقتکسترلری  
شناکار صدق انتمالی \*

\* ودها بونلر کی بعض علاوه لرله یازیلور \*

فلان ذاتک سویلدیکی و سویلدیگک و سویلیه جگک اوزره  
 فلان شیئی یاپدم و یاپه جغم و یاپه جقدر و بکا و یا خود بشقه سنه سویلدی  
 و سویلدک و سویلیه جگسین دیه جگ یرده استعمال اولنان لقر دیلر

امر بیوردیلر      امر و فرمان بیوردیلر

امر بیورمشلردر      امر و فرمان بیورمشلردر

امر کز اوزره      امر و اراده لری و جهله

امر و فرمان بیورلدیغی و جهله

اراده سنیه مقتضاسیجی

امر و اراده بیورلیه جفی و جهله

بر موجب امر و اراده علیه

فرموده سنیه لری اقتضای اوزره

امر و فرمان معدله عنوان حضرت خلاقیتناهی اقتضای معالی احتوائی  
 اوزره

ذات شاهانه دنصکره عموم کبرایه      امر و اراده دولتری و جهله

اجراسنه مبادرت ایلشلردر

یا خود قلمشدر      ابتدار اولمشدر

افاده سنیه لری اوزره

افاده بیورلیه جفی

افاده بیورلمسی

افاده بییه لرندن

افاده معالی عاده

اراده مراحم افاده

صدرا عظیم ایچون      اراده علیه حضرت صدارتیناهی موجبجه

امر و اراده والای جناب و کالتیناهی

امر و اراده حضرت صدراعظمی

امرواراده حضرت وکالتبناهی

صادر اولمشدر

شرفصدور امر عالی به منوطدر

پادشاه جهان دن رخصت باینده یازیلان و سوی یلنلن کلامدر

خاکبای عیون ارای جهاندار یلزدن استیذان ایتدم

خاکبای املجنشای شهنشاهی لزدن استیذان ایتدم

خاکبای کیمیا سای ملوکانه لزدن استیذان ایتدم

دمبارک و مسعود خاکبای مراحم آلوده سایی لزدن

استیذانه مجبور اولمشدر

خاکبای عیون ارای جهاندار یدن استیذان ایتدم

خاکبای کیمیا سای جهان بنایدن استیذان ایتدم

خاکبای معالی احتوای ملوکانه دن رخصت آلام

خاکبای عالی حضرت شهنشاهی دن استحصال رخصت ایلدم

خاکبای مکار منمای خلافتبنا هیدن نائل رخصت اولدم

خاکبای مراحم انتمای شاهانه دن مظهر استیذان اولمشدر

خاکبای معدلتیمای حضرت ظل اللهیدن رخصته نائل اولدق

برشی کوند رادیکی ایچون یازیلان الفاظ

آغور

خفیف

صوب مکارم اوب والالرینه ارسال

صوب دولتری نه کورند رلشدور

اولنش

سوی مکارمبوی سامیلرینه

خاکبای عالیبرینه ارسال قلمشدر

ارساله ابتدار قلمش واولنش

خاکبای والالرینه ابعاث اولندی

طرف باهر الشرف کامکار یلرینه

خاکبای سنیبرینه اسراقلندی

خاکبای معالی انتمای ولی النعمیلرینه

خاکبای منعمیلرینه تقدیم

خاکبای

خاکبای سامی لری نه تسیمیر  
 خاکبای علیا لری نه تسیمار  
 خاکبای ولی النعمی لری نه تقدیم  
 صوب عالی لری نه بعث و تسیمار  
 طرف دولت لری نه  
 سوی والا لری نه  
 خاکبای مکار نمای منعمی لری نه  
 خاکبای عیون آرای رحمان لری نه  
 خاکبای مسعدت انتای کریمانه لری نه  
 خاکبای سطوت انتای داور لری نه  
 خاکبای جلاد تبیمای خدیوانه لری نه  
 خاکبای عالی خسروانه لری نه وزیر اور لری نه  
 سنک امر لک اوزره یابدیم دیه جن پرده

امروزه امتثال ایتم  
امروزه ملتزمین امتثال اجرا ایتم  
امروزه اراده کریمانه لری موجب اقتضای اجرا سینه ابتدار  
ایتم  
امروزه اراده دولتبرین اقتضای اجرا سینه مباشرت ایتم  
امروزه فرمان عالیبرین امتثال تسویه ایتم  
امروزه اراده رحیمانه لری مطاوعه تسویه سینه مبادرت ایتم  
انفاذ امر و اشعار دولتبرین کردن عبودیت سینه فرض مشابه سنده  
بولش اولمغه در حال اجرای اقتضای کیفیت مبادرت ایتم  
امروزه امر و اشعار دولتبرین فریضه ذمت بند کانه مبولش اولمغه  
دقیقه فوت و انیمه رق امروزه اراده رحیمانه لری تنفیذ سینه ابتدار  
ایلمدیکم محاط علم عالم آرای  
فرموده علیه داور برین انفاذ سینه قیام برله بلا افاتہ اوقات  
اجرایه صرف ماحصل وسع و مقدرت

صدر اعظمہ

ظہری سنہ مکتبہ کی الدم دیہ جن پر دہ مشہور اولان الفاظ

لکن شواہد ایلدیم یر نہ اولمش وقلمش واولندینی وقلندینی وایلدیکم وایلش اولدیغم انظاری  
عبارة نکه وشنه کوره تخیر ات در اولندنه یاز باور ایلدیم ایلدیم ایلدیم



برقطعه فرماتمامه مکارم علامه خدیوانه لری اغله زب توقیر اولمشدر  
فرماتمامه واجب اطاعة صدرتپناهی لری راحه پیرای تعظیم اولمش  
برقطعه امر وفرمان لازم الامتثال وکالتپناهی لری راحه پیرای تکریم  
اولمشدر

برقطعه فرماتمامه خدیوانه لری اصابع زب تکریم اولمشدر  
برقطعه فرماتمامه محاسن علامه صدرتپناهی لری پیرایه دودست  
عبودیت عاجزانه م اولمشدر  
بوکره برقطعه فرماتمامه مکارم علامه خدیوانه لری اغله زب  
ورود ومضامن اطاعت فریضه سی قرین علم عاجزانه م اولمشدر  
بودفعه برقطعه فرماتمامه واجب الامتثال صدرتپناهی لری راحه  
پیرای تعظیم ومفاهیم جلیله سی قرین اذعان چا کرانه م اولمشدر  
بودفعه برقطعه فرماتمامه واجب الاتباع وکالتپناهی لری  
اصابع زب تکریم ومأل محاسن اشتمالی قرین عبد  
صد اقتوسیم  
بوکره خامه پیرای تعظیم اولان برقطعه فرماتمامه صدرتپناهی لری  
مزیای محاسن احتواسی رهین ایقان بندگانه م اولمشدر

مکتوبی بک الدیم و نیاز بدین معلوم اولدی دی به جل برده

### مکتوب اوزر لری

مقام صدرتدن مشیران عظام متخیزانته وکلادن بولند بیغی خالده  
وکلای نغام سلطنت سنبه دن \* مشیرلکنه سایه رس اجلال اولان دولتلو  
افندم پاشا حضرتلرینک صوب والای آصفانه لرینه  
بعضیلرینه دخی وکلای نغام الفاضلنک ترکیله یازیلور  
ولایه عظام حضرتانه مقام صدرتدن عادی اوله رقی یازیلان  
\* والیسی دولتلو پاشا حضرتلرینک صوب والالرینه

ویا خود سامیله رینه

التفاتی اولدیغی حالده

وکلای نجام سلطنت سینه دن \* ایالتنه سایه رس اقبال اولان دولتلو  
افندم پاشا حضرت نرینگ پیشگاه عالیله رینه

میرمیران کرامه جانب صدارتدن

میرمیران کرامدن محافظی سعادتلو پاشایه

التفاتی اولان

میرمیران کرامدن محافظلغنه شرفیرا سعادتلو پاشانک صوب  
شریقلرینه

میرالامرایه

\* قائمقامی عزتلو پاشایه ویا خود پاشانک صوب شریقلرینه

بونلره مقام مشیختدن یازیلانلر برآزدها تلطفیجه سرعسکریدن یازیلانلر آندن  
برآزدها قیودانیدن برآزدها \* مقام صدارت عظیمدن صوب سامی ماب  
مشیخت اسلامیه به وسر عسکر پاشایه و قیودان پاشایه رسمی و غیر رسمی  
یازیلور و صره سیله طوبیخانه مشیرلکی و ریاست و نظارت و سایر وکلای  
نجام حضراتی جانب سامیله رندن یازیلانلر بری بوندن مراتب عالیله به کوره  
فرقی و تلطفی اولسی لازم کلوب بودخی مقام صدارت عظیمدن یازیلانلر  
ترتیباته تدقیق ایله اکلایشیلور

صدراعظمه علی الاطلاق

مکتوب اوزری

بمنه تعالی

مقام والای حضرت صدر تنهایی به عریضه عبیدانه مدر

دها تعظیلی

مبارک و مسعود خا کپای مراحم

آلود حضرت وکالت تنهایی به  
عریضه بند کانه مدر

عادی اولور سه مبارک و مسعود خا کپای مراحم

مقام والای حضرت شیخ

الاسلامی به عریضه عبیدانه مدر

مبارک و مسعود خا کپای مکارم

آلود حضرت فتوا تنهایی به

عریضه بند کانه مدر

مبارک و مسعود خا کپای مکارم

پیمای حضرت سر عسکری به

عریضه عاجزانه مدر

مقام والای حضرت قبودانی دریایه

عریضه بند کانه مدر

مبارک و مسعود خا کپای مراحم

آلود حضرت قبودانی دریایه

عریضه بند کانه مدر

شیخ الاسلامی

دها تعظیلی

سر عسکره تعظیلی

قبودان پاشایه علی الاطلاق

تعظیلی

طوبخانه عامره مشیر لکنه سایه انداز اجهت

واجلال اولان مشیر فلاتون نظیر دولتلو

افندم حضرت تارینک خا کپای املجشای

مشیرانه لرینه عریضه عاجزانه مدر

خا کپای حضرت ریاست تنهایی به عریضه

دها تعظیلی سی بالاده کیلره قیاس اولنه

طوبخانه مشیرینه

عادی یازیلان خا کپای

مشیر طوبخانه

عامره به

مجلس احکام عدلیه

رئیسنه عادی

خارجیه ناظرینہ مقام والای نظارت جلیلہ خارجیه به عریضه

مالیه ناظرینہ مقام والای نظارت جلیلہ مالیه به عریضه در  
 کرک خارجیه و کرک مالیه به مالیه نظارت جلیلہ سنه سایه بخشای  
 ایجابجه بوصورتله ده اجلال اولان مشیر فلاطو تدبیر دولتلو  
 یازیلده ییلاور افسدم حضرتلرینک خاکای حاجتروای  
 اصفانه لرینه عریضه یندکانه مدر

یازیلان ماده لرایچون اصطلاحات مطلقه

(امر عالی) فرمان پادشاهیدر (تلخیص) باب عالیدن مابین همایونه  
 (امرنامه ساهی) صدارتدن (مراسله) جناب شیخ الاسلامیدن  
 (تحریرات) علی الاطلاق (مضبطه) مجلساردن (عرض محضر)  
 اهالی بلده طرفندن (ضبطنامه) م (اعلام و حجت) حاکمردن  
 (انها نامه) مامور لک برنسنه فی طشره دن بیلدیر می (تقریر) برنسنه  
 ایچون باب عالی و سائر به (مذکره) بر ماده رسمک غیری اوله رق افاده  
 اولتیق اوزره یازیلان (تذکره) م (پوصله) م (پولیجه) پاره به دائر در  
 (قامیو) بدل ایتک معناسنه فرنکجه در که پاره به دائر در (تحویل)  
 (تمسک) (سند) بونلر بر سیاقده استعمال اولنور

اصطلاحات مقیده

عرض خلوص عریضه عرضحال محبتنامه عبودیتنامه

لطائفنامه      تعزیه نامه      نیازنامه      تشکرنامه

۲      ۲      ۲      ۲

وسائر کونا اصطلاحات قوللا نیلور

اشته بونلردن هر برینک بشقه بشقه مسوده لری بولنوب اعلا دن اعلا  
اوله رق واملاده ظنمه کوره سقامت بولنجه رق یازلمشدر

ومن الله التوفیق وهو الهادی الی سبیل الصواب

♦ ♦ ♦  
ابتدای مسودات

﴿خاکبای حضرت شهنشاهی به بعض وزرادن﴾ ♦

رحمۃ تعالی جل شانہ حضرت تبری ذات شو کسمات حضرت خلافتیناهی به  
بتمز و تو کتمز عمر و اقبال عنایت و احسانیلہ الی قیام الساعه سریر شو کتصیر  
جهانبانی به زینت و رونق و هر حال و کارده بالجله بندکان و بتخصیص  
بو چاکر مستغرق الاحسان لر بنی رضای فیض ارتضای حضرت تاجدار یلر بنه  
مطابق من غیر حد خدمات ابراز بنه موفق بیورسون صدقه سرین افسر  
حضرت ملوکانه اولق اوزره عهده چاکرانه مه توجیه و احسان همایون  
بیوریلان فلان محله بالمو اصله زیب جمائل نخر و مباهات کترانه م اولان  
مأموریت امر جلیل الشانی تعظیبات لایقه و تبرکات لازمه نک  
اجراسیله برابر فتح و قرائت و محض لطف و معدلات اولان منطوق جلیل  
و مضمون موهبت دلیلی جلایه اعلان و اشاعتله من قبل الرحمن تأسیس  
و تنظیمه موقیت چایب شهر یاری نمایان اولان تنظیمات خیریه و تنسیقات  
ملکیه اصول عادله سنه تطبیقا ایضای امر مأموریتیه ابتدا و مباشرت

اولمسنه ورعزتعالی و تقدس حضرتلری ملکفی ذات هما یونلرینه و جناب  
کرامتنصاب ملو کانه لرین دخی کافه عباد و بند کانه باغشلسون آمین  
فلان ایالتی طوغربسی خلقت ذاتیه ارضیه سی اقتضاسنجه هر درلور تریب  
و اعماره البق شایان ستایش بر محل بولمش اولوب هر حالده نائل اولدیغ  
تعمت مورث المفخرت و عنایت جهان قیمت جناب شهنشاهیگ ادای حق  
تشکر و حمدی وسع بشرک و خصوصیتله بو عبد عاجزک دائره قدر تشدن هزار  
مر تبه دور اولمغین همان فریضه ذمت عبودیتیم اولدیغی اوزره دعای بقای  
شان و شوکت و اجلال حضرت خلافتناهیگ تکرار یله برابر سایه  
موقیت و ایه جناب شهر یاریده ایالت مر قومه نک آن بأن استحصال معیوریتی  
واهای و سکنه سنک استکمال اسباب رفاه و استراحتلری خصوصنه نصب  
نفس اهتمام و غیر نه جانب شوکتجوانب جناب ملو کانه ایچون جله دن  
دعوات خیریه استیجابنه صرف مقدرت اولنه جعی بیانیله بالعجز والقصور  
ایضای وجیهه تشکر و حمدنه مسارعت اولندیغی ان شاء الله تعالی رهین علم  
عالی لری بیورلد قده اولبا بده امر و اراده حضرت من له الامر کدر

### ﴿فراشت شریفه مکتوبی﴾

سلطان سر پرده لولالک و شهنشاه تحتکاه و ما ارسلناک علیه افضل الصلوات  
مادارت الافلاک افند من حضرتلرینک روضه مطهره فردوس آسارنده  
بعنایه الله تعالی نائل و شرفیاب اولدیغ خدمت علیه فراشت شریفه نک  
بالو کاله حسن ایقاسنه همت بیورلدیغی متضمن شرف وارد اولان تحریرات  
شریفه لری مال حقیقت اشتمالی معلوم عاجزانه م اولوب اولوجهله واقع  
اولان همم شریفه و ابراز بیوریلان آثار توجیهات حسنه لرندن ممنونیت  
کثیره حصول بولمش و علاوه بیوریلان هدیه بهیه لری دخی قرین حسن  
قبول اولمشدر هر حالده و دیعه جناب خدا اوله سزایه طرف شریفه لرینه  
درکار اولان خلوص و محبت عاجزانه م برکال و اولبا بده تفصیله حاجت

اولدینقی وارسته قیداشکال اولوب خدمت سنیه مذکوره عاجزانه می  
 بوندن بویه دخی بالو کاله کمال تعظیم ونهایت تکریم ایله ایضا وحضور شفاعت  
 موفور حضرت سلطان انبیایه تقدیم صلوات وسلام ایله حق کما هکارانه مده  
 شفاعت علیه جناب شفیع المذنبینی نیاز ورجایه وسائر آل واولاد واصحاب  
 کریم رضوان الله تعالی علیهم اجمعین افسدیلرمن حضراتنه دخی ترضیه  
 وتحمایای بند کانه ملن ابلاغیله مستجاب الدعوه اولان بالجله مقامات  
 مبارکه لرده سعادت وسلامت دارینه مظهر یتیم ایچون طرف عاجزانه می  
 دعوات خیریه لرله یادوتد کاره همم سنیه لری درکار ولفا ارسال اولنان  
 غروش هدیه عاجزانه می دخی هر نقدر ناچیز ایسه ده لطفاحسن قبولیله  
 وصولنی اشعار بیورملری مقنای مخلصانه می ایدوکی ان شاء الله تعالی معلوم  
 شریفلری بیورلدقده اولبابده عنایت افند مکدر

### § (جانب ریاست احکام عدلیه به) §

حسب العبودیه مرتب ذمت چا کرانه می اولدینقی اوزره ایضای ادعیه خبریه  
 وتزاید اقبال عالی خدیوانه لری تمینات مخصوصه سیله اوقات کذا را اولدینم  
 حالده حق احق آصفیلرنده برکال ومسلم ویزوال اولان مهر عالم افروز  
 بوجهات جناب شهنشاهی بوکره دخی لمعه ریزدرخشان اوله رق مجلس  
 والا ریاست جلیله سی شرف اتصال داورانه لرله تشرف ایلدیکي خبر  
 مسرت اثری سامعه زیب چا کرانه می اولدقده خدا عالم ودانادرکه چا کرلری  
 بر مقتضای عبودیت انواع مباهات وسرور وکمال شادمانی ونغمه موفور ایدرله  
 اشتغالیه مباهات افزا اولدینم دعای فزونی ایام عمر ودولت وقبال سائی  
 صفدریلری بتکرار زیور زبان چا کر مصادقتنشان قلمش در همان جناب  
 رب عزت وجود مسعود عالی خدیوانه لرینی همیشه آرایش افزای محفظة  
 عاقبت واشبو مأموریت جلیل المنفخرت آصفیلرین دخی انواع توفیقات  
 الهیه سنه مقارنتله رهین ین ومسعدت وکافه خدمات وحرکات جهان

پسند خدیو یلرین نزد عالیده قرین تحسین و مقبولیت بیورمیق دعای  
فریضة الاشتمالی رفع بارگاه اجابت قلنه رق مجرد عرض و بیان مسروریت  
و ایفای لوازم تبریک و تهنیتله استبقای توجهات معالی آیات عاجز نواز یلری  
معروضنده رفع عریضة چاکری به ابندارا و لنسیدنی ان شاء الله تعالی  
محاط علم عالمشمول منعمانه لری بیورلقدده اولبابده و هر حالده امر و فرمان  
حضرت من له الامر کدر

### ﴿عرض محضر﴾

عقبه فلک مرتبه علیا و سده سنیه در کاه معللا ترابنه فلان پرده سا کنون علما  
و ائمه و خطبا و وجوه و اهالی قوللری با سر هم محضر کونا عرض حال صدق  
مأللری اولدر که جناب حق و فیاض مطلق تعالی شانه حضرت تلری سبب آسایش  
عالم و شهنشاه دارا خدیم و معظم ولی نعمت عالمیان پادشاه مز افند من  
حضرت تلرینک مبارک و مسعود وجود عالمسود تا جدارانه لرینی کمال  
شوکت و اقبال الیه سریر آرای دیهیم خلانت و کافه مخالفینی فرمان واجب  
الاقتران جهانستایلرینه مسخر و کردن داده اطاعت بیورسون اشبوایام  
فرح انجامده فلان ایالتی قائمقاملغی عهده لیاقت و اهلیتنه احاله و احسان  
هم ایون ملوکانه بیورلمش اولان رکاب قرتاب شاهانه قیوجی باشیلرندن رفعتلو  
بک بنده لری مرکز ما موریتلری اولان فلان محله ماه حالک یدکر می یدنجی  
پنجشنبه کونی بالوصول فرداسی باعث افتخار و موجب مباهاتی اولان  
فرمان جلیل العنوان جناب شاهانه بی جمله من حضورنده فتح و قرائت  
و مضمون اطاعتمقرونی جمله به اعلان و اشاعت اولنه رق جمله مراسم مطاوعتی  
اد او ایفای دعای واجبه الادای جناب جهاننداری قلنمش و قلنقدده بولنمش  
ایدوکی و افکار حسنه عدالت مستحسنه جناب ملوکانه و تنظیمات خیریه  
اصول محاسنمهولنی دخی جمله به افاده و تقریر و تفهیم ایدرک جمله درجه سز  
ممنون و متشکر اولد قلمزنی متضمن اشبو عنایات مکار مغایات نامسبوق



الامثال ملوكانه نك تشكرينى فرض مشابه سنده يله رك قائمقام موخى اليه  
قوللرينك جمله مى تأمين وتأليفارى اليه امنيت مال وجان قضيه لر ينك  
تشكرانه سنده پادشاهمزا فندمى حضرتلرينك تكرر افزونى عمر و اقبال  
وتزايد شكوه و شان جهان بانيارى ذيلنده دودست ايله جمله بلده مى علمارى  
على الانفراد دعوات پادشاه عالمناه افندمى قيام و ايصال قبولخانه درگاه  
رب الانام قلند بى بيانيله اشبو محضر كونا عرضحال تشكر مأل عبيداته مى  
ترقيم و تقديم بارگاه معلقلتمشد و اولبابده و هر حالده امر و فرمان حضرت  
من له الامر كدر

سايه قدر تو ايه جناب ملوكانه ده هيچ بر كسه ديكر ينك مال وجان و اموال  
واشيه و ارزاقنه اطالنه دست خسارت و اولوجهله رنجيده و آزار اوله جق  
صورتده حركت اولتمق غير جائز و مغاير اراده جناب ملوكانه اولد بى كوش  
كجى آشكار و بونك اوزره نيجه نيجه او امر نامه ساميه اصدار اولتمش  
و هر كسك دخى مشهود و علم يقينى بولتمش اولوب بوباده تنبيهاته حاجت اولمز  
ايكن بود دفعه عشائرى اهل ايلرينك بعضىلى قريه سى  
فقر اسنك بر سنده چالشوب چبه ليوب و ير كوى مخصوصه لر ينك ادا  
و اداره لازمه ضروريه لر ينك تسويه و ايفاسنه قارشولق اوله جق اكينلرينى  
فضولى حيوانلرينه رعى و چرا و اولوجهله محو و هبايتمكده بولتمش اولد قلرينى  
طرفزه بالاخبار تظلم حال ايلش اولد قلرينه بوبو مثل حركات نامر ضيه به  
اجتسار ايدنلر هر كيم اولور ايسه اولسون اول امرده بر موجب شروط سنيه  
رعى و تلف ايتدرمش اولد قلرى اكينلرى ار باب و قوقل معاينه سيله لدى  
الكشف بمقدار ضرر لرلى و ارايسه لازمكلا نلردن بتمامه تضمين ايتدير يلوب  
زنهار زنهار بوبيله اطوار نالايقه حركنده بولتماملى دخى تنبيه و تاكيد اولتمق  
وا كر بومعدلت سنيه جناب ملوكانه كوش تكرر اضرار ناسه  
ايلدكارى حالده بر موجب جزا قانوتنامه همايون اجراى تاديلرينه باقيله  
جغندن وجه مشروح اوزره عمل اولتمق بابينده

### بادی ترقیم ضبطنامه اولدرکه

التمس التی سنه سی ماری اعتبار یله فلان ایالتنده واقع بالجمله رسومی مقاطعاتی بارارده سنیه مجلسجه علنا مزایده اولنه رق ذکر اولنان مقاطعاتده بالاده محتربر قلم مقاطعه نك سنه مر قومه یه محسوب با و توزیک ایکوز غروش بدل ایله فلان عهده لرنده قرار و قرارمذ کور اوزره قبول لرینی حاوی یدلرندن اخذ اولنان دین تحویلی موجبجه مقاطعات مزبوره نك بدلی اولان سالف البیان او توزیک ایکوز غروش سنه مر قومه ماری ابتدا سندن شباطی غایتیه دکن بهرماه ایکبیک بشیوزاون یدی غروش ایات مر قومه مال صندیغنه تأدیه وتسليم ایلک شرطیله تعهد قویه ایله تعهد واولوجهله کفیله ربط اولنه رق مقاطعه مزبورک سنه مزبوره ده تعامل قدیمی وجهله ضبط وتصرفلر بچون اشبوضبطنامه بالتهمیراغای مومی الیه مابنده لرینه اعطا اولندی کرکدرکه طرفزدن طرف آخردن ممانعت اولنمه

### ﴿تقاعدلك استرحانیده خا کپای شاهانه به عرضحال﴾

جناب حق سبحانه وتعالی شوکتلو قدرتلو مهابتلو عظمتلو کرامتلو شهنشاه عالم اقتد من حضر تلی نك آفتاب برج دولت اولان وجود نادر الموجود ده مایونلرین اکدار کونیه دن مصون ومحفوظ ودائماریکه سلطنتده ابد قرین بیوروب سایه جهاندار یلرنده کافه انامی مستتریح البال ومرفه الحال ایلیه آمین بوعبدملوکری الی سنه دن متجاوز سایه سنیه سلطنت شاهانه لرنده میر میرانی رتبه جلیله سنه نائل اوله رق امور ملکیه شاهانه لرنده وخدمات عسکریه جهانیا یلرنده استخدام بیورلدیغمدن محض تحصیل رضای معالی اقتضای شهنشاهلری امل ومقصود یله هر بار صدق وصداقت واغورمکارم موفورملوکانه لرینه جان و تن فدا ایدن بر ازاد قبول ایتمز بنده لرندن اولدینم درکار وسایه فیضویه جناب

شهریار یلرنده سن عاجزانه م سگسانه طوغری وارد یغندن الی آخر العمر  
 خدمات سلطنت شاهانه لرنده بولتی آرزو سنده ایسه مده رکوب و نزوله و قیام  
 و قعوده طاقت و قدرتم قالدیغی و امثال و اقتران چا کرانه م التمش و التمش بش  
 سنلرنده تقاعد بیورلدیغی مثللو بوکتر قوللری دخی اختیار لغمه نام نیکو ایله  
 تقاعد بیوریله جغم بی اشتباه اولدیغندن مراحم علیه شاهانه لرندن مرجو  
 و متضرع در که در بار شوکت قرار شاهانه لرنده ملک موهوب ملو کانه لری  
 اولان ساحلخانه کترانه مده اقامت ایدوب بقیه عمرم دعای ادامه ایام عمر  
 شاهانه لریله امرارا اولتی اوزره کافی المقدار معاش بوسن و اختیار لغمه  
 ترجاه و شفقه احسان بیورلق باینده و هر حالده امر و فرمان انعام و احسان  
 بی پایان شوکتلو قدرتلو مهابتلو عظمتلو کرامتلو شهنشاه ام  
 افند منی حضرتلرینکدر

﴿ تبریک صدارت عظمی سیاقنده عرضحال ﴾

معروض چا کرکینه لریدرکه

ذات خدیوانه لرینک من القدیم برآزاد قبول ایتمز قول و کوله لری  
 اولدیغندن مترتب ذمت عاجزانه م اولان فزونی ایام عمر و اقبال و اجلال  
 صدارت پناهیلری دعواتی تکرارنده ذره قدر قصور و فتور چا کرانه م  
 وقوع بولدیغی درکار و آفتاب طالع خدیوانه لری برج اقبالدن پرتوتار  
 اولسی درگاه الهیه دن روز و شب تضرع اولتمقده و بوسیله حسنه ایله  
 عرض عبودیته ابتدار ایدلمکه منتظر ایکن بود دفعه عواطف علیه خسروانه  
 و عوارف بهیه ملو کانه دن صدارت عظمی ذات خدیوانه لرینه توجیه  
 و احسان و مهر صدارت یدمو یدعدالت کستر و کالت پناهیلرینه تودیع  
 بیورلدیغی خبر مسرت اثری تشنیف ساز سامعه چا کرانه م اولغله خسب  
 العبودیه بو عبد ملو ککرینه شادمانی بی پایان حاصل اوله رق بکر از دست  
 کشای بارگاه حضرت پروردکار اوله رق استداده ایام عمر و اجلال و استزاده

شان و شکوه خدیوانه لری دعواتنه مبادرت قلنه رق همان توفیقات الهیه  
 هر بر امور و خصوصیات صد ارتپناهیله رنده رفیق و معین و عدل و داد  
 و کالتپناهیله کافی انام حقارنده ارزان و ظل ظلیل مراحم عدیل  
 شاهانه مفارق ام اوزرنده سایان یورلق تمناسیله من غیر حد تبریک جاه  
 صد ارتپناهیله ایفا قلنغله هر حال و استقبالده اشد احتیاج ایله محتاج  
 اولدیم حسن توجهات محاسن آیات خدیوانه لری حق بند کانه مده درکار  
 و سزاوار یورلق باینده و هر حالده امر و فرمان حضرت من له الامر کدر

در بجز تعالی و تقدس حضرت لری ذات شوکتسمات جناب شهنشاهی به بقر  
 و تو کمنز عمر و اقبال عنایت و احسان یوروب ذات حضرت صد ارتپناهیله رنی  
 دخی الی الابد سر بر ایه قصیر و کالتپناهیله رنده برقرار یورسون بوکره عواطف  
 علیه جناب ملوکانه دن فلان قائم مقام لغی عهدۀ لیاقت و اهلیتته احاله  
 و احسان همایون شاهانه یورلمش اولان رکاب قرتاب همایون قبوجی  
 پلشیلر دن فلان بک چاکر لری ماه حالک یکر ی برنج پنجشنبه کونی بالوصول  
 فرداسی جمله مزی جلب و جمع ایدرک بادئ فقر و مباهاتی اولان فرمان  
 جهات مطاع جناب ملوکانه بی فتح و قرائت و جمله مراسم مطاوعتی بعد  
 الاداشفا هادخی افکار معدات آثار جناب شهر یاری بی جمله مزه تقریر  
 و تفهیم ایلش اولدیغندن وجیه ذمت عبیدانه عز اولان دعای جناب  
 گسور کشایی و ذات معالسمات حضرت و کالتپناهیله ادعیه مخصوصه سی  
 ادا و تکرار قلندیغی و از هر جهت جمله اهالی کند و سندن خوشنودیله رنی  
 متضمن بر قطعه محضر ایله تشکراتی حاوی بر قطعه مضبوطه عبیدانه من تنظیم  
 و تقدیم خاکبای و کالتپناهیله رنی قلنغین اولباده و هر حالده امر و فرمان  
 و لطف و احسان فراوان حضرت من له الامر کدر

خاکبای عالی حضرت ولی التعمیلرینه درکار و نکار شیرای صحایف استمرار

اولان قدم عبودیت و اتم نسبت و مصادقت عیندانه م لوازمه مترتب  
اولدینجی وجهله ذمت بندکانه مده فرض مشابه سنده بیلدیکم دعای تزیاید  
ایام عسر و اقبال و ترقی شکوه و شان معالی نشان منعیمی لری هر صبح و مسام  
زیایشد هنده زبان بنده بیرالری اولوب خدا عالم و ذاتادر تابشیر صبح  
صادق اقبال لری نک بروزینه دیده دوز و انتظار اوزره اولدینم حالده حق  
الیق علیه لرنده همیشه ضیادار و لامع و بواوان میامن نشاند کافه فیوضاتی  
جامع اولان نیر توجهات جهان افروز جناب پادشاهی لامعه سنجه بودفعه  
عواطف عالمشول جهان بنانی و عوارف بهیه حضرت تاجداریدن عهدۀ  
استیصال مکارم اشغال سنیه لری بهرتبه توجیه و احسان و رتبه مذکوره  
مخصوصه نشان فروغ افشان احسان و اعطای بیوردیغندک خبر بهجت اثری  
زیور سامعه چا کریم پرورده لری اولدقده بوباید بالجله بندکان و بتخصیص  
چاکر صدق نشان لری به باعث سرور و شادمانی و مستلزم مغفرت موفور  
و کامرانی اولغله همان جناب رب معین همیشه همپر توبصاحت روز عید  
اولان طلیمه ایام عمر و اقبال علیه لری مدمدید و رتبه عالیه مذکوره لری  
حق احق علیه لرنده سعد اندر سعید بیورسون دعاری من القديم مأنوس  
اولدینم ادعیه خیریه سنیه لری به تردیفاز یور زبان تکرار قلندینجی بیانیه  
استبقای توجهات مورثه فیوضات بنده پروریلری معرضنده عریضه  
رقیت فریضه چا کرانه م تقدیم خاک پای مکارم موسمی لری قلنمش اولغله امر  
و فرمان حضرت من له الامر کدر

### ❦ (جواب) ❦

بتوفیقہ تعالی مرکز مأموریت بهیه لری اولان فلان محله مواصلت و تسویه  
مصالح لازمه به شروع و مباشرت اولندینغندن بجنه اجرای لوازم مخادتی  
مذکر راحه رس اعزاز اولان تجریرات بهیه لری مأل مسرت اشتمالی  
رهین ایقان مخلصی و اولو جهله معصوب با بالعا فیه مقر مأموریت لری به

مواصلت لری و ایضای شریطه موالاته هم تری موجب ممنونیت محبی اوله زق  
دعای خیریه موقیت بهیه لری زیور زبان تذکار و صوب شریطه لینه عائد  
اولان خلوص و محبت صمیمه مخصوصه من مستغنی بیان و اشعار  
اولد یغندن مبحث رسمیه دن صرف انتظار قلنش و بمنه تعالی مخلص کن دخی  
متقرب المدخول اولان شهر رجب شریفک او چنچی یوم سبت فلان محلدن  
حر کله فلان محله عزیمت محبانم مصمم بولنش اولد یغنی بیانیله ابراز ممنونیتله  
استبقای توجه فواید لری سیاقنده شقه مخالفت ترقیمه ابتدار اولندی

﴿بعض مأموریندن افاخم و کلابه تشکر نامه﴾

جناب حق عمر و اقبال ولی النعمیلرینی کوندن کونه افزون و سایه  
احسانوایه اصفانه لرین کافه بندکان صدق نشات لری حقدنه و باخلاصه فرق  
عبیدانه مده ابد غمون بیورسون \* سایه علیه ولی النعمیلرینده فلان محل  
قائم مقامی عهده کترانه مه احاله و احسان ملوکانه بیورلمس یله مرکز مأموریت  
عاجزانه ماولان مدینه معلومه به وصال و امور مأموره مله اشتغال و جمله دن  
جانب حضرت پادشاه دریانوال و ذات خدیو یلر یچون دخی دعوات خیریه  
استیجابنه کمال اعتنا و دقت و رضای عین ارتضای ملوکانه استحصالنه  
صرف ما حاصل مکنت قلندیغنی عرض و بیانیله بود دفعه و وقوع انفصال ولی  
النعمیلرینی مسموع چاکرانه ماولد قدده بطالع ناساز بندکانه مقتضای بوخبر  
حزن اثر دن مایوس اولمش ایسه مده شو صورتله متسللی اولد مکه \* وفی السماء  
نجوم لا عدد لها \* و لیس یخسف الا الشمس والقمر \* مدلولنجه پایان شب سیه  
سفیدست مألنی تفکر و بمنه تعالی عهد قرییده نائل مسرت و واصل ممنونیت  
اولنه جغنی کالشمس فی وسط السماء و ید اولد یغندن اولو جهله تسکین آتش  
حزن و ملال قلنش اولغله همان جناب حق وجود لازم الموجود آصفانه لرینی  
الم واکداردن محفوظ بیورمق دعواتی ضمیمه اوراد دلیل و نهیار اولمش  
اولد یغنی محاط علم جهان آرای سنیه لری بیورلد قدده امر و فرمان

### ﴿تشرکات نامہ﴾

آئیں تو بھائی واسعۃ البرکات رحیمانہ لری اولہ رقی فلان قائم مقام لری  
 عہدہ چاکرانہ مہ احالہ واحسان ملوکانہ بیور لمسیلہ فلان محل مر جعفر اردن  
 فلان رابطہ اقامت و مرکز ماوریت عبیدانہ م اولان فلان محلہ وصال و امور  
 ما مورہ چاکرانہ ملہ اشتغال و جملہ دن جناب حضرت پادشاہ دریا نوال و ذات  
 منعم لری چون استیجاب دعوات خیر یہ استحصال نہ صرف مکت ما حاصل  
 اولئہ جنی افادہ سیلہ حق البق ولی النعمیلرندہ ہمیشہ ضیادار و لامع  
 و بو آوان فیض اقتزاندہ کافۃ فیوضاتی جامع اولان نیر توجہات مراحم آیات  
 جناب جہانبانی لامعہ سنجہ مسند جلیلی توجیہ عہدہ استیصال و مکارم  
 اشتغال داورانہ لری قلند بی خبر بہجت اثری سامعہ نواز چاکرا خلاص  
 برد از لری اولہ رقی مواظب ایفامی اولدیغم دعوات اجابت آیات ولی النعمیلری  
 زیور زبان مصادق نشان و ایصال قبول کاکہ در کاکہ جناب رب منان قلند بی  
 عرض و بیاتہ و تبریک و تہنیت جاہ شرفیناہ ولی النعمیلری و تشکر ما موریت  
 چاکری معرضندہ ترقیم و تقدیم عرض حالہ اجتسار قلند بی محاط علم جہان  
 آرای آصفانہ لری بیور لاقده محتاج و امید وارا اولدیغم حسن توجہات  
 مکارم غایات سنیہ ولی النعمیلرین فرق بند کاکہ مددہ دوام و استقراری بپندہ  
 و ہر حالہ امر و فرمان و لطف و احسان حضرت من لہ الامر کدر

### ﴿انہا نامہ﴾

لذا تقدیم خاک پای حضرت و کالتہ ناہیلری قلنان مجلس مضبطہ سی مالندن  
 کیفیت قرین علم عالمشہول آصفانہ لری بیوریلہ جنی و جملہ فلان ایالتندہ  
 مستخدم ایکویزاون نفر ضبطیہ نفراتی حد و نصابندہ و سایہ سنیہ لرنہ  
 بروجہ مطلوب استحصال آسایش و امنیت طریق حقندہ و تخصیصیلہ  
 و احضاریہ خدمتارندہ کاملاً استخد ام قلند بی خالدہ نفرات مر قومہ واقعا

مستوفی ایسه ده کرک افشار و کرک سائر عشا ترک اسکانلری خصوصه مامور  
بیور یلان فلان والیسی دولتو پاشا حضرتلری ثنا کارلریله بالخبره فلان  
نام محله ده مستوفی ضبطیه و سائر عسا کرک لزومنه مبنی فلان ایالتی ضبطیه  
نفراتندن یوز قدر و فلان محلدن دخی ایکموز نفر ضبطیه باشبو غلری معیتله  
محل مر قومه به سوق و اسرا و الان اورالده پاشای مشارالیه ثنا کارلری  
قومانده سیله لازمکلان خدمتلرینک ایفا سنده بولند قدرندن محل ماموریت  
عاجزیده مقدار وافی سواری ضبطیه نفراتنک امور تحصیلیه ده موقتا  
استخدام اولمیرینه احتیاج مس ایتمش اولمغله مارالبیان ایکموز الی نفرندن  
بشقه مجتدا بیکری بش نفر سواری تحریر اولنسه رق قوللری معیتله  
تحصیلاته کوندرلمش اولدقلری و اشبو فلان سنه سی مایسنک اونچی  
کونندن اعتبارا یوز او توز غروش ماهیه تخصیصیه مزبور طرفلنده  
بولان نفرات مر قومه فلان محله عودت ایدنجه به دکن مذکور بیکری بش  
نفرک معاشلری اعطا اولند یغندن کوندریله جک کتبه دقتری موجبجه  
مبالغ خزینة جلیله جه محسوبی اجرا یورلسی خصوصه مساعده  
حضرت و کالتیناهیلری ارزان و شایان بیورلق نیازی باینده تقدیم عریضه  
چا کریمه مبادرت قلمشدر اولبابده و هر حالده

### ﴿تبریک﴾

ناصیه حال سعادت اشغال سنیه لرنده نشانده دست قدرت اولان کمال رشد  
و عرفان محیط غوامض معاملات جهان اولدیغنه بناء ال بلند مراتب علای  
دولت علیه وقتنی خطوب جسمه سلطنته سنیه نهاده دوش اهلیت علیه لری  
بیورلمش اولسه من قبل الله مودوع ذات والاری اولان جواهر جود  
و عاطفت و کوهر بهمتای لطف و رفعت اقتضاسی مقارن توفیقات صمدانیه  
ایله موفق بالخیر اوله جقلری بی ریب و کان و بوقضیه مستغنی دلیل و برهان  
اولمغله همان جناب درب منان هر حالده مظهر فیض و توفیق و هر برامور



مأموره سینه لرنده الطاف الهیه سن رفیق بیورسون دعا لری اوراد لیل ونهار  
 وهر بار ایصال بارگاه جناب پروردگار قلمقه ایکن تیر دعا ی عاجزانه مهدف  
 اجابت اصابته بود دفعه عوطف عالمشمول شهر یاریدن عهده استیصال  
 مکارم اشغال علیه لرینه مأموریت معتنا بهاسی توجیه واحسان همایون  
 ملوکانه بیورلمش اولدیفی نوید مسرت بدیدی سراققتار عاجزانه می  
 محاذی افق علیا ایدرک سرعت تبریک و تمثیل جاه شرف پناه علیه لری ایفا سانه  
 مبادرت ومن القدیم مألوف ومحتاج اولدیفم حسن توجیهات محاسن ایات  
 سینه لری فرق عبیدانه مده کما کان استقرار واستمراری نیاز یله ترقیم عریضه  
 چاکری به ابتداء قلندیفی محاط علم عالی کریمانه لری بیورلد قده هر حالده امر  
 وفرمان لطف واحسان افند مکدر

### ﴿مع التشرکرا عتذارنامه﴾

مجرد آثار بن هم معالیتوأم جناب ولی النعمیلری اوله رق مأمور اولدیفم  
 خدمت کابندن طولایی رومالی خاک پای عیون آرار یله ایفای لوازم شکر  
 ومحمدته عذم موفقیت کترانه مثمره غفات وبشریت ناچیزانه مایجابندن  
 اولیوب مأموریت مذکورده نک ظهور یله اوج درت کون بیننده بو طرفه  
 عزیمت اولندیغندن نشأت ایلش و بوبابده اولوجهله واقع اولان قصور  
 ضروری الصدور عبیدانه مدن ناشی خود بخود تقدیم عریضه به دخی یوزم  
 وجسارت قالماق ملا بسه سبیله شمدی به قدر بوجیهه نک ایفا سنده دخی  
 اخر اروق اولنقده ایدوکی درکار ایه سده اصل شرط رقت و تزین لسان  
 عبودیت چاکرانه ماولان خدمت دعا ی واجب الادای منعمانه لرنده  
 بوجهله تکاسل ورخاوت کترانه ماولدیفی ایننه ضمیر منیر حقایق دایرینه  
 عکس انداز بولمش اولدیغندن همان اولصورته ظهور و وقوعه کلان جرم  
 وغصیان چاکرانه ملک استعفا سانه جرأته مألوف ومحتاج بولندیغ حسن  
 انظار وعاطفت آثار بنده پرور یلری ابقاسی تضرعنه مبادرت قلمش اولدیفی

محاط علم عالی ولی النعمیلری پیورلدقده اولبا بده امر و فرمان واحسان  
فراوان حضرت ولی الامر کدر

﴿جوابی حاوی تشکرنامه﴾

صوب سائی آصفانه لری نه در **کار** و مخصوص بالا افتخار اولان خلوص  
و خصوصیت عاجزانه ملایمه سی اوزره هر آن دعای افزایش عمر و اقبال  
آصفانه لری نه حصر قلب و لسان ایتمکده اولدیغ حالده مقتضای شیمه کریمه  
صدقنوازی و عاطفت علیه لری اوزره حق بندگانه مده بقای توجهات  
مکارم آیات کریمانه لری متضمن ارسالنه عنایت پیوریلان کرمنامه معالی  
علامه آصفانه لری پیرایه بخش ائمه اعزاز و مال مروث اشمالندن استفاده  
ایلدیکم التفات علیه و تاطافات سنیه دستور یلری مستجاب صوف مسار  
واهترزاز اوله رق ادعیه خیریه خدیو یلری تکرارینه آغاز و میانه خلوص  
متانه ده اولان محبت و محادنت بر قاتدخی کسب مرتبه امتیاز ایدر لبوبابده  
اطناب مقال حاصلی استحصال قیلندن اوله جغندن اختیار طریق ایجاز  
قلمش اولمغله مجرد بیان شادی و مسرت و تأکید ضابطه خصوصیتله استبقای  
توجهات مکارم آیات دستور یلری معرضنده تمیق رقیمه عاجزی به ابندار  
اولندیغی بلطفه تعالی محاط علم عالی لری پیورلدقده اولبا بده امر و اراده  
حضرت من له الامر کدر

﴿بعض مأمورینه تبریک جوابی حاوی اوله رق و کلائی نغامدن﴾

صوب خلوصوری به در **کار** اولان توجه درون حقیقت نمون بهیه لری  
تأکید ائمه تبریک مأموریت محبانه مری شامل رسیده جای اعزاز اولان  
تخیرات والاری مؤداسی رهین ایقان و اجرای تهنیت سازی به درکاری هم  
وفیه لری بادئ حبور بی پایان اوله رق دعای توفیق و تزیید وقع و مری یلری  
اورده زبان بیان قلمش و سوی رؤفیلرینه بدیهی الثبوت اولان مهر و محادنتم

کیفیتی مستغنی اتیان ابدله و براهین بولنش اولقد تناشی اولجشد اطناب  
کفتار دن صرف نظرله همان محصول مسرت ستایشوری بی پایان رقتارنده  
نمیقه مخادنت تخریرو فرستاده سوی هر و ت سیر لری قلندی افندم

### ﴿کذلک﴾

صوب عاجزی به درکار اولان توجهات فزاید لری اقتضای ماموریت  
عاجزانه م تبریک و تسعیدینه خامه پیرای همت وفلان محلدن حرکت و محل  
مقصوده عزیمت سپاسدارانه مده دارنده طریقه دولخانه لرنده یتوت  
اولمق افاد اتبله واصل دست ابجال اولان شقه سنیه لری مال والاسی قرین  
اذعان اخلاص نشان بندکانه م اولمشدر طوغریسی بو وجهله حق جواریت  
کمال رعایت و بنده پیرالینه حرمت و التفات علیه لری فراموش اولنور  
حالات اولدیغندن همان جناب حق هر بر امور یا موره لرنده توفیقات  
صمد اینه سنه مقرون بیورسون بمنه تعالی بورادن طوغریجه قضاء مزبور  
طر یقوله مسافرت و حسن ملاقات اولمسی دعا لری یاد و تذکار قلندیغی بیانیله  
محظوظیت عاجزانه می ایما و مجرد خاطر فیض مظا هر لری استنباسیا قنده  
شقه بندکی ترقیمه ابتدار قلنش اولندیغی مجزوم عالی لری اولد قده بعد مادخی  
سوی عاجزانه م ارسال و رقباره عالی لریه عنون و مسرور بیورلمق باینده  
رأی افندم مکرر

بواوان فیض اقترانده کافه فیوضاتی جامع اولان نیر اظفار مر احم انار جناب  
پادشاهی لامعه سنبه عهدۀ اهلیت عدۀ سنیه لرینه عواطف شامله العوارف  
جناب ملو کانه دن فلان مأموریت جلیله سی خطوب جسمه معتنسی  
توجیه و احسان هما یون بیورنش اولدیغی نوید مسرت بدیدی سامعه نواز  
چاکر در مخزیده لری اوله رق مواظب ایفاسی بولندیغم دعای خیریت  
احتوای سنیه لری تکرار علی التکرار ایصال قبولکاه حضرت

برورد کار قلنش و بوبابده حاصل اولان سرور و مفتخرت عسیدانه م قابل  
 حوصله صحایف بیان اولسی محال بولنش اولمغله همان جناب رب معین همپرتو  
 صباحت روز عسید اولان طلیعه ایام عمر و اقبال ولی النعمیلرین مدت مدید  
 وجاه معالی اکنه سامیلرین سعد اندر سعد ایلدوب کافه امور و خصوصات  
 علیه لینه موفق بانخیر بیورمق ادعیه مفروضه سی یادوتد کار قلند یغنی  
 من غیر حد عرض و افاده سیله شرائط تبریک و تمینته جسارت اولند یغنی  
 محاط علم عالی کریمانه لری بیورلد قدیه قریب و بعید محتاج و مترقب اولد یغنی  
 آفتاب توجهات بنده بروریلری کماکان حق کینه مده برتوتار عاطفت  
 بیورلمق باینده

ذات قدر دانیلرینک مجبور خلوص و محبتی اولد یغمدن ذکر محمد سنیله لری  
 آرایش افزای زبان و مدار انبساط دل و جان اولمقدیه اولد یغنی عرض و اشعار  
 و ادعیه خیریه علیه لری علاوه اوراد هر بار قلتمقدیه اوله رق ترقی مراتب  
 علیه لری ظهور بنده دیده کشای انتظار اوزره اولد یغنی حالدیه بود فعه عواطف  
 عالمشهور حضرت شاهانه و عوارف بهیه پادشاهانه دن بجایش صورتیه  
 خلان مأموریت جلیله سی خطوب جسمه معتناسی عهده اهلیت عاده  
 سنیله لینه توجهیه بیورلمش اولد یغنی سامعه زیب اخلاص اوله رق دعای  
 دوام عمر و اجلال عالیلری تکرار قلنش و حق ناچیزانه مده درکار اولان  
 حسن توجهات دولترینک دوام و ابقاسی اقصای آمال چاکرانه م بولنش  
 اولمغین هر حالده امر و فرمان و لطف و احسان

﴿برخدمته استخدام اولنق استرخامنه دائر و کلابه عرض حال﴾

جناب حق ذات مراحم سمات داورانه لری مسند والای خدیوانه لرنده  
 ابد قرین و وجود مراحم آلود خدیوانه لری اکدار کونیه دن حفظ  
 و مصون بیورهرق آثار توجهات کیمیا آثار آصفانه لری فقرا و بیچارکان

اوزر لرنده ابد غون و خاصک پای عیون آرای خدیوانه لرندن مدد خواه  
 نیازمندانک حاجت لرینک حصولی نصیب و میسر ایلیه آمین بنم عالمه هر جتو  
 افندم ذات خدیوانه لرینک بالدوله والاقبال فلان مدینه بی تشریف دولتری  
 جلدنک حقنه بر نعمت عظمی اولدیغی درکار و منی عند آه متخلق اولدقلری شیمه  
 کریمه عاطفتکاری و سبیه بهیه بیچاره و افتادکان پروری خدیوانه لری  
 اقتضا سنجه سایه مرا حوایه آصفانه لرنده عبید عملو کلمی مثلوه هزاران  
 افتادکان پرورده نان و نعمت و خدمت مستوجب المفخرت خدیوانه لرلیله  
 مشرف و عتبه فلک مرتبه ولی النعمانه لرنده قول و کوله اولوب مظهر رفاه  
 و راحت اولدقلری آشکار و بوقوللری کبی چاکلری مرادلرینه ایصال  
 و سرتا بقدم مستغرق بحر الطاف بیوردقلرینه مغرور اوچا کرلرینک دخی  
 خاک پای حاجتروای خدیوانه لرندن استرحای پذیرفته حسن قبول و احیا  
 و چراغ بیوریه جغم و مأیوس بیورلیه جغم علم الیقین حزم کرده چاکر اندم اولقله  
 مبارک خاک پای املبخشای خدیوانه لرینه یوزم و کوزم سوره رک استرحام  
 چاکرانه مدرکه بوقوللری حال چاکرانه مه چسببان و مناسب خدمت  
 باهر المینه آصفانه لرنده استخدام ایله قایل لمقله احیا و چراغ بیورلیق باینده  
 امر و فرمان حضرت من له الامر کدر

خدمت بحریه ده استخدام اولمغه دائر خاک پای شاهانه یتقدیم اولسان  
 عرض حال جوابی آنکه مدیغی حاله تکرار رکابه عرض حال  
 صغرسن چاکرانه مدنبر و فلان محله مکته ده اون سنه دنبر و تعلیم علم و تحصیل  
 السنه یه و روز و شب سعی و غیرت ایلدیکمدن فلان و فلان لسانلری قرائته قادر  
 و مالک و تکلمه نائل اولدیغمدن مکتب مذکور دن خروج و سلطنت سنیه  
 خدمتنده استخدام بیورلیق آرزو و امید یله مبارک خاک پای شاهانه لرینه کلام  
 بوقوللری مکتب مذکورده فنون بحریه یه پک زیاده چالشوب بوفنونه آشنا  
 اولدیغمدن مبارک خاک پای حاجتروای شاهانه لرندن استرحام عاجزانه مدرکه

بویسته لری بحریه خدمت جلیله شاهانه لریه اخباریورلق بایسته شوکتلو  
 قدرتلو عظمتلو کرامتلو پادشاه دریا کرم افند من حضرت تلی ریشک  
 خاک پای شاهانه لرندن اقد مجبه باعر ضحال التماس ایتمش ایسه مده هنوز دریای  
 الطاف بی پایان ملوکانه لری تلاطم ریز عاطفت وموجه خیز عنایت  
 بیورلمه یغسدن مأیوس و ناامید فالدیغمدن تکرار خاک پای شاهانه لرندن  
 استرحام عاجزانه مدرکه بوقولری خدمت مناسبه ملوکانه لرنده استخدام  
 بیورلق بایسته امر و فرمان دام مادام العالم افند من حضرت تلی ریشکدر

### ﴿حجت صورتی﴾

وجه تحریر حروف اولدرکه

مدینه از میرده قصاب خضر محله سی ساکن لرندن علی بن مصطفی و حلیمه  
 و خدیجه و فاطمه نامون طرفندن محمد بن حاجی حسین و خدیجه طرفندن  
 محمد بن محمود و فاطمه طرفندن وکیل مسجلی اسکچی ملا محمد بن علی  
 نامون کسسه لر زوجه لری خدیجه و حلیمه و فاطمه طرفلرندن بالو کاله مجلس  
 شرع شریف انوره کلوب باعث هذالکتاب سلیمان بن مصطفی نام کسسه  
 محضرنده هر برر لری و کاله واصله اقرار نام و تقریر کلام ایدر که عقد آئی  
 الذکر صدورینه دکن سلاک ملک صحیح مزده منسلک وضبط و تصرفزده  
 منضبط اولوب مدینه من پوره ده واقع اطراف اربعه سندن بر طرفی  
 حاجی حسین اوغلو محمد منزلی و بر طرفی حاجی ابراهیم منزلی و طرفینی  
 طریق عام ایله محدود و مرقوم ابراهیم ایله بر دیواری مشترک و محدود  
 بر باب منزلت دروننده ایکی باب فوقانی و تحتانی او طه و ایکی طام و بر مقدار  
 حولی و مرا حق علی نک پد لرندن منتقل حصه اریسه سی اولان قبونک صاغ  
 قنادی طرفندن بر مقدار حولی و بر طام بری تخمینا اون ذراع مقداری  
 حولیسی بالجهلما یستمل و یحتویه طرفیندن ایجاب و قبولی حاوی و شروط  
 مفصده و عهد و مبطله دن عاری بیع بات صحیح شرعی ایله شوقدر غروش ثمن

مقابلی و مرا حق علی نك حصه شایعه سنی شو قدر بیک غروشه مؤکله لریمز  
حلیمه و خدیجه و فاطمه نك حصه شایعه لرینی جمعاً او قدر بیک غروش ثمن  
مقبوضه من مقابلی مرقوم سلیمان بن مصطفی به بالاستراک بیع و تملیک  
و مشتری مرقوم دخی قبول و تمک و هر بر لریمز وجه لایق اوزره تسلیم  
ایلدیکم زده اولدخی اشترا و تمک و قبول ایلدکد نصه کمره ثنی اولان مبلغ  
مذکور شو قدر بیک غروشی بدندن بالتام اخذ و قبض و استیفای حق  
ایلدک و بیع مزبورک ثمنه تقدیر غبن فاحش و غیر متعلقه عامه دعا و بدین  
ذمتی ابرای عام ایله ابر او اسقاط ایلدک بعد الیوم منزل مزبوره اصلاً  
و قطعاً بزرک علاقه و مدخل لر یز باقی قالمیوب مشتری مرقوم سلیمانک ملک  
صرفی اولاندردیدکده غب التصدیق الشرعی ما وقع بالطلب کتب اولندی  
حرر فی الیوم الحادی عشر من شهر ذی القعدة لسنة سبع و ستین و مائین  
بعد الالف

شهود

فلان

فلان

فلان

استیجارا یتدیکی دکاندن صاحبی وقتی کلمه کسزین چیمقار مق استند کده  
مداخله سنک منعیم چون عرض حال

فرانسزدولتی تبعه سندن فلان بازار کاتک از میرده اوچ یول آغزنده متصرف  
اولدینی برباب مغازه سنی سنوی شو قدر بیک غروش ایجارا ایله سستین  
اوله رق الشمس یدی سنه سی ماه محرمک ابتدا سندن الشمس طقوز سنه سی محرم  
غره سنه قدر ایک سنه لکی شو قدر غروش ایجارا ایله طالب و راغب  
اولدیفه مدن مؤجر مرسوم کنند و حسن رضا سیله بو قول لرینه ایجار  
بو قول لری دخی استیجارا یدرک ایک سنه لکی اولان شو قدر غروش  
اجاره سنی مؤجر مرقوم بدینه تأدیه ایتدم و بدندن برقطعه اجاره سندی  
اخذ اولمش حال بوکه دکان مذکورک استیجارینه جزئیجه ضم اجاره ایله

بر اخراطابی ظهور یله بوقول لرینی اخراج ایدوب ایجارا یتدک داعیه سنسند  
اولدیغی جهتله مؤجر مرسومک ید عاجزانه مه اعطا ایتدیکی ایجار تمسکی  
صورتی بالاخراج عرضحال عاجزانه مه الصاقا خاکای دولترینه تقدیمته  
اجتسار برله مراحم علیه مشیرانه لریدن استرحام والتماس کترانه مدرکه  
مرسومک وقتی حلول ایتکسزین چاکر لرینی اخراج ایتدک داعیه سنسندن  
قصرید و فراغت و منع بیورلق بانبده امر و فرمان حضرت من له الامر کدر

### § (مشایخ کرامه در) §

بندۀ متخصصری حقنده درکار بیوریلان توجہات قدسیت آیات  
عزیزانه لرینک برکال اولدیغنی متضمن اولوق اوزره نو گفته بهاریه غزل ناچیز  
مسئقدانه ملک تقدیمی تلطفی مبین رونق آرای فرق چاکرانه ماولان  
برقطه محباها تنامه مرشدانه لری، آل کرامت اشتمالی رهین اذعان عبد  
قدیلمری اولمش چاکر لرینک فن بلیغ اشعارده بهره و ملکاتم اولدیغنی جلی  
واشکار و اولیه فصیحانه بهاریه غزلیات انشادینه عذیم الاقتدار اولدیغم  
حالده مجرد کاستان فیض همسم سنیه ونسیم عنبر شمیم توجہات فائضه البرکات  
علیه لری آثارندن اوله رق بوکره انشاد اولمش اولان بهاریه غزل بند کانه م  
شرف دست بوسی عزیزانه لرله طعنه زن غزائل خاقانی اوله جغندن و بوبابده  
چاکر لری دخی حصه مند مباهاات اوله جغم بدیهیاتدن بولندیغندن نو انشاد  
غزل بهاریه چاکرانه م ملفوفات قدیم خاکای توتیاسای مرشدانه لری  
قلندیغی ازدیاد توجہات عزیزانه لری استدعاسنه مناسبت انتخابیه بقای  
همت معالینزلت مرشدانه لری معرضنده ترقیم و تقدیم عرضه چاکر لری به  
مبادرت قلمش اولغین اولبابده

### § (قله چراغ علی عرضحالی) §

منبع الطاف فراوان و معدن مکارم بی پایان اولان غبار خاکای محاسن



احتوای داوریلری و سیمه پیرای دیدۀ کرم دیده بندکان در محزید کان دائرة  
مکرم باهره مشیریلری ایدوکی مشهور و متعارف عالمیان اولوق  
و بو خصوص سایه دولتری ملجای ایش عبیدان ولی النعمیلری حقننده  
دخی مبذول و شایان بولمقدن ناشی قوللری دخی امید لطف و کرم لایله ساحه  
فیض مساحه ایتلرنده بی سر و سامان جولان و دوران ایتکده ایکن امل  
چاکری و خواهنده بال بنده خا کبرابر لری بولنان قلم حراقنی امنیه ناچیزه سی  
مبارک و مسعود و ملجأ و مأوی بندکان عبودیت غود اولان خا کپای  
حاجتروای آصفانه لینه رومال عبودیت ایله التماس و نیاز اولندیغی حالده  
حاصل و آینه امیدمده جلوه نما اوله جفی سائر بنده لری حقننده مبذول  
و سزایورلقدۀ اولان محاسن الطاف مکرم اعطاف داوریلری اثبات  
ویسان ایلش اولدیغی محاط علم عالمشمول رحیمانه لری یورلدقده قلم مذکوره  
ادخال عاجزانه مله قوللری جراح پیورملری بایندۀ و هر حالده امر و فرمان  
حضرت من له الامر کدر

### ﴿مشایخ کرامه﴾

والاذن نعشق قبل العین احیاناً \* مبتغای لطیفجه درگاه رشادت اکثناء  
عزیزانه لینه عن ظهر الغیب درکار اولان شوق و محبت مالانهایه  
مستقدانه مدن ناشی شوقی الیک کشوق المریض الی الشفاء زمزمه سی  
ترانه بخش سازدرون و بومعنادن فاستسکوا بحبل الله جمیعاً اسرار لطینک  
امر امتثال آینه تجلیده جلوه نما اولوب بش وقت نمازده و اثنای صلوات  
وتلاوت قرآنده عناصر عاجزی لر ز ناک و محالسه اذ کارده کریه و اشواق  
ایله قلب ناچیزانه م تابناک اولمقدۀ اولدیغی حالده اقدحجه عالم معنادۀ شوفجهله  
رؤیت ظهورات ایلشدرکه رؤیاده سحر وقتی فالقوب ادای صلوات صبح ایلک  
یقینی ایله آبدست آلوب نمازده مباشرت ایتک اوزره ایکن شمسک طلوعی ایله  
بدبین عاجزیده برمدت استقرار بولوب و کتکرۀ طاق آسمانده بر قاج کره بروز

ایدرک بوجهله ایضای صلات اولنه میوب حضرت نغم المرسلین وحیب  
رب العالمین علیه افضل الصلوة واکمل التحایا افندمن حضرتلری برجزه  
شریفه ده بولندیغنی **ک**ویا برکسه بوقیره اخطار وایشارایدوب بنده  
بیچاره لیدی اول محل مبارک قیوسندن هزاران صلوات و تکریم و نیجه  
خضوع و خشوع و تسلیم برله بالدخول مقابله سعادت جناب پادشاه رساننده  
لحظه واحده قیام ووقوف اولنه رق بعده باب حجره دن چیقمش اولدیم  
بیانیله اشبو واقعه عاجزانه کن تعبیر و تسلیتی و مشتاق و آرزومند بولندیغ  
توجهات محاسن آیات علیه فقرا پروریلری حق عبیدانه مده سزاوار  
بیوریله رق بوحلقه **ک**وش عجز اتنای بی محالی آب زلال فیوضات  
مرشدانه لری شایانیله سیراب زمزم ترجملری بیورلیق قرین اراده کر معاده  
عزیزانه لری بیورلمسی باینده عرضحال کترانه م ترقیم و سرمه چشم ابتهاجم  
اولان مبارک خاکای حاجتروای ولی النعمیلرینه تقدیمه جسارت قلنمش  
اولغله اولاباده وهر حالده احسان و مرحمت حضرت ولی الامر والهسته  
افندمه **ک**در

موهوب من عنداه اولدقلری سحیه سنیه بنده نوازی و شنشنه بهیه  
مراحمکستری داوریلری اقتضاسی وحق بندکانه مده درکار اولان حسن  
توجهات **ک**کارم آیات ولی النعمیلری مقتضاسی اوزره بودفعه فلان  
واسطه سیله ارسالنه عنایت بیوریلان برقطعه امرنامه مکارمعلامه  
ولی النعمیلری رسیده دست وصول و مفاد منیفه اذعان چاکرانه محاط  
و مشمول و شوق درغوش عطیه سنیه لری وصول زیورهمیانجه حسن قبول  
قلنمش و بوجهله حق احق بندکانه مده جلوه ریز ساحت پرور اولان اشبو  
همت معالی نهمت ولی النعمیلری چاکر کترلری غریق لجه سرور و حبور  
ایدرک مواظبی اولدیم دعای بقای عمر و اقبال ولی النعمیلری رفع بارگاه  
اجابت دستسگاه جناب واهب الامل قلنمش اولدیغی معرضنده اشبو

عریضه تشافریضه م تقدیم واملای و خا کپای ولی النعمیلرینه بعث واسرا  
اولندیغی ان شاء الله تعالی لدی الوصول محاطعلم عالیلری بیورلدقده مألوف  
اولدیغم حسن توجهات علیه لری حق عاجزانه مدیه لایق و سزاوار بیورلمق  
باینده امر و فرمان حضرت من له الامر کدر

### ﴿مشایخ کرامه﴾

کحل الجواهر عیون ارباب عرفان اولان غبار آسمان بلند عنوانی کشیده  
چشم دل و جان قلندقد نصکره عرضحال عید کتر بمقدار لیدر که جناب  
فیض آب مرشدانه لرینه عن ظهر الغیب در ککار اولان شوق مالانهایه  
مستمندانه مدت ناشی بوندن اقدم تقدیم خا کپای ولی النعمیلری قلنان  
عرضحال عاجزی اقتضاسنجه ترجابو آزاد قبول ایتمز قوللرینی زمره بند کانه  
الحاق بیوره رق کلام قدیم الازلی بی ترتیب لوح محفوظ قرائت اولنمنه  
وارالقده دخی سماع حضرت مولانای ایتمکله که اجازت و رخصت  
بیورلدیغنی شامل و درج صحیفه نظیفه سنه درج بیوریلان تنبیهات  
اکسیر آیات عزیزانه لرینی مشقت بر صبح سعادتزا و بردم مسرت افزاده  
شرفریز صدور اولان احساننامه سعادتلری و اصل دست بند کی اولدقده  
خدادادانادر اول درجه لده اکتساب ممنونیت حصول بولدیکه ظهور ایدن  
آتش شوق و محبت بردریای عمان بی پایان اولوب راه مواصلت عالم به لرینه  
فدای نقد ماملک جان پول مثابه سنده فالمش ایسه ده الامور مرهونه باوقاتها  
مقولی در عقب خاطره خطوط ایتمکله ترک اولنوب هر بر خصوصاتده  
نوجهله اراده کرمعاده عزیزانه لری صدور ایدر ایسه اکاکوره  
طورانیله جغنی ساحه فیض مساحه منعمانه لرینه افاده و بیانه اجتناسار  
قلمش اولمغله مفتقر و آرزو مند بولندیغم آب زلال فیوضات مرشدانه لرین  
حق کتریده شایانیله غریق بحر احسان بیورلمق باینده و هر حالده امر و فرمان  
حضرت من له الامر کدر

### ﴿(رمضانی تبریک)﴾

ذات مکارم سمات هنیه لرینه بدیهی الثبوت اولان رقیه خاصه  
وخصوصیت بند کانه م اقصیاسنه مقرب اولدیی اوزره کاه بکاه بادبان  
کشائی عرض رقیله اجرای شرائط خصوصیت صره سنی کوز تمکده واشبو  
کشتی ءامنیه امید عاجزانه من واصل مر سائی حصول اولسنی غنی ایلکده  
اولدینم حالده قریب ادر اکیلله تشرف اولنه حق ماه رمضان مسعدت  
اکتساک تبریک و تهنیتی وسیله اثیله بالا اتخاذ اجرای خصوصیتله استیقای  
توجهات مورثه المسرات سفیه لری ایله وجیهه ذمت بند کانه م اولان  
فزونئی ایام عمر و اقبال و ترقی شان معالیشان مکارم مخصال لری و شهر شریف  
مسرت ردیف مذکور له نیجه نیجه امثال میامن بمائل لریله مشرف بیور لری  
ادعیه مخصوصه سی تقدیم بار کاه اجابت دست کاه جناب خالق و کبریا قلمش  
اولغله اولباید اهر و فرمان

### ﴿(اکاجواب)﴾

صوب محبئی به بدیدار اولان محبت صمیمیه لرندن بجهله ادر اکی تقرب ایدن  
رمضان شریفک تبریک و تهنیتی شامل واصل دست محبانم اولان نغمه  
بهیه لری مالی معلوم مخالفت و بوجهله واقع اولان خلوص  
و خصوصیت لرندن محظوظیت و فیه حاصل اوله رق ادعیه خیریه لری یاد  
و تذکار قلمش و طرف کز در کار اولان محبت دروینه مز آزاده قید  
و اشعار بولنش اولدینغدن اورالردن صرف نظر له سوال خاطر بهیه لری  
رقتارنده شقه ثنائوری تحریرینه استدار اولنمشدر

### ﴿(تبریک ربه)﴾

خلقت نجیبانه و فطرت اصیلانه لرنده مود و دست خدا اولان انار اهلیت

واستعداد حق والارنده ظهور شرفش و انتضات جناب پادشاهی بی  
مستدعی اولقدن ناشی بود دفعه عواطف علیه جناب ملوکانه دن بارتبه رابعه  
برقطعه نشان ذیشان احسانیه مکتوبی صدرعالی خلفاسی سلك بهجت  
مسلكنه دخی منسلک بیورد قلمی خبر مسرت انری ثاور پیرالین نائل نصاب  
سرور و مغفرت ایدرک حسن موقنیتلری و ارتفاع قدر و رفعتلری مواطبی  
اولدیم ادعیه خیریه عالیله تر دینفاز پور آرای زبان تذکار قلمش و صوب  
مکارم کاربلرینه اولان خلوص و خصوصیت عاجزانه م درجه سی نزد  
معارفیوند والارنده مستغنی بیان و اشارت بولنش اولدیفندن اولمچنده  
تفصیلدن صرف نظرله ایضای لازمه تبریک و تهنیه و استبقای توجهات  
مکارم عنقبیلری معرضنده عرضیه عاجزی تقدیمه مبادرت قلندی اولیابده  
امر و فرمان

### ﴿اكا جواب﴾

حق نامستحق عاجزانه مده درکار اولان توجهات سنیه لرینی شامل و تهنیت  
مأموریتی مشتمل راحه زیب انزاز اولان تحریرات محاسن آیات  
آصفانه لرینک مأل نوازش اشتعالی رهین مدرکه عاجزانه م اولمش و جله منزل  
شمع شبستان عاطفت پرورینت چراغ افروخته و بنده صداقت افکنده سی  
اولق مالبسه سیله فرق عاجزانه مده بو وجهله ظهوره کلان التفات  
سنیه دن ممنون بیوریه جقلری مقدم و مؤخر افکاریمز بولنش اولق حسیله  
خاصه مراسم شکر و محبت ایفا سیله استعدادی حسن توجه سامیلری  
معرضنده عرضیه بندکانه م تحریر و تقدیم پیشگاه مکارم سمیلری قلندی  
ان شاء الله تعالی محاط علم ولی اللهم بیلری بیوردلده مألوف اولدیم حسن  
وجهات علیه لری حق عاجزانه مده لایق و سزاوار بیورلوق باینده

انشاء ایچنده استعمال اولنان لغتلك بعض معانی لازمه سی

(شوکت) کمال عظمت مقامیدر (مهابت) کمال هیبت مقامیدر  
 (کرامت) کمال کرم و عنایت مقامیدر (عظمت) بک پیوکلک  
 (قدرت) م (پادشاه عالیشان) جهان خلقی ذاتنه صغمنش اولد یغی پادشاه  
 (شهنشاه) ال بیوک پادشاه کفر نکجه ایمپراطور دیر (خلایفه پناه)  
 خلیفه لکی حفظ اید یغی (ظل الالهده) یازیلور بطریق المجاز والاستعاره  
 عند العلماء بونک تفصیلی واردر

اشبوکلام پادشاه تختگاه عثمانی اولنلرک غیری به یازلر فقط بشقه دولتلر  
 کندیلر نجه بازارلر سه آنی بیلیر

(دولت) بو کلمه بی بال لزوم تفصیله حاجت یوقدر (نخامت) پیوکلک  
 مقامنده مستعملدر (معروض) کوسترلش دیمکدر (چاکر) قول  
 دیمکدر (کینه) ادنی دیمکدر (دیرینه) بک اسکی دیمکدر (قدیم)  
 کذلک

بونلر مقام صدارت عظمی به سویلنور القابک رسم و ترتیبی اوزره در

عباره ارالنده بعض الفاظ کاورکه بردن بره معنای لزومی یعنی یوقاریدن  
 اشاغی عباراته موافق معناسی در خاطر اولند یغی صورتده ذهنی یورار آنک  
 بر آزی شوآرالنده درج اولندی

(دیدنه) عادت (شنشنه) عادت و طبیعت (دیدنه حسنه) کوزل  
 عادت (شنشنه حسنه) و یا خود مستحسنه کوزل عادت و طبیعت  
 (بنده) کوله (خاکبای) ایاق طپراغی (سده سنیه) بک بیوک  
 قیوایشیکی اشبولفظ پادشاهک قیوسنه مخصوصدر (عته علیه) بیوک  
 قیوایشیکی اشبولفظ بیوک ذاتلره بالاطلاق تخریر اولنور

(مشارالیه) کندیته اشارت اولنان یعنی ذکر ی پشمش اولان دیمکدر بوبل  
 ییوکلره سویلنور (موی الیه) کذلک ولکن مشارالیهدن اشاعیدر  
 (مرقوم) یازلمش دیمکدر ماتعیرات آراسنده ایمی یوقاریده یازلمش  
 دیمکدر

(مرسوم) یازلمش دیه کدر اشب ولفظ رعایا وملت اسلامک غیری به  
 یازیلور سه ده آدمه کوره مرقوم ودها ییوکلره موی الیه ودها  
 ایلورده کیلره مشارالیه یازلمشی لازمه دندر  
 (مزبور) کماذکرافقا قادین اولور سه مشارالیهاموی الیه  
 (مسفور) کذا ومرقومه و مزبوره و مرسومه  
 (مذکور) ذکر اولنان و مسفور یازیلورامیرینه و مقامنه  
 کوره

بونلر مقامنده بعض عبارت مناسبتیه ذکر اولنان فلان دیه رلدخی یازیلور  
 لکن پادشاه عالمپناه حضرت تیرینک حقنده بو اشارت لر جائز دکادر هر تکرار  
 ایدیشه ملوکانه شاهانه شهنشاهی دیلوردر

تعبیرات مذکوره نک صورت استعماللری یلورینجه استنور سه تقویم  
 وقایع و جریده حوادثده و تعبیرات فارسیه استنور سه روزنامه وقایع  
 ایرانده و تعبیرات عربیه استنور سه مصرده طبع اولنان عربی العبارة  
 حوادثنامه ده و ما مورینجه طشره لره کوندریلان و طشره لردن وارد اولان  
 تحریراتلرده کوزل کوسترلمکده اولمغین مطالعه لری فوائد کلیه و منافع  
 کثیره بی مستلزم اوله جفی وارسته قید اشتباهدر

بعض وزرای عظام حضراتنه احسان بیورادیفی مثللو بوکره قریحه احسان

صبیحه جناب ملو کانه دن بالجله وزرای عظام حضراته وکلا لقی عنوان  
 جلیلی عنایت و احسان بیورلمش اولدیغی قبو کتخدای چاکری عزتلا و افندی  
 بنده لری طرفندن اشعار و تبشیر اولمش و چاکر لیدخی من غیر استحقاق  
 عنوان جلیل مذکور نائل اولدیغمدن طولای سر سرور و مباهات  
 و افتخار عاجزانه مواصل کنسکره آسمان و بو کره دخی حق چاکرانه مدده من غیر  
 استحقاق مجلا زین ظهور و وقوع اولان اشبو احسان جلیله و مکارم بی فایه  
 جناب شهر یاری آرتق عرم اولدجه شکری ایفا اولنه میوب قول ~~کوزه~~  
 جهانی دکر بر نعمت و مستلزم مباهات و مغفرت بی پایان اولمش اولدیغندن  
 در حال زمین تحمیده وضع رو اولنه رق همان جناب رب العالمین وحدانیتی  
 حرمتنه ذات همایون ظلیتغون حضرت خلافت پناهی بی کمال عاقبت و اجلال  
 ایله مادامت الارض و السماء سریر شوکتصیر سلطنت سنیه لرنده ارایشما  
 و سایه احسانوایه جهان بنایتی الی الابد پیرایه مفارق عباد و بندکان اصدقا  
 و ذات معالسمات خدیوانه لری دخی هر حالده موافق رضای عالی اولور  
 حرکات مقبوله یه مظهر یتله حائز شرف نفیری انتها بیور مقادعیه خیریه سی  
 اشک شاد یله رفع بارگاه جناب کبریا قلنه رق بالعجز و التصور ایضای فریضه  
 تشکر و محمد نه مسارعیت و ابتدار اولندیغی ان شاء الله تعالی محاط علم عالی  
 خدیوانه لری بیورلدقه اولبابده امر و فرمان حضرت من له الامر کدر

﴿( امر نامه سلیحیه جواب )﴾

عربستان اردوی همایون یله عربستانده بولنان عساکر خاصه و نظامیه  
 حضرت شاهانه ایچون الشمس التی ویدی سنه لرینه محسوب فلان ایالتنده  
 مرتب ایچقه قصورینک ~~کاملا~~ استحصالی امرنده هر درلو اقدامات  
 و تقیداتک اجرا سیله مبلغ مزبورک ارقه سی آلمسی خصوص سی فلان  
 تاریخیله مورخ شرفواردا اولان امر نامه سامی مجلس ایالتده قرائتله بوبابده  
 چاره صحیحه سی مطالعه و تا ممل اولمش و فلان محله مواصلت چاکرانه مدنبور



بوبانده هر در لواقدام و غیرت و خصوصیه چا کرکینه لری سلک عسکریدن  
 نشأت ایدرله فریضه ذمت عبودیت اولدیغی اوزره سایه شوکتوایه جناب  
 ملوکانه ده عساکر حضرت شاهانه نك هر یوزدن استحصال حضور  
 و راحتاری مواد ملتزمه سنه نه درجه لرده چبالیبو چالشه جنم درکار  
 بولنش اولوب آنجق فلان ایالتنک حال حاضری معلوم عالی بیورلدیغی و مجلس  
 مذکوردن بالتنظیم لغاتقدیم قلنان برقطعه مضبطه مآلندن دخی مستبان  
 اوله جفی وجهله کچن سنه بوحوالینک محصولات ارضیه سی آقترده  
 واهالیسی دخی دوچارکال ضرورت و مضایقه اوله رق اموال ویرکوبوقایا  
 لرینک تأدیه لرینه بولرلک صحیح اقتدارلری اولدیغنه نظرا مرتبات مذکوره  
 قصورینک استحصالی حقیقده اولان مطلب اهالی مرقومه نك مکالیله تضییق  
 وازعاجرلیله دخی حاصل اوله میه جفی مثالو بو کیفیت بیهوده وهمده  
 منافی معدلت سنیه بولمقد تناشی بورا لری تجویز اولمقدیغی فقط بوسورت  
 دخی ایالت مرقومه اهاالیسندن بتون بتون تحصیلات آله میه جفی عرض  
 و حکایه دیک معناسنه اولیبو وینه تحصیلاتنک ارقه سی بوشلیموب  
 شوارالنده ممکن الحصول اولان بقایانک تحصیلنه خدا عالم ودانادرکه کالیله  
 غیرت اولمقد و جزئی وکلی تحصیلات واقعه عساکر مرقومه به اعطافلمقد  
 ایدوکی بدیهی و مقدمات و مؤخر عرض وانها قلندیغی اوزره اهالی ورنجبران  
 طائفه سنه دائم و مستمرا تشویقات مقتضیه اجر الیتدیرلمکده و طائفه  
 مرقومه برطرفدن دخی تخم زرع ایلمکده اولدیغنه وروش حاله کوره ایلروده  
 فیض و برکت مأمول قوی بولندیغنه نیاء بلطفه و کرمه تعالی سایه فیضوایه  
 حضرت شاهانه ده اهالی مرقومه فیض و برکت و محصول جدیده مواصلت  
 ایدنجیه قدر برمنوال محرز ممکن الحصول اولان بقایا و اموالک تحصیل  
 و عساکر مرقومه جانبیه اعطاسی امرنده تجویز قصور و لنجه جفی محاط علم  
 عالمشمول و کالتپناهی لری بیورلدقده اولباید

﴿بعض ایچساره﴾

مقتضای اراده سنبه دن و اصول سابقه ایجا بندن اولوب موسم عزیمت دخی  
ورود ایدیکی جهتله طرف خالصانه مزدن کتخد امر قوتولو افندی  
محموله قائم مقام برا غیله رقبه تعالی همان بو طرفدن حرکت و محل مأموریته  
متهی عزیمت بولناش و سلطنت سنبه ایله متبوع اصیلانه لری اولان دولت  
نخیمه لری بیننده درکار اولان حسن مسالت و مودت حقیقیه اقتضا سنبه  
مأمور و تجارت و تبعه لری نك تسویه خصوصاً سنده مأمورین دولت علیه  
طرفلرندن اعانه کامله و حقارنده حرمت مقایزه نك اجرایی مقتضای اراده  
سنبه دن اوله رقبه بویاده بعض و صایای لازمه دخی قائم مقام مووی الیه تبایغ  
وتأکید قلمش اولغسله جانب حکومتیه متعلق واقع اوله حق مصالح  
دوستانه لری کیفیتنه عودت خالصانه مزه قدر قائم مقام مووی الیه بالخباره  
هر حالده اظهار دوستی و محبتیه صرف همت ایلمی التماسیه مجریدیان  
کیفیت وتأکید مهر و مودت سیاقنده ترقیم رقبه مجالصبه ابتدار اولندی

﴿حقیقده التفات لایحیی سنبه تشکرا و بوندن بونیه دخی فراموش﴾

﴿اولئامسی ایچون عبودیتنامه﴾

کمال درجه التفات دولتری شامل هامه پیرای تکریم اولان برقطعه امر  
نامه عالیتری مأل عالیسی قرین اذعان چاکری اولمش و من القديم حق  
عبیدانه مده درکار اولان حسن توجهات مکارمغایات کریمانه لری نك ادای  
تشکرنده عاجز و قاصر اولدیغ حالده بر برینی تعقیب ایدرک حق بندکانه مده  
شایان بیوریلان التفات محاسن ایات و حسن تعطفات بنده پروریلرندن  
ممنونیت فراوان و ضرورت بی پایان حاصل اولدیغی معرضنده واستدنامه  
ایام عمر و دولتری دعواتی \* سالت هزار ماه و مهت هم هزار روز \* روزت  
هزار ساعت و ساعت هزار سال \* بیتنک متضمن اولدیغی معنایی واستزاده  
شان و شکوه و الامتنبت عالیترینک تحیاتی \* من نمیدانم ازین بهتر دعا \* نام

نیست تا قیامت زنده باد \* بیتنک ترنم سازا ولد یغی ادعیه خیریه سیله برابر جانم  
تنده و جسم ناتوانم زنده موز بانم کوییده اولد بجه قید حیات ایله ضمیمه اوراد  
روز و لیال ایلدیکم محاط علم عالیری بیورلد قده هر حالده امر و فرمان لطیف  
واحسان فراوان افندم حضرتلر ینکدر

﴿بر محاک محصلنه اله جغنی تحصیل ایتمی ایچون التجا نامه در﴾

بو قوللر ینک مدینه از میرده ممکن اداره سی محول عهدۀ عالیری اولان  
قبرس ساکنلرندن فلان بازار کاندن ایکیوز اللی بیک غروش با تحویل مطلوب باتم  
اولوب مر قومدن چند دفعه در مطالبه اید پورایسه مده مبلغ مذکورک  
اعطا و نادیه سنده مخالفت ایلوب و کچن هفته دخی برادر م بنده لزی قبرس  
جزیره سنه مدیون مر قومدن مبلغ مذکور اید بیک اخذ ایتک اوزره ارسال  
ایتدیکمده مدیون مر قوم دینی اعطا ایتدیکندن بشقه قرنداشمه ناروا  
و ناحق کلام فاحش ایله شتم ایلدیک معلوم دولتری بیورلد قده مدیون  
مر قوم حضور عالیرینه جلب و مبلغ مزبور تحصیل و بو قوللرینه مر قوم  
قوللری واسطه سیله ارسال بیورلق بانده لطف و مرحمت افندم مکرر

﴿تحصیل ایدوب کوندردیکنه دائر﴾

بو طرفده فلان بازار کاندن ایکیوز اللی بیک غروش با تحویل مطلوبلر ینک  
تحصیل و برادر عالیرینه اعطاء ارسال اولمشی التماسنه دائر وارد اولان  
برقطعه مودت نامه لری مآلی معلوم ثناوری اولمش و بازار کان مر قوم جلب  
و مبلغ مذکور تمام تحصیل و طبق اشعار کز اوزره برادر کزه تسلیم ارسال  
اولمشدر و وصولنده آلوب علم و خبرینی صوب مخلصی به ارسال بیورملری  
متمنادر

﴿پاره کلوب اظهار غمنو نیت خمننده عریضه﴾

خاکای دولترندن واقع اولان اتجای چا کرانه مه بالمساعده فلان محل  
سا کنلرندن فلان کسسه ذمتنده شو قدر بیک غروش مطلوب چا کرانه م  
تحصیل و بکره فلان ایله ارسال بیورلدیغنی شامل انمله زیب تکریم اولان  
برقطعه امرنامه دولتری مأل عالیسی قرین مدرکه چا کری اولمش و مبلغ  
مذکور وصول بوله رق بوبابده مصروف بیوریلان هم والانهم دولترندن  
بو قولرینه ممنونیت و مسروریت بی پایان حاصل اوله رق تکرار دعای  
بقای عمر و اقبال منعیمیلری دعواتنه مبادرت اولدنیغی معرضنده و ایفای  
تشکر و ممنونیت سیاقنده تقدیم عریضه به ابتدار قلندی باقی امر و اراده  
افند مکرر

\*\*\*  
 (پاره تحصیلنه دائروالی مملکنه عریضه)

زیر جناح مستوجب الفلاح دولترنده اولان فلان سنجاق اها لیسندن فلان  
کسسه بوندن اوج ماه مقدم ایکی آی وعده ایله شو قدر بیک غروش مع  
گذشته تأدیه ایتمک شرطیله استقراض ایتمش و وعده سی حلول و مرورنده  
ارسال ایتمی ایچون مخصوصا تحریر اولمش ایسه ده بر طاقم نافله کلاملر ایله  
وقتی اولدنیغی و مهات استدیکنی التماس ایتمش و صورت اشعارینه نظرا مبلغ  
مذکورری عن قریب تأدیه ایتمه جکی اکلاشمش و بو قوللری من القدیم  
ذات دولترینک برآزاد قبول ایتمز قول و کوله سی اولدنیغمدن بو مقوله ضرر  
وزیاندن قوللرینی وقایه و محافظه و مطلوباتی برآن اقدام تحصیل بیوره  
جقلری علم الیقین مجزوم و معلوم عاجزانه م اولدنیغندن خاکای دولترندن  
استرحام عاجزانه مدرکه مدیون هر قومدن مبلغ مذکورری تحصیل  
و بو قوللرینه ارسال بیورلسنه مساعدۀ دولتری ارزان و شایان بیورلوق  
باینده امر

\*\*\*  
 (انها نامه)

خیلیجه وقتد نبرودر روم ایلی مال باش کاتبی بولنان فلان افندی مقدملرده  
 حقنده شکایت عمومیه بی دعوت ایتدیره جن پکده برشی یا پامش  
 اولدیغندن برارالق حقنده حسن شهادت دخی اولمشیدی فقط برمدتد نبرو  
 نفر دو جلیه تغلب ایتمک داعیه سنه قالدقشوب مال قلنی استدیکی هیئته  
 صوقق و کافه ارباب مصالحی کندوسنه مراجعته بریول بولمق اوزره امور  
 ضابطه و ملکیه حاصلی کافه مصالح ایالته دخی ال اوزادوب ارباب مصالح  
 حقنده منف و شدت اجرا یتکده و فی الحقیقه مومی الیه افندی حسن سزقتی  
 جوق شیرلیا پیش و یا مقدمه بولنش و بو حالد اهلای بتون بتون یوز چوروب  
 هیئت مجموعۀ مجلسدخی کندوسندن بحق نفرت ایتش اولدیغدن و صورت  
 حاله نظر اصح و بندصره لری پکوب کوزارینی دخی پرده غفلت بورومش  
 و جوق کسنه لر عاينده بغیر حق یورومش اید و کندن بعد مابقایی تقدیرده  
 مشککی چو غالب حقنده مضرو و انفصالی موجب خیر اوله جفی ا کلا شلمش  
 و فلان مال مدیری سابق خواجکاندن فلان افندی بنده لری نیک بورا اصولنه  
 معلومات ذاتیه و مکتسبه سی جای افکار اولیوب یالکزامور مأوره سیله  
 مشغول و حسن حرکت ایده جکی دخی مامول بولمق جهتنه و کندوسی دخی  
 فی الحقیقه طاتالی سوز و کولری یوزلی آدم و خصوصیه هم حسابی و همده منشی  
 اولدیغی مسلم اوله رق مال قلمنجی حسن اداره مطلوبه و اها لجه دخی قبول  
 عامه حاصل اوله جفی بی اشتباه بولنش اولدیغنه بناء موافق اراده والای  
 نظارت ناهیلری اولدیغی حالد مومی الیه یرینه فلان افندی بنده لری نیک  
 مامور تی خصوصنه شایانی مساعده علیه لری کمال نیاز و تضرعنه ابدال  
 اولمغین اولبایده امر و فرمان حضرت من له الامر کدر

﴿(اکا جواب)﴾

دولتو افندم حضرتلری

مقرجاه والاری اولان فلان ایالت مال باش کاتبی افندی نیک معلومات

نابجاسی جهتیلہ عزل و انفصالی ایجاب خالدن کورینوب پرینہ فلان  
افندی نیک نصب و تعیینی مناسب مطالعہ قلندیغی انہاویانی حاری رسیدہ  
دست اعزاز اولان برقطعہ تحریرات والاری مالی معلوم ستایشوری  
اولمشدرایالت مذکورہ نک تسویہ امور و خصوصاتی محول عہدہ سنیہ لر  
بولند یغندن افندی موی الہک پرینہ موی الیہ فلان افندی بالتعین  
لفا ارسال اولتان معاش صورتیک کندینہ اعطاسیلہ حسن ادارہ بہ دقتی  
خصوصی امر و تنبیہ بیورلق بابتدہ امر و ارادہ افند مکدر

### ﴿توصیہ صورتندہ مضبطہ﴾

بودفعہ حسب القدر انفصالی و قوعیلہ در سعادتنہ عزیمت ایتش فلان سنجائی  
مال مدیری سابق رفعتلوا فندی بندہ لری نزد سائی آصفانہ لرنہ تعریف  
ویاندن مستغنی اولدیغی اوزرہ کمال عفت و استقامتیلہ متصف بند کاندن  
اولہ رق بدایت مأموریتندن ختامنہ دکن امور مالیہ و سائرہ نک اصول  
ونظامتنہ تطبیقا مجلسجہ رؤیت و تسویہ سی امر اہمندہ کمال اعتنا و دقت  
و مسالک مرغوبہ استقامت و رضا جویدن خارج سر مو حرکت و قوعندن  
مجاہدیلہ سایہ شوکتوایہ حضرت ملوکانہ دہ ایقای حسن مأموریتہ صرف  
مقدرت ایتش و بوکرہ کافہ حسابلری دخی مجلسجہ یکان یکان رؤیت و تسویہ  
اولنہ رق اموال میریہ و سائرہ دن ذمتلرنہ جبہ واحدہ ظہور ایتیلہ رک  
کند ولرندن بلدہ جہ و مجلسجہ جملہ تمنون و متشکر بولنش اولدیغمز ی بیان  
وانہام معرضندہ مضبطہ عاجزانہ مز ترقیم و خاکپای معالی احتوای آصفانہ  
لرینہ تقدیم قلنش اولمغلہ اولبا بدہ امر و فرمان حضرت منلہ الامر کدر

### ﴿جانب صدرتدن﴾

منسارق انامہ لمعہ تار اولان مہر عواطف عالمشہول حضرت خلافتیناہیدن  
مسند صدرت عظمی بوکرہ عہدہ مخلصی بہ احالہ بیورلش اولدیغی بیانیلہ

استفسار طبع والاری سیافنده شقه محیی ترقیمه مبادرت قلندی

﴿صدارت تبشیرینی حاوی جانب صدارتدن کوند ریلان مکتوبه﴾  
 \* (تبریک و تهنیتی حاوی جواب) \*

حق احق عالی خدیوانه لرنده پروانده از قرار و کمال اولان نیر عالم افروز  
 بوجهات معالی آیات حضرت خلافتیناهی از سر نو شعله افکن اوله رق  
 اشب و خلال فیض اشتعالده مقام جلیل صدارت عظمیا مقارنت ذات عالی  
 خدیوانه لرله تزیین و تبلیغ بیورلدیغی تبشیرات عالیسیله اولبابده بعض  
 وصایای حکمت احتوایی شامل مسرت بخش هامة تعظیم و تنجیم اولان  
 بر قطعه فرماننامه سائی و کالتپناهیاری مأل مکارم اشتمالی رهین ایقان چاکر  
 مصادق نشان و حسب العبودیه بو بایده سر سرور و مباهات کمترا نه م  
 محاذی کنسکره آسمان اوله رق امر نامه سائی صدارتپناهیاری در حال  
 مجلس کبیرایالتده دخی قرائت و حضار مجلس ایله بالاشترک دعای  
 واجب الایضای حضرت ملکداری به تردیفافزونی ایام عمر و دوات  
 و اقبال عالی آصفیلری ادعیه مخصوصه سی بشکراتد کار و تلاوت اولمغین  
 همان جناب رب عزت ذات شو کسمات ملوکانه به بقزوق کمنز عمر و اقبال  
 و عظمت و اجلال عنایت و احسانیه الی انتهاء الزمان سریر آرای شان  
 و شوکت و ذات نغامتسمات و کالتپناهیاری دخی هر حال و کارده  
 توفیقات الهیه و تأییدات سبحانیه به مظهر یتله مسند و کالت کبرایه سایه ساز  
 نغامت و رأی رزین اصابتقرین خدیوانه لرین مفتاح ابواب مشکلات  
 مهام دین و دولت و مدار رفاه تبعه و رعیت بیورمق دعای فریضة  
 الاشتمالری رفع بارگاه اجابت قلنش و مجلس مذکور دخی تشکراتنظیم  
 و اعطا اولنان بر قطعه مضبطه لفاتقدیم اولنش اولوب هر حالده تحصیل  
 رضای فیض ارتضای عالی اقدم مقاصد و تنفیذ امر و فرمان سنیة جناب  
 ملوکانه منتهای مطالب چاکرانه م اولمقدناشی بو او غورده وقف وجود

و بذل مجهود ایدرک حائى عباد اولان تنظیفات خیریه و تنسیقات ملکیه اصول عادله سنه تطبیقا ایضای امر ما موریته بالاغتنا جملهدن جانب سنی ایلجوانب حضرت شهریار ییچون خیر دعا و طرف اشرف و کالتپنا هیلرینه حسن ثنا استحصالنه نصب نفس اهتمام و غیرت اولنمقده ایدوکی عرض و بیانیه ایضای وجیبه تشکر و محبت معرضنده رفع عریضه چا کری به اجتناسار اولنمشدر اولبایده و هر حالده امر و اراده و فرمان حضرت من له الامر کدر

﴿تسلیت صورتنده عبودیتنامه﴾

مطمح انتظار صغار و بکار اولان مسند جلیل صدارتدن وقوع انفصال عالی خدیو یلری خبر ملالت اثری رسیده سامعه چاکر عبودیت پرور لری اولدقده انقلاب ادوار فلکیاته تأمل ایله ییهوش و بر زمان حکم خضیه تجلیاتی تفکر له مد هوش اولدیغ حالده هاتق غیبدن سامعه جانیه برندا کلوب ای مست مد ام غفلت متنبه واکاه اولکله اول ذات نجسته صفات قوه جاذبه اهل الله و امداد باطنه ارباب بصیرت و انتباه ایله تسخیر قلوب عوام و خواص بیورمش و من الازل مایه ذایتیه آصفیلرنده انوار فیض و مسعدت روغما اولمش بر وجود مکارم غود اولدقلری جهتله امت مرحومه احمديه و ملت معصومه محمدیه به لازم اولدقلرندن ولاید للشمس بعد الغروب طلوع مؤداسنه دخی مظهر و متجلی اوله کلدکلرندن بنه تعالی قریبا مهر منیر آمال افق اقبالدن و چهره عروس منال تنق اجمالدن روغنون اوله جفی صبح صادق کبی ظاهرا و مغرله سمای فسحت سرای سنیه دن آزاده غمام غوم وازاله ظلام همومه سعی ایله دیو تبشیرای تمکله جریحه فؤاد حزن اعتیاد بندکانه مه مرهم کفور مد او و تسلیت بخش حیات و دوا اولمش ایسه مده استدعای محاسن توجهات مراحم آیات ولی النعمان لری معرضنده



عرضحال بند کانه م تقدیمه اجتسار قلند یغی ان شاء الله تعالی معلوم  
 مراحم ملزوم ولی النعم میلری یورلد قده اشد احتیاج ایله محتاج و طلبکار  
 اولدیغ الطاف علیه رحیمانه واعطاف سنیة بنده نوازانه لری حق عاجزانه مده  
 یسدر یغ وارزان یسورلق یابنده وهر حاله امر وفرمان حضرت  
 من له الامر کدر

### ﴿تبریک نامه﴾

ذات معالیمات سامیلرینه بدیهی الثبوت اولان کمال اخلاص و مزید  
 صدق خصوصیت عاجزانه ام ایجابنه مترتب اولدیغی اوزره همه ان عاقبت  
 دائمه و اقبال کامله عالیلری ادعیه خیریه و تمنیات مخصوصه سنده قصورم  
 اولدیغی حاله بوکره حق احق عالیلرند بر کمال اولان آفتاب بوجهات جناب  
 شهنشاهی بر قانتدخی لمعه نثار اوله رق عواطف علیه حضرت پادشاهیدن  
 اوقاف همایون نظارت جلیله سی عهده عالیلرینه توجیه واحسان همایون  
 یسورلش اولدیغی پیام سائی دلاراحی سامعه زیب بند کانه م و بو کیفیت  
 حسب الخلوص مستلزم انواع ابتهاج و ممنونیت و باعث نخر و مسروریت  
 عاجزانه م اوله رق مواظبی بولند یغ دعای واجب الایفای جناب  
 شهر یاری به تردیفافزونی ایام عمر و اقبال سامیلری دعوات خیریه سی  
 بتکرار زیور زبان تذکار قلنش اولغین همان حق سبحانه و تعالی و تبارک  
 اشبوجاه والای کریمانه لری میمن و مبارک وهر حال و کارده تأییدات الهیه  
 و توفیقات سبحانیه به مظهریت و رضای میامن ارتضای عالی به موافق  
 خدمات پسندیده به موفقیتلری دعای وجیهه سی رفع بارگاه جناب احدیت  
 قلنش اولغله مجرد بیان مسروریت و ایفای لازمه تبریک و تهنیتله استبقای  
 بوجهات سامیلری معرضنده رفع رفعة عاجزی به ابتدار اولنمشدر اولوبابده  
 امر و اراده اقدام حضرتلرینکدر

﴿تبریک نامه دیگر﴾

حسب الخلوص والاختصاص ایفای دعای خیریه و ترزاید اقبال علیه لری  
تمنیات مخصوصه سنده قصورم اولدیفی مثللو اجرای شریطه خصوصینه  
وسیلله اوله حق اسباب حسنه نك ظهورینه مترقب اولدیفی حالدیه حق احق  
عالیرنده من القدیم بایدار اولان میامن توجہات ومحاسن اعتماد عالی  
اقتضای جلیلی اوزره بو کره عواطف علیه جناب ملوکانه دن عهدہ  
سامیلرینه توجیه واحاله بیورلمش اولان صدارت عظمی مستشار لفی وکالت  
جلیله سی خبر مسرت اثری سامعه زیب ثن اور صدق سیرت و بو کیفیت  
حسب الاختصاص عاجز لرینه موجب کمال ابتهاج و مسروریت اوله رق  
متحتم ذمت مخالصتم بولندیفی اوزره بالشوق والاخلاص دعوات خیریت  
آیات عالی لری بنی بکر ارتذ کارایلمش در جناب رب احدیت اشبو مأموریت  
متمینه بی حق احق سامیلرنده رهین عین و مسعدت و بوندن بویله دخی نیچه نیچه  
التفات و توجہات عالی به مظهر بتله ذات محاسن آیات کریمانه لرینی بالعافیه  
دائما منصفه پیرای عز و دولت بیورمق ادعیه خالصه سی رفع بارگاه جناب  
رب عزت قلنه رق ایفای رسم تبریک و تهنیتله استبقای توجہات عالی لرینه  
ابتدار اولندیفی ان شاء الله تعالی رهین علم سامیلری پیوراد قده اولبایدہ  
اراده افند مکدر

﴿تبریک نامه دیگر﴾

حق احق عالی خدیو یلرنده اوتہ دنبر و برکال و مسلم و بیزوال اولان مهر عالم  
افروز توجہات سنیہ حضرت شهنشاه عسکر پرور بو کره دخی  
از سر نو شعله ورا اوله رق اناطولی اردوی همایونی مشیر لکی شرف اتصال  
سائی مشیرانه لرینه توجہله کسب زیب و زینت ایلدیفی خبر مسرت اثری  
سامعه زیب چا کر مصادقت و بو کیفیت حسب العبودیه چا کر لرینه مستلزم

انواع شادمانی و مسرت و موجب وفور فقر و غنویت اوله رق دعای واجب  
الایفای جناب مالو کانه به تردیفاد عوان خیریت آیات مشیرانه لرینی  
کمال شوق و مسارایله بکراتند کارایلمشدره همان جناب رب عبید پرور  
اشبو ما موریت علیه خدیو یلرینی حق احق آصفانه لرنده رهین عین مسعدت  
و ذات معالیمات خدیوانه لرینی هر حالده توفیقات جلیله حضرت سبحانیه ایله  
نیجه نیجه مأثر جلیله به موفق و مظهر بیورسق ادعیه مخصوصه سی رفع بارگاه  
اجابت کستر قلنه رق ایفای لازمه تبریک و تهنیتله استبقای توجهات معالی  
آیات خدیوانه لرینه مسارعت قلندیغی ان شاء الله تعالی محاط علم عالی  
مشیرانه لری بیورلد قدده اولبایده و هر حالده امر و فرمان حضرت  
من له الامر کدر

﴿والینک محل ما موریتنه مواصلتنه دائره قام والایه﴾

محض توجهات معالی آیات خدیوانه لری ثمره جلیله سی اولمق اوزره عهده  
چاکرانه مه توجیه و احسان بیوریلان محله بالمواصله زیب حائل  
فخر و مباهات عاجزانه ماولان ما موریت امر جلیل الشانی تعظیفات لایقه  
و تکریمات لازمه نک اجرا سیله برابر لازم الحضور و مواجهه لرنده قرائت  
و مضمون جلیل موهبت دلیلی جله به اعلان و اشاعتله توفیق جناب باری به  
استناد او کافه عباد حامی و ملک و ملت به نیجه خیر و منفعتی مشهود و بدیهی  
اولان تنظیمات خیریه و تنسیقات ملکیه اصول عادله سنه توفیقاً ایفای  
امر ما موریت به ابتدا و مباشرت قلنش و رب عز تعالی و تقدس حضرت تلی حیب  
اکرمی حرمته ملکینی ذات همایون لرینه و جناب معالینصاب مالو کانه لرینی  
دخی کافه عباد و بند کانه باغشلسون آمین شوائات خلقت ذاتیه ارضیه سی  
اقتضا سنجه هر در لور تب و اعمار الیق طوغرسی شایان ستایش بر محل  
بولنش اولغله زینت بخش لسان عبودیت ماولان دعای واجب الایفای حضرت

خلاقینا هینک تکرار و ادعیه فزونی عمر و دولت و اقبال عالی خدیوانه  
 لرینک تأدیه و تذکار یله برابر سایه موقیبتوایه جناب ملکداریده میامن  
 توجهات تسهیلات غایات رحیمانه لر یله ایالت مر قومه نك آن بان استحصا  
 معموریتی و اهالی و سکنه سنک استکمال اسباب رفاه و استراحتلری  
 خصوصنه نصب نفس اهتمام و غیرتله طرف واضح الشرف جناب ملوکانه  
 ایچون جله دن دعوات خیریه استجلا بنه اعتنا و دقت اولنه جغی عرض  
 و بیانیله مجرد ایضای فریضه تشکر و محمدنه مسارعت قلند یغنی محاط علم  
 عالمشمول بنده پرور یلری پیورلد قده اولباده و هر حالده امر و فرمان حضرت  
 من له الامر کدر

### ﴿ولادت تبریکی﴾

جناب خلاق جهان افرین موالید ثلاثه ایله روی زمین تریین ایلد بکجه ذات  
 منعمیلرینک هر بر مقاصد علیه لرینه نائلیتله کامیاب و کامبین پیورسون  
 ادعیه خیریه لرینه مواظبتله چشم امید و آماللری روزینه کشیده حسرت  
 اولدینم حالده بو آوان میمنت اقترانده غنچه مطرای جنس سازنجابت اولان  
 بر محمدوم معالی موسوملری مشیمه فروز ظهور و آغوش دایه وجوده اهتراز  
 بخش سرور اولدینگی کیفیتکی باعث قامت افزائی شادی و جهور اوله رق  
 جناب آفریننده وجود تنزهت ذاته عن الوالد و المولود حضرتلری ثمره فواد  
 و نجل نبیل پاکیزه نهادلرین ذات مکارم اعتیادلریله برابر آرایش افزای  
 چنصفه عاقبت و اقبال ایلمسی دعای واجب الاداسمه زبان عاجزانه م تریین  
 قلند یغنی و حق بند کانه مده شعشه پاش اولان نیر توجهات معالی غایات  
 علیه لرین تأکیدینه قرءه عین اصالت پرور لرینک تبریک قدوملری تمام  
 وسیله حسنه اتخاذ قلنش اولمغله تبریک قدوم میامن ملزوملری و استبقای  
 توجهات ولی النعمیلری معرضنده عربضه چاکری ترقیم و تقدیم خاک پای  
 مکارم موسیلری قلند یغنی محاط علم عالیلری پیورلد قده اولباده امر و فرمان

## حضرت من له الامر کدر

﴿رمضان تبریک﴾

من القديم خاکای عیون آرای ولی النعمانه لرینه منسوبیت کامله ایله مقتخر  
ومباهی اولدیم ومستغرق بحار کرم وعنایتلی بولندیم حسیله ارالقده  
عبارة مقبولة ملو کیتک دقایقوله اصول تحصکاری وعبودیتہ تفرع ایدر  
شرائط موجبه اختصاصیه نک اجر اسی لازمه ذمت اولدیغندن اشبو  
اسلوب مرغوبه نک ایفاسنه بروسيله نعيمه کوزتمکده ایکن بادی مغفرت  
کافه مؤمنین اولان هلال رمضان شریف مسعدت ردیفک کتکره جرح  
بریندن ادراکی تقرب ایتش وپو کیفیت کافه بندکان صد اقتشالرینه  
اشارتنامی رخصت عرض عبودیت بولمش اولدیغندن شهر جلیل مسرت  
دلیل مذکورک تبریک و تمنیتی ذریعه مستقوله اتخاذله اثبات مدعای  
عبودیت وحق کینه مده بقای محاسن توجهات معالیغایات ولی النعمیلری  
تمیائنه مجاسرت قلمش اولمغین اولبایده وهر حالده امر و فرمان حضرت  
من له الامر کدر

﴿تبریک رمضان بطرز دیگر﴾

اونه دنبرو عتبه علیای ولی النعمانه لرینه اتم اتما و منسوبیت کامله ایله  
مقتخر و مباهی وحق عاجزانه مده اتصال توجهات سنیة بنده نوازیلرینی  
ایجاب ایدر اسباب قویه نک کماهی حقها اکمالنه صرف بضاعة ابتهاال ایدن  
بنده خبر خواهلرندن اولدیم نزدالها مییوند منعمانه لرنده محتاج کوا  
اولدیغی مستغنی اشتباه ایدوکی ظاهر و هویدا ایسه ده چاکرا احساندیده  
ونعم پرورده لری کبی عبودیت مخصوصه ادعاسنده اولنلر ارالقده استبقای  
تعطفات ولی نعمته بروسيله حسننه تحریسوله عبارة مقبولة ملو کیتک  
دقایقنی کوزتمک و کافه حالده اصول تحصکاری و عبودیتہ تفرع ایدر شرایط

موجبه اختصاصیه به رعایتله قضیه واضحیه رقیبتی مقدمات یقینیه ایله تمهید  
ایلك لازمه ذمت بند کیت اولدیغنه بناء اشو حوالی عامه موحدین عالمیانه  
مایه فیض وبرکت وسبب عفو و مغفرت و اشارت نمای رخصت عرض  
عبودیت اولان رمضان شریف مغفرت ردیفک تبریک وتهنیتی تمام مآثر  
مستقله خصوصیتی ایضایه مبادرت حق کمینه مدده محض کیمیای نخر  
ورفت عدیلله ایضای تلافیات چاکر نوازیلرینی استعدا اتخاذ سر رشته  
اولنه رقیل و نهارد اوم و مواظبتکار اولدیغم فزونی اعداد عمر و دولت  
وصباح مهر منیر اقبال آصفانه لری افق دلخواه عالی ولی النعمیلرندن بمن افزای  
طلعت اولق تمنیاتی لیلله قدر جلیل اجابت دایلمده تاب سحر مقدمه اوراد  
عبیدانه م اولدیغنیك ایماسیله تبریک ماه صیام فیض انسام و اثبات  
مصادقتکاری بند کانه م معرضنده وزمینبوسی رقیته استبقای توجهات  
احسان آیات باعثة المباهات علیه لری زمیلرنده عریضه چاکرانه م بالتقریم  
تقدیم خاکبای **م**ار موسیلمری قلندی اولبایدده و هر حالده امر و فرمان  
افند مکدر

### § (تبریک عید شریف) §

اوتنه دنبرو خاکبای معالی احتوای داوریلرینک بنده **ک**رم دیده لرندن  
بولند یغمه مبنی همیشه وجود مکارم نمود خدیوانه لرینک دائره صحت  
وقصر بالای صفا بنیاد عاقبتده برقرار اولوب هر بر خصوصده بروفق دلخواه  
عالی ولی النعمیلری یا ورئ توفیق جناب صمدانی ایله موفق بالخیر اولملری  
درود خیریت آلودیله دست برداشته اجابتخانه حضرت ملک المنان اولدیغم  
اگرچه واقف **ک**نوز حقایق اولان مبارک قلب سینه لری دلائله مثبت  
وغودار ایسه ده حسب العبودیه خاکبای مکارم پیمای ولی النعمیلرینه  
تقدیم عریضه ایله ابراز رقیبتکاری به مبادرت اولشمی فریضه ذمت چاکریدن  
بولشم اولمسيله شرف حلولیله تشرف اولنه حق عید اضحی نك لوازم تبریک  
وتهنیتی ایفا و ذات بر مکی صفات والارینک قریبانیچه نیچه مسند علیایه

شرف بخشا اولمری دعوائی تکرار قلمقده اولدیغنی عرض وایما معروضنده  
عریضه دعافریشه بند کانه م ترقیم و تقدیم خاکبای عالی قرارلی قلمش  
اولدیغنی محاط علم عالی مشیریلری بیورلدقده من القدیم فرق عبیدانه مده  
شعله باش رفعت اولان نیرتوجها ت دولتارینک کماکان لمعه ویرعاطفت  
بیورلمسی باینده وهر حالده اراده افند مکدر

### ﴿بهاریه اوله رق خلوص﴾

هنکام کشایش ازهار گلستان وایام آرایش باغ وچنستان اولان بران فیض  
اقران مسرت رسانکدیعنی بهارنجسته آثارک فیض قدوم صفامر سومی  
کافه سرو وچنار و اشجاره الباس البسه خلعت فاخره برک زمره مثال  
ایله شعشه بخش قدرت احدیت حضرت پروردکار اولاسیله جناب طراوت  
بخشای روی زمین ذات عنایت آیاتلرین همیشه کاشنسر ای عالمده ترقیات  
علیا ایله ترفیع و تزین ایلدوب جمیع کدورات روز کارستم کاردن امین  
وبونک امثالی نیجه نیجه ایام بهجت اتسام فرخندزاتک مشاهده کثیره  
دلکشاسیله دخی غنچه نوشکفته ثروت و اقباللرین کوندن کونه زیورافزای  
کلزار جاه والای بهترین بیوره امین سوی سنبلبوی لطیفانه لینه اوتنه دنیرو  
پیوست اولان کلدسته خصوصیت ورقیم نسیم عنبرشیم نواز شریله  
کشایش پذیر اولدیغنه مبقی هر وقت هر چون صدای بلبل ندای دعای  
دوام عمرودولت خیریه لریله نغمه ساز اولدیغ افاده سی وسیله ابراز شکوفه  
خلوص و خصوصیت اولمشدر ان شاء الله تعالی رسیده دست نزاکت  
پیوست دولت و مشمول لحاظه عین التفات و عاطفتلریله رشک اور اورا راقه  
کلزار اولدقده بنده خلوص و فامنصولری زیور شکوفه بهاریه توجها ت  
دلارالریله خرم و شادان بیورلمق باینده وهر حالده امر و فرمان

### ﴿قصاص استرحامنده صدر اعظمه﴾

## عرضال

معروض جاریہ کینہہ لریدرکہ

بوجاریہ لریٹک زوجہم فلان کسنہ بی فلان مانندن چند نفر سارق خانہ  
عاجزانہ مزہ دخول ایله ضرب و قتل ایتمد کارندن از میر والیسی طرفندن  
مرقوم قاتلار بانصری اخذ و گرفت او انہ رق لدی الاستنطابق مرقومی قتل  
واعدام ایلمد کارینی اقرارینہ مبنی ایجاب ایدن مضبطہ سبیلہ مرسوم قاتلار  
دربار شوکت قرارہ کوندراش و بوجاریہ لری دخی دیتی قبول ایتمہ رل  
امر قصاصک اجرائی مستدعی بولمش اولدیغمدن مرسوم سارق لری  
عبرت لیسائرین قتل و قصاص لری فرمان بیورملق باندہ و هر حالده امر و فرمان  
حضرت من له الامر کدر

﴿اشترا ایتمدیکی املاکی اهلک اوزربنه یا عیسی ایچون﴾

﴿خارجیه ناظرینہ عرضال﴾

چاکر لری غلطہ ده اوچ بول آغزنده فلان بایدن درت باب مغازه بی شوقدر  
یین غروشه اشترا ایتمش ایسه مده اصول و عهود مقتضاسنجہ اسم  
عاجزانہ مه جیتی جانب شرعدن اعطایہ مساغ اولدیغی درکار  
وزوجه م جاریہ لری رعایان اولمغله آنک اسمنه جیتی اعطایورلسی ایچون  
غلطہ ملاسی فضیلتلو افندی داعی لرینه افاده اولمش ایسه ده  
مساعده ایتمدیکندن مراحم علیہ لردن موجودرکہ املاک  
مذکورہ نک ایجاب ایدن جیتی زوجہم ماریہ اسمنه اعطا قلمسی ایچون  
افندی موی الیه امر و اشعار بیورملق باندہ و هر حالده امر و فرمان  
حضرت من له الامر کدر

﴿شریکنک اوزربنه پولیجه کشیده اولند یغنه دائر مکتوب﴾

رسالتده نیکه خلوصوری فلان کسنہ به بشیک غروش حساب عاجزانہ مه



محسوبا اعطای یورلق اوزره بش کون وعده لو بر قطعه پولیچه ذات والاری  
اوزرینه کشیده اولمشدر و وصول و ارائه اولند قده قبول یورلهرق  
ایام موعوده سی دخولنده مبلغ مذ کوری غما و کاملاً تأدیه ایدرک  
پولیچه مزى خلاص یورملری مسترجاد را فندم

پولیچه صورتی

غروش

۰۰۰۰

یا لکز بشیک غروش

استانبولده شریکمز فلان اغا

اشبو پولیچه مزى کوردیک کرده قبول ایدرک ناطق اولدیغی اوزره یا لکز  
بشیک غروشی بش کون وعده سی دخولنده فلان کسینه به بلا اذا اعطا  
واشبو پولیچه مزى خلاص ایده سز

ا کاجواب

فلان کسینه به حساب والالری نه محسوبا شوقدر بیک غروش ثاورلرینک  
اوزرینه بش کون وعده لو بر قطعه پولیچه کشیده یورلدیغنه دائر واردا  
اولان بر قطعه بحریرات عطوفیلری مالى معلوم عاجزى اولمش و پولیچه  
مذ کوره ثاورلرینه ارائه اولندیغی آنده قبول اولنه رق ایام موعوده سی  
دخولنده غما و کاملاً اعطا و تأدیه قلنه رق پولیچه والالری تخلیص و حساب  
سعادتلرینه قید اولندیغی بیانیله استفسار خاطر شریقلری بادى تحریر غمقه  
اولمشدر

﴿ساعت هدیه سنه تشکرنامه﴾

بانی موقوفه خانه امکان تعالی ذاته عن احاطة الزمان والمكان حضرتلری

دقیقه شناس امور دین و دوات و کره کشای مصالح معضله ملک و ملت  
اولان ذات اصف صفات و کالتبنا هیلرینک کفته میزان شنشنه حسنه  
ولو حه معنی غمای عدل ساعه خیر من عبادہ سبعین سنه اولان دست کرم  
پیوست داورانه لرینی الی قیام الساعه محفظه خاتم شهریاری پیورسون  
بوکره بنده لر بله چا کر کینه لرینه \* بر عجب صنعتی ساعتکیم نه دم  
باقسه ویرر \* روزه داران غمه شام مسرتدن خبر \* فخوا سنجه بر ساعت  
جهان قیمت و پسندیده صنعت ارسال و احسان پیورملری نعم سائره علیه لر  
مقابله نده ثانیه بنایه حرکت ایدن زبان محمدمت بیان عاجزانه می بتون بتون  
حصر ادای شکرانکی ایلش اولد یغی محاط علم عالم آرای خدیوانه لر  
پیورلده اولبا بده

﴿تزوج دو کوئته دعوت تذکره سی﴾

اولم ولو بشاة امر جیلنه امتتالا ولیمه جمعیت عاجزانه م تصمیم وقال بالخیر  
یمین و مسعدت شرف قدوم عالی لر بله تتمیم قلنش اولغله چهارشنبه کونی  
ساعت اون قرارلنده لطفنا و احسانا چا کرخانه لرینی تشریفه رغبت و کلبه  
احزان بندکانه می رشک اورقصور جنت پیورملری نابنده امر و کرم  
افندم مکدر

﴿سنت دو کوئته دعوت﴾

مخدوم بنده لرینک ختان جمعیتی مصمم بولند یغندن فلان کونی ساعت اون  
قرارلنده لطفنا و احسانا چا کرخانه لرینی تشریفه رغبتله بنده دیرینه لرینی  
قرین مساریشمار پیورملری نابنده امر و کرم افندم مکدر

﴿ایجار سندی﴾

باعث تحریر سند ایجار اولدرکه

از میرده او چ پول آغزنده متصرف اولدیغیم بر باب مغازه می استیجارینه طلب  
وراعب اولان فلان بازار کانه القمشیدی سنه سی ماه محرمندن اعتبارا  
القمش طبقوز سنه سی محرمی غره سنه دکین ایکی سنه لکنی بردن شوقدر  
بیک غروش اجاره ایله ایجار و مرقوم دخی استیجار و قبول و اجاره سی  
اولان شوقدر بیک غروشی بروجه پشین اعطا و تأدیه ایتدیکندن کر کدر که  
ایکی سنه ختامنه قدر دیکر طرفدن ضم اجاره ایله طالی ظهورنده  
و صورت اخر له فسخ اولنماق شرطیله اشبو معمول به تمسک مرقومه اعطا  
اولمشدر

﴿متولی انتقالده مخالفت ایلدیکی ایچون اوقاف ناظرینه عرضحال﴾

دولتو افندم حضرتلری

مدینه از میرده قصاب خضر محله سنه ده فرنک کرکی قرینده دولتو عصمتلو  
والده سلطان عایه الشان حضرتلری اوقافی مسققاتندن والده من مریم  
نصرانیه نك اولادیت اوزره متصرف اولدیغی بر باب منزل مر سومه نك  
وفاتیه بو قوللرینه قالمش اولدیغندن انتقالنك اجرامی خصوصی اوقاف  
مشار الیه امتولیس سنه افاده قلمش ایسه ده کونا کون مخالفت ایتدیکی  
و مر سومه نك احسنه اولان تمسک عینی بالاخراج عرضحال عاجزانه مه مطویا  
خاکای دولترینه تقدیم اولندیغی محاط علم عالیلری بیوردلقده منزل  
مذکور له عهد ناچیزانه مه اجرای انتقالی متولی موی الیه اراده بیورلمق  
باینده امر و فرمان حضرت من له الامر کدر

﴿انتقال تمسکن صورتی﴾

باعث تحریر حروف اولدرکه

دولتو عصمتلو کمال مرحمتلو تاج المستورات والخدرات والده  
سلطان علیه الشان افندم حضرتلری نك در سه ائده انشا و بناسنه موفق

اولدینغی غربا وضعقا و فقر اخسته خانه سی و چشمه لطیفه لری اوقافی  
 مستقفا نه مربوط مدینه از میرده لب دریاده کائن فلان کسینه نک بروجه  
 ملکیت و اولادیت متصرف اولدینغی بر باب منزلنی سنوی اوچیوزاللی  
 غروش اجاره زمین و حسن رضاسیله فلان کسینه به شوقدر بیک غروش  
 بدل مقبوض مقابله سنده فروخت ایلدیکی مدینه مزبوره ده اوقاف  
 مشارالیه مدیری فلان اغا طرفندن اخبار قلمش اولغله اتقالی اجرا  
 اولمشدر کر کدرکه اوقاف مشارالیه موقوف اجاره زمین مزبوری سال  
 بسال جانب وقفه اعطا و تأدیه ایتدیکه هیچ بر طرفدن دخل و تعرض اولمیه  
 و اتقال اولمسی وقوعنده ینه مدیری طرفندن با تحریرات اشعار  
 و استئذان اولمق اوزره اشبو اتقال تمسکی تحریر وید هر سومه اعطا  
 قلندی

﴿اله جفی تحصیل ایتک ایچون مباشر کوند رلمسی تناسنی﴾

﴿ماوی صدر اعظمه عرض حال﴾

معروض چا کر کینه لریدرکه

بو قوللرینک فلان قضا مدیری بک قوللرندن با محویل یوزاللی بیک غروش  
 مطلوب عاجز انیم اولوب اعطا و تأدیه سی خصوصنده مخالفت برله غدرکلی  
 سمتنه ذاهب اولدیغندن مبلغ مذکورک تحصیلچون برنده لرینک مباشر  
 تعینی خصوصنه بذل کنجینه مرحت بیورلمق باینده و هر حالده امر و فرمان  
 حضرت من له الامر کدر

﴿عوام ناس یننده عادی اوله رق دین سندی﴾

غروش

۱۰۰۰۰۰

﴿بالکزیوزاللی بیک غروش در﴾

باعث تحریح حروف اولدیرکه

اشبویک ایکوزالتمشیدی سنه سی ماه محرمی غره سندن اعتبارا طعسان  
برکون وعده ایله دارنده تمسک صرافان معتبراندن فلان بازرکاندن بالاده  
مذکور بالکنز یوزاللی بیک غروش جهت قرض شرعی اولق اوزره آلام که  
نصفی یتمش بش بیک غروش ایدرواجب الادا لازم القضا ذمتده صحیح دینم  
اولوب بمنه تعالی وعده سی دخوانده تماما اداسی میسر اولدقه اشبودین  
تحویل کیرویه ردوشق اولنه

﴿تحصیلی امرنده والی مملکت خطابا﴾

﴿امرنامه ساهی صورتی﴾

دولتو افندم حضرتلری

صرافان معتبراندن فلان بازر کانک سوکه قضای مدیری الیاس زاده  
حسن بکدن بتحویل شو قدر بیک غروش مطلوبی اولوب اعطا و تأدیه سنه  
مخالفت ایلدیکی بیانله تحصیلی ضمننده بر مباشر تعینی خصوصی بازرکان  
مرقوم طرفندن باعر ضحال استد عاقلتمش و بازرکان مرقومک استد عاسی  
وجهله دائره مرتبعه سندن فلان بنده لری مباشر تعین اولنه رقبوکه  
صوب آصفانه لری نه اعزما کوند رلمش اولغله شیمه کریمه حقایقدا نیلری  
اقتضاسندن اولدنی اوزره بروجه حقانیت لدی الترافع بازرکان مرقومک  
میرمومی الیه ذمتنده اولقدار آله جفی شرعاً تبیین ایلدیکی حالده مباشر  
مرقوم معرفتیه تحصیله همت بیورلق باینده و هر حالده امر و فرمان  
حضرت من له الامر کدر

﴿مقام صدارته﴾

خاکای عالی و کاتبنا هیلرینه در کارا اولان فرط عبودیت و مصادقت  
چا کرانه مه مرجه و مکافاة صدقه اقبال صدارتینا هیلری اولق اوزره عهدۀ

عاجزانه مه توجیه واحسان بیوریلان فلان ایالتیه ماه حالک یکریمی ایکنجی  
 بازار ابرته سی کونی بالمراصله سلف چاکری دولتو پاشا حضرتلری بنده لر یله  
 تسلیم ونسلم قاعده سی اجرا قلنه رق مشارالیه حضرتلری در سعادته  
 متوجه بو طرفدن حرکت وعزیمت ایتک اوزره بولنش وزیب حائل نخر  
 ومباهات کترانه م اولان مأموریت امر جلیل الشانی مجلس ترتیبیه  
 تعظیبات لایقه وتکریمات لازمه نک اجرا سیله برابر فتح وقرائت ومحض  
 عدل ورأفت اولان منطوق جلیل ومضمون موهبت دلیلی بجهله اعلان  
 واشاعتله توفیق جناب باری به استناد اواحائی عباد اولان تنظیمات خیریه  
 وتنسیقات ملکیه اصول عادله سنه تطبیقا ایضای امر مأموریه ابتدا  
 ومباشرت قلنش ورجمز جل شانہ حضرتلری حبیب اکرمی حرمتنه ملکئی  
 ذات همایونلرینه وجناب کرامتصاب ملوکانه لرینی دخی کافه عباد و بندکانه  
 باغشلسون آمین شواایات طوغریسی خلقت ذاتیه ارضیه سی اقتضاسنجه  
 هر درلو ترتیب واعماره الیق شایان ستایش بر محل بولنش اولغله فریضه  
 ذمت عبودیت اولدیغی اوزره دعای بقای شان وشوکت واجلال حضرت  
 خلافتنا هینک تکرار یله برابر سایه موفقیته وایه جناب شهر یاریده میامن  
 بوجهات تسهیلات غایات عاجز پرویلر یله ایالت مر قومه نک آن بان  
 استحصال معموریتی واهالی وسکنه سنک ترایدرفاه واستراحتلری  
 خصوصنه نصب نفس اهتمام وغیرتله طرف واضع الشرف جناب ملوکانه  
 ایچون جله دن دعوات خیریه استیجلاینه صرف مقدرت اولنه جفی عرض  
 و بیانیله ایضای فریضه تشکر ومحمدته اعتنا ومسارعت قلند یغی ان شاء الله  
 تعالی محاط علم جهانشمول وکالتنا هیلری بیورلدقده اولبایدہ امر وفرمان  
 حضرت من له الامر کدر

§(جواب)§

دولتق افندم حضرتلری

بالصحة والعافية محمول عهدہ بہیہ لری اولان فلان محلہ بالوصول اجرای  
اقتضای امر وفرمان حضرت خلافتناہی بہ مباشرت پیورلدیغنی مبین  
وصوب خلوصوری بہ درکار اولان حسن توجه سامی لری متضمن رسیدہ  
جای اعزاز اولان تحریرات والاری مأل و مزایای قرین اطلاع خالصانہ م  
اولمشدر همان جناب فیاض مطلق جلدی رضای عالی بہ اوفق خدمات  
مستحسنہ ابرازینہ موفق پیورمسی دعواتی واستفسار خاطر  
مروتظار لری سیاقده شقہ تحریر و تسیرینہ مبادرت قلندی

### ﴿توصیہ صورتندہ مضبطہ بہ موجب﴾

مال مدیری سابق افندی بندہ لری مدت ادارہ سی محاسباتی مجلس کبیر  
ایالتندہ یکان یکان بالروئے ذمتندہ اموال میریہ دن براچہ ظہور  
و کند و سندن مدت مأموریتندہ قولا و فعلا منافی معدلت سنیہ و تنظیمات  
خیر بہ ارتکابات و ماخوذات و برکونہ حال و حرکات صدورای تمامش  
واہالی بالعموم خشنرد و راضی بولنش اولدیغندن اولبابدہ معرض  
شہادتندہ مجلس مذکور دتنظیم واعطا اولنان بر قطعہ مضبطہ مالی  
افندی مومی الیہ بندہ لری نک فی الحقیقہ حسن حال و حرکت واستحصال  
خشنودی اہالی و رعایا بہ موفق اولدیغنی متضمن اولہرق تحقیقات  
عاجزانہ مدخی بومر کردہ دائر بولنغین مذکور مضبطہ موجبہ طرف  
چاکرانہ مدن دخی عرض و بیان کیفیتہ ابتداد اولمشدر اولبابدہ  
وہر حالدہ امر وفرمان ولطف واحسان حضرت منلہ الامر کدر

### ﴿تبریک ماموریتنی حاوی اولان شقہ بہ جواب﴾

جوار مسعدت آثار مشیریلرینہ شرف مظہریتدن طولای حاصل اولان  
مسرت کاملہ وجدانیہ نک عرض و بیانی املندہ ایکن الفضل للمتقدم  
مدلولنجہ تبریک ماموریت بندگانہ می متضمن ارسال پیوریلان تحریرات

سامیه کریمانه لری رسیده دست ابجال و کوهر باره مضمون نوازش منکونی  
ضیاءش کنز خیال اوله رق خورشید محسنات و مکارم علیه لریدن بو صورتله  
اقتباس انوار لطف و عاطفت کاشانه دل بیغل صدیقانه مه افاضه نغیر  
و ممنونیت ایتسیله دعوات خیریت آیات منعمانه لری یاد و تکرار اولنمشدر  
بیشگاه کرم پناه آصفیلرینه مخصوص اولان کالای زرین خلوص  
و خصوصیت قوبه م آرایش ریب وریادن ساده و بوده شهادت قلب نقاد  
عرفان اعتیاد و تلذذ کلفه تعریف و توضیحدن آزاده اولدیغندن اولمچنده  
تطویل و تصدیعدن صرف نظره مجرد عاطفت واقعه کریمیلرینک تشکر  
و محمدتبله استبقای وجهات سنبه لری معروضنده تقدیم رقعته اختصاصه  
ابندار قلندیغی صورت عزیمی بو هفته پوسته سیله نائل اولدیم کرم نامه لرنده  
استفسار بیورلمش اولان امین صرّه مبارکه همایون پکن پنجشنبه کیجه سی  
صبحا حلین ساعت سکرزاده لرنده بورادن راحله بند حرکت اولدیغی  
ان شاء الله تعالی معلوم وزیرانه لری بیورلدقده اولابیده امر و فرمان

﴿علمادن بر ذاته هدیه ارسالنه دائر﴾

دادیمه عالیشیم فضیلتلو افندم حضرتلری

صوب فاضلانله لرینه اولان کمال محبت و مودت عاجزانه م اقتضاسندن ناشی  
هر بار ذات هر قسما تلیله میانه ده مسبوق اولان حقوق و موالات  
خیالخانه خلوصوریده تفکر و اول او ان سعدا قترانده اولان ذوق و صفای  
تذکرا یتکدن خالی اولدیغیمی مناسب روند کان ایله اشعاره و سیله جوی  
ایکن بودفعه اوطه ثناوری اخوانندن فلان افندی حضرتلرینک ایفای  
فریضة حج شریف نیت خیریه سیله اولصوب شرف اوبه عزیمی ابراز کالای  
محبت خالصانه مه نعم الذریعه اتخاذ قلمش و هدیه ناچیزانه م اوله رق  
برجبه لک شالی دخی افندی موئی الیه ایله کوندولمش اولغله وصولنده قرین  
حسن قبول بیورلمسی نیازیه نمفته ثناوری تحریر و تسیر قلمشدر بینه تعالی



معلوم سماحتاری بیورد قدده طرف محبی اولحال عالیبه ده حسن توجهات  
عالیه و دعوات خیره ایله یادوبوجه تله شاورلرین مسرورالقوآد بیورمرلی  
مقتضای شمه مرتلریدر

### § (امرنامه سایی جوابی) §

فلان تاریخله مؤرخ هامه پیرای تعظیم اولان امرنامه سائی وکالتینا هیلری  
مأل عالیسنده متعلق و شرفسنوح بیورلمش اولان امر و فرمان همایون  
حضرت پادشاهی منطوق جلیلی اوزره حجاج مسلین محافظه سنه مأمور  
فلان ایالتی تیمارلوسنک معاش و مصارف سنویه لری تیمارلری حاصلاتندن  
تسویه قلمتی اوزره مستحفظ حجاج نامیله برالای تشکیلی ضمننده دفعه  
وقوعبوله جق مصارف دقترینک و تیمارمرقوم حاصلاتنک سالیبه نظارت  
جلیله سی جانبندن ارسال بیوریله جق تجارت دقترلی و تعلیمات ایله  
تنصیل و وقوعبوله جق اشعاره تطبیق دفاتر لازمه سنک تنظیم و بامضبطه  
تقدیمی اراده و اشعار بیورلمش و امر و فرمان همایون حضرت شاهانه حکم  
جلیلی اوزره خصوص مزبورلک تسویه ایجابنه مبادرت و نظارت جلیله  
مشارالهم جانبندن ارسال بیوریله جق دفاتر و تعلیماتک ورودنده ا کاتطبیقا  
دفاتر لازمه سنک دخی بالتظیم کیفیتلرینک ایضا حاکم و اشعارینه  
اعتماد دقت قلنه جفی عرض و بیاتنه ابندار اولمشدر اولبابده و هر حالده  
امر و فرمان

### § (احالات دقتری ذیلنه یازیلان مضبطه مالییه نظارتنه) §

اشبوییک ایکوز سنه سنه محسوبافلان ایالتی واردات عشریه سنک  
مقدمه مزایده سی ایالت مرقومه اها لیسنک تخم زرع ایلسی صره سنده  
اجرا اولندیغنه و یکن سنه سی مزروعائی آقزده اولسندن و بوسنه  
محصولاتنک دخی اولوقت مجهول بولندیغندن طولای طالب اولنر بوبابده

زیاده ضمایم ایلہ اظہار خواہش ایتمد کارندن واردات مر قومه بد لاقی  
سنہ سابقہ بد لندن خلیجہ تنزل بولدیغی حالہ دفتری تقدیم قلمشیدی  
له الحمد ایالت مر قومه مز رو عاتندہ مؤخر فیض وبرکت نمایان اولہرق  
اعادہ مز ایدہ بہ رخصت بیورلدیغی حالہ منافع خزینہ جلیبہ حصولہ  
کلہ جکی اکلاشیلوب کیفیت مقدما فی سنہ ومؤخر فی سنہ تاریخلریہ  
باعریضہ استئذان وانہا وبونلرک مجلسہ کلوب ویرہ جکری ضمایم  
افادہ سنہ مآذونیت اعطا اولنش ایسہدہ جوابا ہنوز برکونہ ارادہ عالی  
نظار تپناہیلری شرفظہور ایتمامش وایالت مر قومه نک حرارت حالہ  
وہواسی اقتضاسنجہ ایام حصاد دخول ووقت مز ایدہ مر ورا یتکدہ  
بولنش اولدیغی حالہ طالبلر دخی چوغالمش ایدوکنہ واستحصا ل منافع  
خزینہ قضیہ سی بالجلہ مأمورینہ فریضہ ذمت مصادقت بولندیغنہ  
بناء اولبا بدہ ملتزمین طرفلرندن وقوعبولان استدعا ومجلسجہ ویریلان قرار  
اوزرینہ واردات مر قومه بوکرہ تکرار مجلسجہ علنا بالمزایدہ مقدما تقدیم  
قلنان مز ایدہ دقترندہ محزوبد لات اوزرینہ وقوعبولان ضمایم ایلہ برابر جعا  
شوقدر غر وشدہ آخرک رغباتی انقطاعندن صکرہ بالادہ محرر الاسامی کسان  
عہدہ زندہ تقرر ایدرک قوی کفلا یہ ربط اولنش واجرای ایجابی متوقف  
ارادہ عالی نظارت پناہیلری بولنش اولمغین اولبا بدہ وہر حالہ امر وفرمان

﴿(بودخی)﴾

له الحمد والمنہ فلان ایالتی مز رو عاتنک اشبو سنہ سندہ نمایان اولان  
فیض وبرکت ایجابی ومیامن توجہات نظارت پناہیلری آثار خیرہ سی  
اولہرق ایالت مر قومه رسوماتی بو صرہدہ ترقی بولہجفی ملتزمینک  
محزوملری بولنسیلہ مقدما تقدیم قلنان مز ایدہ دقترندہ محرر بد لاتندن  
زیادہ ضمایم ایلہ خلیجہ طالبلری ظہور ایتمش وبو خصوص منافع خزینہ  
جلیبہ مستلزم بولنش اولدیغی مثالوت ~~تکرار~~ مز ایدہ سی خصوصی

استئذان اولئش اولسه وقتك امرارینی موجب اوله جفی بدیهیاتدن واول  
 باول استحصاال منافع خزینة جلیله قضیه سی بالجله مأمورینه فریضه دن  
 بولندیغنه بناء اولبایده ملتزمین طرفلرندن وقوعبولان استدعا و مجلسجه  
 ویریلان قرار اوزرینه ایالت مر قومه واردات رسومیه سنك دخنی بوكره  
 تکرار مجلسجه علنا بالمزایده مقدمه تقدیم قلنان مزایده دفترنده محرر بدلات  
 مقررره اوزرینه اولان ضمایله برابر شوقدر بیک غرو شده آخرک رغباتی  
 انقطاع عند نصکره بالاده محرر الاسامی کسان عهده لرنده تقرر ایدرک  
 قوی کفلا به ربط اولئش و اجرای ایجابی متوقف ارادة عالی نظارت پناهیلری  
 بولئش اولغین اولبایده وهر حالده

§ (والی طرفندن مضبطه اوزرینه یازیلان موجب) §

له الحمد والمنة بوسنة مبارکه ده فلان ایالتی مزروعاتندن نمایان اولان اثار  
 فیض وبرکت جهتله ایالت مر قومه اعشار سنك تکرار مزایده سی حصول  
 منافع خزینة جلیله یی مستلزم اوله جفی روش خالندن و بعض افادات  
 موثوقه دن کلاشیلوب اولبایده فی سنه تاریخله باعریضه چاکری  
 استئذان ارادة علیه نظارت پناهیلرینه مبادرتله مع ضمایم طالب اعشار  
 اولئرک مجلسه کلمرینه مأذونیت ویرلشدی بوکره لفات تقدیم قلنان بوصولده  
 کوسترلدیکی وجهله اعشار ورسوم وارداتك بدلات معلومه سابقه سی  
 اوزرینه شوقدر غروش ضم وقوعبولش و بودخی مجرّ دیامن توجهات  
 سنیه لری برکاتی دیمک ایدوکنه اشتباه اولیوب دروش حاله کوره ده ضمایم  
 ظهوره کله جکی مأمول قوی بولئش اولدیغنه و واردات مر قومه طالب لرینك  
 رغباتی انقطاع عندن صکره تقرر ایدن ضمایم دفترنك تنظیم و تقدیمله  
 کیفیتك عرض و اشعارینه مبادرت اولنه جفی درکار و ایالت مر قومه نك  
 حرارت خالک و هواسی اقتضا سنجه بش اون کون قدر شعیر بچیلوب وقت  
 حصاد دخول ایده جکی نمودار بولندیغنه بناء مقدمه کی عرض و نیاز

چاکرانه مزوجله بوباده اولان رأى رزین اصابتقرین منع میلرینک سوی  
بندکانه مزه سرعت امر واشعارى خصوصنه مساعدۀ سنیۀ  
نظار تبناهیلى بیدریغ وشایان پیورلق باینده وهر حالده

### ﴿عیادتنامه﴾

مزاج عطوقت امتزاج عالمیزنده صدقه وجود رافتخود لری اولوق اوزره  
ظهور ایدن انحراف نیر نشاط ثناوری به بادئ انکساف اولمشیکن  
حد الله تعالی امارۀ برؤ و خفت حصولی طرف مخلصیه اخبار اولمقدنانشی  
بو کیفیت وسیلۀ کمال ممنونیت و انبساط و ذریعۀ مزید محظوظیت و نشاط  
اوله رق همیشه تربیت بخشای اجزای جهان و تأثیر فرمای تراکیب انس  
و جان تقدست قدرته عن البخل والنقصان حضرت لری کوه ریه ممتای  
وجود جهانور لری بی نیجه زمان زیور آرای درج دولت و صدقه صحت لری  
اولان اشبوعارضه بی نتیجه پذیر انواع عافیت ایلک تناسی دعای عمر  
ودولت لری نه تردیف قلند یغی بیانیله استفسار خاطر معالی مظاهری  
سیاقنده تذکرۀ ثناوری ترقینه ابتدار اولمشدر ان شاء الله تعالی لدی  
الوصول حصول کمال تندرستی و عافیت لری بشارتیه اخلاصکار بمرالین  
تخبیر و تراید توجهات والار یله تسریه عیال لری سزاوار پیورلق اعظم  
مسؤل اخلاص شعار ایدوکی

### ﴿مسرنامه﴾

ارادت بی علت جناب خفی الحکمه اقتضاسیله علی سبیل المجاهده مظهر  
امتحان یزدانی اولان حضرت یوسف علیه السلام بر زمان تنها نشین کلبۀ  
احزان و بعده کوکبۀ قدر و شان لری ایماض بارقه فیوضات قدسیه ابله  
نوجهله نور افشان مصر جهان اولدیغی نزد الهام پیوند سامییزنده مستغنی  
تعریف و بیان ایدو کندن بشقه اشد بلا یا ذوات مقدسه انبیا و زمرۀ سادات

اولیایه بارگاه احدیت بنه کبریا دن بر تحفه کرا نه اوله رق مبعوث  
 بالسیف اولان خواجه هر دوسرا علیه افضل التحایا افند مرک ظاهرا اذای  
 دخر اش کفره قریشیدن ومعنا علم اقرار جهاد و غزا اولماری اراده  
 خفیه سندن هجرت نبویه لری اقتضای تمش اولدیغی عند اولی النهاده کالشمس  
 فی وسط السماء روشن وهونید ادر بنابرین \* وای نعیم لایک کدره الدهر  
 مفاد حقایق اعتیاد نتیجه ذات نفامت آیات منعمانه لری نک فضائل جهاده  
 مظهر یتلریله بر مدت تنکای مجاهده ده نائل مأثر مشوبات نامتناهییه اولماری  
 مقتضای شیوه الهیه دن اولوب الحمد لله الذی اذهب عنا الحزن نظم جلیلی  
 بوخلال میامن اشتعالده تزیین سر لوحه آمال و تنویر ککابه حسبجال ایدرک  
 بالامن والاقبال اولاد و امجاد و بالجله متعلقات صدق اعتیاد لریله مدینه  
 از میرده ساحلرس اجلال اولدقلری نوید مسرت بدیدی سامعه پیرای  
 عبد صادق المقاتلاری اولدقده بومرده عظمی خزان دنیا و مافیاه دکر بشارت  
 کبری اوله رق بی اختیار اساله دموع شادمانی و مسارایله در حال ایفای  
 لازمه سجده شکره ابتدا رایدرک اولنابده باده شوق و سرور و فرحت عروق  
 و اعصاب چا کرانه مه سرایت ایتد یکنند نصره اوزریمه راجب اولدیغی  
 وجهه له کیجه کوند زمواظب اولدیغیم دعای بقای عمر و دوات و سلامت لری  
 مرآت اجابتده صورت نما اولدیغندن لیله مظلمه عسرتدن صبحگاه عالم  
 افروز بسرو سهولته رسا اولدقلرندن از سر نوشوه مندفیض و حیات  
 و دلسیر ماء الحیات مباهات اوله رق چا کر مستد یتلری قدیمی و صمیمی عتبه  
 علیای ولی النعمانه لری ملجأ و ملاذ ایدتمش و خالقدم میامن توأم  
 داور یتلری کیمیای سعادت اتخاذ ایتمش اولدیغیم حیثیتله و بو وجهه له اصابت  
 سهم امانیدن وصوله کلان انواع انبساط و ابتهاجک اشعاریه تمادئ ایام  
 عمر و دولت و ترقی شان و منزلت لری متناسی اونه دنبرو مانوس اولدیغیم ادعیه  
 خیریه ولی النعمانه لری نه بالتردیف بقای توجهات سنیه لری استند عاسنه  
 نعم الذریعه اتخاذ اولندیغی ان شاء الله تعالی محاط علم عالمشمول خدیو یتلری

بیورلد قدہ بعد ازین دخی حق بند کانه مدہ اکسیر محض بیلدیکم آفتاب  
تلفات ذرہ پروریلری لمعه ثابریورلق با بنده و هر حالده امر و فرمان

### § (تعزیه نامه) §

بو اوان حزن اقترانده کریمه محترمه لری نیک ختام انفاس معدوده سیله دار بقایه  
روان وجوار رحمت رحمانه خرامان اولدقلری پیام حزن ارتسامی مسموع  
شناوری اولد قدہ خدا ییلور که درجه مغمومیمت رسیدہ رتبه عذاب الیم  
اولمشدر اما تقدیر خدا یه رضادن غیری چاره اولدیغی عیان و بو کاصبر و تحمل  
اجر جزایی موجب اوله جغندن همان جناب حی لاینام اول مرحومه بی  
غریق بحار غفران و باقیلره عمر طویل و صبر جمیل عنایت و احسان ییوره  
امین محض اعجز و ینتمی حاوی و مر اسم تعزیت و تسلیتی محتوی غمقه شناوری  
تحریر و املا و صوب و الالری نه بعث و اسراقلمشدر بمنه تعالی لدی الوصول  
معلوم مروتلری بیورلد قدہ صبره ملازمتله زمره لاخوف علیهم و لا هم  
یحزنون دن بولملری الطاف حضرت ملک العلامدن مستدعادر

### § (وزرادن قبول کخنداسنه) §

• • • افندم

فی سنه تاریخیله مؤرخا شب و هفته پوسته سیله رسیدہ دست اعزاز اولان  
تحریرات بیله لری موجب بنجه ارسال بیوریلان مرقاتک جمله سی بالوصول  
تسویه اقتضالری در دست اجر ابولمش و باب عالی یه و مالیه خزینه جلیله سنه  
وسائریه اولان معروضات و محررات شناوری طوبره یه موضوعا صوب  
والالری نه بعث و تسبیر قلمش اولغله بمنه تعالی وصوللرنده محالری نه بالتقدیم  
اجوبه لازمه لری نیک مسارعت استحصال و ارسالنه همت بیورملری  
متمنادر

﴿دیگر مختصر﴾

فی سنه تاریخلی محریرات بهیه لریله برابر کافه مرققات مطویه بالوصول  
اقتضالی اجرا بر موجب مذکره اوراق موجوده صوب والا لرینه ارسال  
واسر اقلتمش اولدیغی بیانه مبادرت قلندی افندم

﴿قبو کخدا سی طرفدن پاشا سنه پوسته عریضه سی﴾

• • • افندم حضرت لری

باب عالی به و نظارت جلیله مالییه و محال سائر به اوله رق بالاسطار ارسال  
وتسیار بیوردلدیغی بیان عالیسیله محال لرینه ایصال خصوصنی آمر مفخر بخش  
فرق عبیدانه م اولان فرمائمه سائی داورانه لری مال عالیسی رهین اذعان  
چاکرانه م اولمش و محررات علیه مذکور بالوصول طبق امر و فرمان  
داورانه لری اوزره محال لرینه تقدیم واعطا و در دست بولنان او امر نامه  
سامیه جناب و کالتپناهی و محررات سائره افوا و بر قطعه جریده حوادث ایله  
مرتب اولان معلوم القطعات تقویم وقایع نسخه لری آچقندن پوسته به  
تسلیم تقدیم خاکای والای ولی النعمیلری قلتمش اولدیغی محاط علم عالم آرای  
خسر وانه لری بیورلدقده اولباید و هر حالده امر و فرمان حضرت من له  
الامر کدر

﴿طرز دیگر﴾

فی سنه تاریخجیله مؤرخا پیرایه انامل تعظیم اولان فرمائمه والای  
دستوریلری مال عالیسی اوزره اشبو هفته پوسته سیله ارسال بیوریلان  
مرقات سنیه لری نك محال لرینه تقدیم و توصیلنه ابتدار و در دست بولنان  
محررات بوکره مطویا پیشگاه معالی اکتناه خدیو یلرینه تقدیم و تسیار  
اولتمش و اجرای اقتضالی منوط رأی عالی داوریلری بولتمش اولمغله هر حالده  
امر و فرمان حضرت من له الامر کدر

یوقاریکی مسوده را غر و مفصل اولوب هر درلودن اشاعیلی یوقاریلی درج  
اولمش و سوال و جواب اوله رق عادی مکاتیب الیه تذاکر و سائر نک یوندن  
اشاعی درجنه ابتدار قلتمشدر

### ﴿فائقمه توصیه نامه﴾

رفعتلو افندی

مقدم نطقه ثناوری فلان قضاسی مدیری رفعتلو اغا مخلصلری صوب  
محبی به متعلق اولدیغندن بشقه کندوسی حد ذاتده درایتکار و هر وجهله  
رعایته البق و سزاوار اولمسیله شیمه حسنهلری ایجابجه مومی الیه حقنده  
حرمت و رعایتله برابر مأموریتنه دائر واقع اولان خصوصاتنه معاونت  
و مظاهرت بهمهلری مبذول بیورلدیغی حالده باعث محظوظیت خلوصوری  
اوله بجندن اولوجهله مصروفی همم شریفه لری التماسیله استفسار  
خاطر شریفلری سیاقنده نطقه ثناوری تحریر و تسیر اولتمشدر

### ﴿اكا جواب﴾

دراتلو افندم حضرتلری

اظهار مآثر عبودیتبه ذریعه شمارا یکن . . . مدیری اغا بنده لری  
حقنده لازمه معاونت و احترامک ایفاسی امرینی حاوی اوله رق انای  
مومی الیه یدیله انمله پیرای تعظیم بلیغ اولان فرماننامه والای دستورانه لری  
تنویر ساز باصره رقیم اولمش و هر بر امر و اراده سامیه ولی النعمیلرینک  
تنفیذ و اجراسی مقتضای مملوکیت بولتمش اولمغله طبق فرموده علیه  
آصفانه لری اوزره مومی الیهله بالملاقات امور و خصوصات ایجابیه سی  
براکده تسویه اولتمقده ایدوکی محاط علم عالم آرای داویرلری بیورلدقده  
هر حالده امر و فرمان حضرت من له الامر کدر



﴿کتاب اهداسنه دائر﴾

ذات والای مکار منمیلرله من القدیم میانه ده شیرازه بند صحیف سطور  
اولان متن بهارستان ازهار مودت صر صر بعدیت عارضه سیله قبول انحطاط  
وفر سوده اولیه جفی مبنارک فوآد حقیقت اعتیاد والاری دلاتیلله  
ازهر جهت بارزو آشکار اولسیله آرتق بورالردن بجهتله تجدید شیرازه محبت  
وادیلرنده عرض کتاب خلوص رسمی بر طرف ایدیلرله دکای بانخیر بهیه لری  
تلاوت وایفاسیله اکتفا ایدلمش واشبو معانی غیر موجه نك تحشیه  
وایضاحی بچشندن صرف افکار و اختیار اختصار قلنه رق مجرد تفحص  
طبع معارف نبع بهیه لری سیاقنده ومولانای جامی قدس سره السامی  
حضر تبرینک انارنم المأثر اقدس سیلرندن بهارستان کتاب مستطابنک شرحی  
بوارالق مجدد اطبع اولمش وشرح مذکور شایسته مطالعه واستنساخ  
بولمش اولسیله برای یادکار بر قطعه سنک بوکره پوسته یه نودیعاصوب  
والارینه هدیه ارسال قلنش اولسیله بمنه تعالی رسیده دست معارف پیوست  
عالی لری اولدقده لطفا قبول ومطالعه سیله شناور بمرالین مسرور پیورملری  
باینده

﴿اکاجواب﴾

ذات مکار مسلمات عالی لریله از قدیم واقع اولوب دمبدم نشو ونما بولمقده  
اولان غنجهای ورد محبت باد مخالف تباعد عارضه سیله صرا روب صوله  
کیفیتی بروجهله قبول ایتیه جکی سپاسکارلر بنی حسب الحقیقه شاهد  
عادل ایتکله بوباید اطناب معانی وایراد دلائله حاجت قالماغله اصل  
شریطه اختصاص ومحبندن اولان تذکر حقوق ایله بر قطعه بهارستان  
شرح نفیس سنک پوسته توسطیله اهدا واسرا پیورلدیغی افاده سنی شامل  
فی ۲۱ ص سنه ۶۹ تاریخیه مؤرخ زیور افزای کف ابجال

وا احترام اولان برقطعه کرنامه بلیغانه لری مفاد مکارم معنادی رهین علم  
ولا کاری ونسخه نفیسه مذ کوره دخی واصل ایادی افتخار بنده بیر لری  
اولمش وفی الحقیقه میانه ده جلوه کر روضه ظهور اولان لاله های محبت  
وشا هبوی انس انیسل شرح و بیانی بر طاقم ایراد کلماتدن عبارت و بورالردن  
جلی مباحثه وافکار شیمه مرغوبه وفا کاردن ورسمی اتیان براهین  
دخی حاصلی استحصال نوعندن بولمغله بووادیلردن صرف انظار هر درلو  
حب وموالاتی ایمادینک اوله رقی بو بایده ثنا کار قدیم لری دخی مسلك مرغوبه  
مذ کوری اختیار ایدرک همان بیان کمال محظوظیت و ممنونیت وفیره  
ایله کتاب مستطاب مذ کور زیور دودست قبول قلند بیغی معرضنده  
ترقیم و تقدیم عریضه خصوصیتیه مبادرت قلنمشدر اولباید اراده  
افند مکدر

### ﴿مرکز ماموریت و وصول اخبار نامه سیدر﴾

اثر توجیهات واسعة البرکات مشیرانه لریه فلان ماموریت عهده عاجزانه مه  
احاله واحسان همایون ملوکانه بیورلمش اولدیغی قرین علم عالمشعول  
رحیمانه لری اولمش ایدوکی مستغنی تذکار اولوب ماه حالک کونی مرکز  
مأموریت چا کرانه مه بالوصول امور مأموره یه بدأ و مباشرت قلند بیغی  
مقدماتی ایراددن مقصود و مرام خاکبای علیه ولی النعمیلرندن مشهود  
دیده یقین و منقوش صحیفه دل حزینم اولان حسن التفات جهاتقیمت ولی  
النعمیلرینک ایفای حق تشکر و محمدتیه یکی باشند قیام و دعوات  
خیریت مشیرانه لری علاوه اوراد هر بار قلنمقده اولدیغنی عرض و بیان  
واوته دنبر و حق نامستحق بند کانه مده شایان بیوریلان آفتاب جهاتتاب  
توجیهات معالی ایات سنیله لری کماکان فرق عبیدانه مده بردوام بیورلمق  
معرضنده و اظهار عبودیت و تجدید رقیتم زمینلرنده ترقیم و تقدیم عریضه  
چاگری به ابشار و رفع آستان معالی قرار لری قلند بیغی محاط علم عالمشعول

صفدرانه لری بیورلد قده

﴿جواب نامه﴾

صوب عالیلرینه اقتضای خلوص قدیمی و مبتغای ولای دائمی عاجری  
لوازمندن اولدیغی اوزره هر آن پیام عاقبتلرینه انتظار و تقدیم عریضه به  
ذریعه شمارا یکن کوه ررشد و سداد سامیلری مقتضاسنجه عواطف علیّه  
جناب شاهانه دن مأموریتی عهده لیاقتلرینه توجیه بیورله رق  
هرگز ماموریت سنبه لرینه مواصلت میسر کرده رب احدیت قلنس  
اولدیغندن بچمله حق عاجزانه مده درکار اولان توجه والالریک استمراری  
مبشر زیب افزای صحیفه سطور بیوریلان برقطعه نواز شننامه عالیلری  
مضادی رهین مدرکه چاکری اولمش و بیاندن وارسته اولدیغی اوزره اول پیام  
صحت و عاقبتلری از بارینه مبارت علیالزندن و ثانیاحق احق سنبه لرنده  
برقوتشار اولان اشبو عنایت جلیله شاهانه دن ناائل اوله کلدیکم مسار  
و حبورلک تعریف و توصیفی حوصله خامه سیجامة دن بیرون و علی  
الخصوص همجوار عاجزانه م بولند قلرندن قات اندر قات مسروریت  
عاجزانه م حصوله کلوب دعای تراید قدروشان عالیلرینه بالتکرار مبادرت  
ایتمکده یم همیشه موفق بالخیر اولملری دعوات اجابت آیاتندن خالی  
اولمه جغمی انبا و توجهات سنبه لرینی استبقا معرضنده ترقیم رقیمه  
اخلاصکاری به مبادرت قلندیغی معلوم کریملزوملری بیورلد قده هر حالده

﴿خواجکاندن خواجکانه رسما تحریرات﴾

فتوتلو بک افندی

ذات والالریله میانه ده هر بوط اولان شریطه مهر و مخالفت اقتضاسنجه  
دمادم ابراز کالای خلوصه وسیله جویان و ایام شتائک دخی حلولی تقرب  
ایتمکده اولوب کرخی وجود محبت آلود بند کانه مله برابر یانه دعای بالخیر  
عاقبتلرینی ادا ایتمک اوزره بر طولوم بوسنه نافه سی فروه رنکینه محتاج

اولدینمدن لافنا و کرما بوی کونلرده کلور و قوعیلده ارسالنه همت و قاجه  
آنورسه آنکدخی موالاتنامه سامیلری هامشونده ایماسنه عنایت  
بیورملری عنایسی ذریعه عرض اخلاصم اولمش اولغله هر حالده امر و احسان  
افتند مکدر

### ﴿ا کا جواب﴾

فتوتلو افندی

عارضة دوری صوری ایله قابل سردی تخالف اولیان حب و ولانک ییننده  
لؤذیاد پذیر اولدیغی عزایاسنی مشتمل رسیده موقع تبجیل اولان موالاتنامه  
دلایزمالی قرین ادرال مستمندانه م اولمش وستایشکار بیر یاری حقنده  
درکار بولسان حسن توجه سامیلری مؤ کداسپارش بیوریلان بر طولوم  
کورکک بودفعه حامل غمیقه عاجزی فلان اغابنده لری نیک اولصوب شرف  
او به وقوع عزیمتیلد بالتودیع اطاره واسراسنه مبادرت قلنش و ثناءور  
بیرالینه نه ایجابی تقدیر دیوبوله خدمتار سپارشیه ممنونیم خصوصی محول  
عهده مروتلری بولنش اولغین اولیابده اراده افتند مکدر



مکتوبک ایچنه کورکک بهاسی یازاسه آدابه مخالف اولدینمندن هیچ ذکر  
اولغیموب بر کوچک بوصله حق وضع اولنور

﴿اقراندن اقرانه اولمق اوزره محل ماموریتدن﴾

﴿در سعادت عزیتم و مواصلتی بیانی﴾

﴿حاوی شقه در﴾

ذات مکارسمات منعیمیلرندن روز دلسوز مفارقت عاجزانه ملک بشنچی کونی  
در سعادت مواصلت میسر اوله رق حامل اولدینم تحریرات سنبه لری طبق  
اراده والاری اوزره محالینه توصیل اولنش و حمد الله تعالی پدر والاری

و قالمیای عالیلری و احبابک جمله سی صحت اوزره اولوب چا کر لیله برابر  
استزاده حسن توجه سامیلرنده بولند قلیرنک بیان و اشعار بی جمله سی  
طرفندن صوب بندکی یه واقع اولان تنبیهات اوزره افاده و تحریر مه مبادرت  
قلمش اولدینی معلوم کرملزوملری یورلدقده اولباید

### ﴿جوابی حاوی شقه﴾

بالامن و العافیة در علیه به موصلت علیه نک بشارتی مشعر و مجردین  
توجهات عالی ولی النعمی بر کاتبه بوراچه واقع اولان خدمت نا چیزانه مک  
تبعدینی مذکر و اصل ایادی ابتهاجم اولان لطفنامه لری مفاد بلاغت  
اعتیادی رهین اطلاع عاجزانه م اولدقده حمد الله تعالی کمال صحت و عافیتله  
در سعادت موصلتلی اشعار و استبشارندن ممنونیت کامله عاجزانه م  
حصولیلدعای دوام عمر و اقباللری ~~تکرار~~ قلمش و صوب بند کانه مک  
بالاستمرار لطفنامه لیله یاد و تذکاری و پدریز افندی مخلصلرینک اللری  
او پدیکم و احبا حضرتلرینک حسن توجهلرینی نیازیتدی ~~یکم~~ تبلیغات  
مقتضای مروتلرندن بولمش اولغین اولباید

### ﴿ملتمز توصیه نامه﴾

سعادتلو افندم حضرتلری

ذات مکارسمات عالیله میانه پیرای ظهور و استمرار اولان موالات قویه  
ودائمه نک قدر توصیفی دائره حد و غایتدن بیرون اولدینی محتاج دلائل  
اولمبوب انجق بعض ~~کونا~~ و سائل جمیله اتخاذیله تأکید مبائی  
مهر و ولا فیه سی دخی مسلم بولند یغندن بو مناسبتله عرض خلوصه مبادرت  
قلنور که فلان افندی قوللری باب مکارمما بلرینک بنده آزادنا قبولی اولوب  
سایه دولترلنده جانوش سرور و نشاط و نعوضار رفاه و انبساط اولدینی  
حاله مقتضای طالع ناسازی موی الهی دائره سینه لرندن دور و خوان

بی امتنان منع میگردانند بی نوا و مهجور ایدرک بیچاره نک بیات و نهاری  
 مثال فی اموزار ایله کذر و شوق و طرب بزم عالی برنی یاد ایتد بجه همچو د ف  
 سیلی خوردست کدر اولدیغندن بشقه تخصیص بیورلش اولان معاش  
 اولاد و عیالیه بالغام بالغ تعیشنه مدار کافی ایکن بردن بره اندن دخی  
 مهجوریتی موجب مغدوریتی اولش و ذات علیاری \* سوندرمه اوزالکله  
 یاندر دیغک چراغی \* معناسنی کسه یه صور مرز خاندان و خاندانزاده بی مثل  
 و عدیل بولند قلمی جای کلام اولیوب بیچاره نک قید اضطرابدن خلاصنی  
 التزام ایده جگراری مجزوم بولغین بوباید ایضای لوازم بنده پروری به رعایت  
 بیورلق تمناسی معرضه ترقیم رقیقه اخلاصکاری یه ابتدار اولمشدر  
 اولباید و هر حالده امر و کرم افندم حضرت نری نکدر

### ﴿اكا جواب﴾

عطو قتلو افندم حضرت نری

شجره اخلاص و عبودیت غره سی اولان احاسن توجهات علیه لر ینک حق  
 چا کرانه مده دوام و استقرار و تزیید و استمرارینی مبشر و فلان افندی بنده  
 لرندن طولایی بعضی موادی آمرانله پیرای تعلیم اولان امرنامه والای  
 عطوفیلری مزایای مکارم احتواسی قرین اذعان کترانه م اولمشدر افندی  
 مومی الیه بنده لر ینک احوال حاضره سی معلوم چا کرانه م اولوب الحیق  
 کندینه کمالیه مهر و مودتم در کار اولغین صوب عاجزی به بدیهی الثبوت  
 اولان توجهنک مثال دفر و باآتش اضطراب اولدقچه تزیید حسن صوتی  
 باعث ازدیاد شوق و طرب عاجزانه م اوله رق کندیلرینی مثال طنبور آغوش  
 مواصلته جلب و درکاره مجبور اولدیغم نمایان ایه ده شمد یلک امر دولت برینه  
 امثالاً معاش محضی کندینه اعطا اولنوب صفای خاطر له خانه سنده آرام  
 ایتمک اوزره صرف قبلنه لازم کلان تحریرات بند کانه ملک تبریریه  
 و استبقای تعطفات سینه لر یله برابر بیان حال سیاقنده ترقیم عریضه یه

مبادرت قلنس اولدیغی محاط علم عالیبری پیورلد قده امر و فرمان حضرت  
من له الامر کدر

﴿(احبابجه دعوت تذر کره سی)﴾

ایام به نارد سیر صحر اوسایه داری اشجار دلکشایله تنشیط قلوب و بوسه  
چینی لب محایب ایله نوشا نوش جام صفا لمنه رق دفع آلام و کروب اونه دنبرو  
معناد احبای باصفا بولند یغندن و هواردخی بوکونلرده پک لطیف اولوب  
ساحه چنستان نشانه کلکشت جنان اولدیغندن یارینکی کون فلان  
افندی فلان افندی ثنا کارلری چا کرخانه لرینی ساعت ایکی صورلنده تشریف

برله ولی افندی طرفلرینه طوغری عزیمت قلمق اوزره  
قرار ویرلمش و ذات محاسنمات اخلا نواز یلری سلک نشاط  
افزای بزم محبت اولان قدوم میامنلر و علم عالیبری اقصای  
مطالب بولنمش اولغله لطف و عنایه بنده خانه لرینی یارین  
ارکندن تشریفه قدم رنجیه رغبت پیور لری باینده لطف  
و کرم افند مکدر

(القای استبدی کی بی یازار)

﴿(تذکره نک الت طرفنه کار)﴾

اشبوا امر نامه والاری مفاد صفا اعتیادی قرین اطلاع چا کرانه م اولمش  
و تنفیذ اراده والای منع میلری هر حالده فریضه ذمت رقیم بولنمش اولغله  
بنه تعالی یارین ارکندن خاک پای عالیبرینی تصدیعه جرات ایده حکم محاط علم  
عالیبری پیورلد قده اراده افند مکدر

﴿(شا کردن خواجه به سیاق عربضه)﴾

باعث کمال باهاتم افندم حضرتلری  
ذات فضائلسمات استادانه لرندن کوردیکم لطف وهم و مزید انم جلیله نک

حق تشکری ادا ده عجز و قصورم در کار و بوجه تله خاک پای سعادت لرینه اولان  
 اخلاص درونم کیفیتی مستغنی بسان و تذکار اولوب انجق دعای عمر  
 و عافیت لرینی آن بان یاد و تذکیر الیه همت علیه لرینه متوسلا کوند زلری ادای  
 اهورما موره عاجزی به و کچه لری مطالعه کتب عربیه به مواظبت  
 و مداومت اوزره بولند یغمی عرض وانها معرضنده ترقیم عربیضه  
 رقیقه ربیضه به ابتدار و شامشریف امتعه معتبره سندن اوله رق حامل  
 عربیضه به تودیع بارکزی خرقة اهدا و تقدیمه اجتناسار قلنمش اولعله بنه تعالی  
 لدی الوصول قدم رقیقه رعایه قرین حسن قبول و بنده مستبدیلری بوجه تله  
 دخی رهین حبور و سرور یورلیق باینده امر و کرم ولی الهیم افندم کدر

### ❖ (اکا جواب) ❖

ذات معارف ایات حقوق شناسیلری روح برفتو حرم کبی سودیکم او غلم  
 مقام منده اولوب هر دم و آن اذکار جمیله و دعوات خیریه لر یله اوقات گذار  
 و پیام عافیت لرینه مترقب و درانتظار ایکن بود دفعه فلان اغابنده لر یله ارسالنه  
 عنایت یوریلان کرنامه محبتشما مه لری انله زیب تکریم و مأل دلاراسی  
 قرین اذعان داعی صداقت و سیم و هدیه سنیه لری اولان خرقة لطیفه پیرایه  
 دوش قبول و تلشیم اوله رق کمال محظوظیتله دعوات جمیله حقایق دانیلری  
 تکرار و بقای حسن موالات کامکاریلری تمیناتی سیاقنده ترقیم رقیقه  
 اخلاصکاری به ابتدار اولند یغمی معلوم عالیلری یورلده بعد مادخی  
 صوب بندکانه می مترقب اولدیم اخبار صحت و عافیت لر یله پیایی یاد و تذکاره  
 همت یورملری باینده

### ❖ (استقراضی حاوی تذکره) ❖

بنم برادر م

بیننده منعقد اولان رشته میل و محبت بروجهله کسسته و بر صورتله شکسته



اولیه جفی آزادۀ بیان و اشعار و بو کوئلرده ضرورت داعیانہ مرسیدہ کمال  
ایدوکی درکار اولوب هر نقدر افسندمه موجب تصدیع و بارایسه ده قرض  
اوله رق بر مقدار خرچلغک فلان افندی بنده لریله سوی داعیانہ مه ارسالی  
واولوجهله دوچار اولدیغم قید ضرورتدن رها برله مسرور یتیم خصوصنه هم  
والانهم عالیترینک ابدالی خصوصنده ترقیم عربضه عبودیتفریضه یه  
جسارت قلمش و بوضورتله تصدیع خاکبای والالرینه جسارتم کیفیتنه عفو  
عالیله یه مقابله بیورلسی مقتضای شفقت و بنده پروریلری بولنمش اولمغله  
هر حالده لطف و هم افسند مکدر

﴿تذکره مذکورہ نك آت طرفنه نكار﴾

شوارالق طرف والالرینه بر مقدار اچقه نك لزوی اولدیغنه مبنی عهد بسرده  
تأدیه واعطا اولنق شرطیله بر مقدار مبلغن ارسالی التماسنی حاوی راحه رس  
اعزاز اولان اشبوتند کره بیسه لری مال عالیسی معلوم خلوصوری اولمش  
وهر نقدر صوب عاجزیده موجود اچقه یوغیسه ده سیاق اشعار عالیترینه نظرا  
ذات والالرینه اشد لزوی ا کلا شلش اولدیغندن بزم فلان افسیدین  
بالاستقرار شوقدر غروش افندی به تسلیم طرف سعادت لرینه  
ارسال قلمش اولمغین افاده حال وطبع والالرین تفحص واستسأل سیاق  
بادی اشعار اولمشدر اولبابده اراده افسند مکدر

موالیدن وارد اولان شقه نك وصولندن بجمله

یازیلان جوابی

موهوب من عند الله اولدق لری شیمه کریه داعی نواز یلری آثار جلیله سی وعبد  
مستد یلرین التفات فاضلانہ لریله حائز مسار بیورلق اوزره فلان افندی  
بنده لریله بودفعه راحه نواز اعزاز و تکریم اولان برقطعه کرمنامه بهجت  
علامه لری مال مکارم اشتمالی رهین اطلاع عاجزانه م و بو وجهله ابراز

بیوریلان التفات و نوازش بهیسه لری باعث کمال حبور و مغفرت داعیانہ م  
اولہ رق مواظبی بولند بیغم ادعیہ خیر بہ تزايد عمر و عافیت و ترقی اقبال  
و موثقت سامیہ لری بشکر از زیور زبان تذکار و ایصال قبول کاه جناب  
پروردگار قلمش در طرف مستجمع الشرف سمو حیلرینہ من القدیم در کاروان  
بآن تزايد و ترقیسی بدیدار اولان میل و محبت و صدق خلوص و خصوصیت  
ریادن عاری و بومدعای حقیقیہ بند کانه م ایراد براهین و نکلفدن و ارستہ  
وبری و مبحث خصوصیتہ تطویل کلام کارار بابریا ایدوکی ظاہر و جلی  
و درجہ عبودیت نزد قایق وفد عالیلرنده بیانندن مستغنی بولمش اولد یغندن  
اولو ایدین صرف انظار و مسلک اختصار اختیار قلنسہ رق همان بو بابدہ  
سرزدہ حصول و ظهور اولان سرور داعیانہ می بیان و انہا و مألوف و امید  
واری بولند بیغم توجہات مستلزم المغفرت فاضلانہ لری نیک بقا و استقرارینی نیاز  
و استدعا معرضندہ نسیقہ اخلاص انیقہ عاجزی تمیقنہ استدار و صوب  
صوابنای سمو حیلرینہ تقدیم و تسبیار اولند بیغم رہین علم فضائل شمول والاری  
بیورلدقده اولبایدہ لطف و ارادہ افند مکدر

### ﴿کوچک کردن بیوکه مأموریت تبریکی﴾

خاکای عالی خدیو برینسہ من القدیم ادعای مغفرت ذاتیہ می موجب  
اولان عبودیت و مصادقت چاکرانه م ایجابنجہ ہر بار ریاسزجہ عافیت  
دائمہ و اقبال و دولت کاملہ آصفیلری ادعیہ خیر بہ و تمینات مخصوصہ سندہ  
قصورم اولیہ رق اگر چہ بود دفعہ کی مأموریت جدیدہ سنیہ داورانہ لری  
حسب العبودیہ موجب مسروریت و فقط طشرہ نک احوال معلومہ سندن  
اولہ رق تعب و وجود عالی منعمانہ لری مستلزم اولہ جفی ملاحظہ سیلہ  
دخی باعث تأثر بندہ صدق سیرت اولوب ہرنہ ایسہ تجلیات نادرہ علیہ  
خدوانہ لری اقتضای جلیلی اوزرہ بلطفہ تعالی حق عالی آصفانہ لرنده  
محض خیر و منفعت وان شاء اللہ تعالی نیچہ نیچہ فیوضات جلیلہ بہ مظهر یتلہ

هر صورت له بادی موفقیّت اولسی و هـ مان وجوده عالیه سودا صغیر یسک  
 هر حال و محله عاقبت کامله ده بولنسی ادعیه مخصوصه سی تکرار زیور زبان  
 تذکار قلنه رق تبریکه اعتنا و حق چا کرانه مده میامن توجهات سامیبری  
 بردوام و مستقر بیورلق نیاز و نضر عنه اجتر اولمشدر اولبابده امر و فرمان  
 حضرت من له الامر کدر

﴿یوکدن کو چکه جواب﴾

طرفی ثناوری به درکار اولان توجهات بهیه لریسک تقویّتی و بوکره عهده  
 مختصی به توجیه و احسان بیوریلان فلان ایاتسک تبریک و تمینتی شامل  
 رسیده دست اجمال اولان تحریرات والاری مال مرثوّه اشتهالی رهین علم  
 ثناوری اولمش و اولوجهله ابراز لوازم وفاداری و مرثوّه و ایفای رسم تبریک  
 و تمینته ابدال بیوریلان هم بهیه لری ممنونیت خلوصورانه می استلزام  
 ایدرک اثبتیه بهیه لریله دعای حسن موفقیّت والاری تکرار و صوب بهیه  
 لریسه مخصوص اولان محذات ثناوری رسیده درجه غایت اولدیغندن  
 وادی اطناب و تطویلدن سمت اختصاره اماله افکار و بوباید حاصل اولان  
 ممنونیت و فیه بی بیان و اشعار برله طبع مرثوّه نبع بهیه لرین استنباط و استفسار  
 سیاقنده تمیق تمیق موالاته ابدار اولندیغی ان شاء الله تعالی رهین علم  
 والاری بیورلده بعد ازین دخی صوب اقبالجو یلری توجهات فوادیله لریله  
 مشمول بیورلق منوط شیمه مر و تله پدرا فندم

﴿مالیه به ایراد مصرف دقتری کوندرا دیکنه﴾

(دائر مال مأموری طرفندن)

..... افندم حضرتلری

سنه سی ماه تشرین ثانی

فلان محصل الغنک حاوی اولدیغی قضالک

وكانون اولنده وقوعبولان كافة واردات و مصارفات و متغرات سائر سنك  
نظام سنیه و ازاده علیه لری وجهه تنظیم اولنش اولان جدول و دفاتری  
مطویا تقدیم خاصک پای مکار میمای نظار تپشاهیلری قلمش و اجرای  
ایجابی متوقف اراده احسانعاده کریمانه لری بولنش اولمغله اولبابده  
و هر حالده امر و فرمان حضرت من له الامر کدر

بیو کدن کو چکه تسلیت خاطر ضمننده

جواب

یاوری توفیق حضرت باری الیه بو طرفدن حرکت و کمال راحت و عافیتله  
قونیه یه پانهاده مواصلت بیوریله رق نام عاجزانه مک حضور حضرت  
پیر دستگیرده یادوتد کر اولندیغی و صوب اقبالیخواهی یه اولان خلوص  
و محبت صمیمیه لری مرکز ثباتده ایدوکی تبشیریه احوال حاضر لرندن طولای  
بعض حکایت و شکایتی متضمن آلمش اولدیغم تحریرات بهیه لری مزایای  
و محذوملری بک افندیکن وقوعبولان افادات شفاهیه سی بالاطراف قرین  
اطلاع عاجزی اوله رق بو صورتله شریطه وفاکاری یی اجرادن فوق العاده  
عنون اولدم انجیق نزد حقایقده اینلرنده معلوم اولدیغی اوزره دائما احوال  
عالم قبض و بسط الیه توأم اولسی جهته هر الی متعاقب بر مسرت مشاهده  
اولنه کلدیکی رهین رتبه بدهات اولوب ان شاء الله تعالی بو چکیلان صور  
معسوره نک قریب احوال میسوره یه مبدل اولمسیله انواع سرور و رفاهه  
حظهر اولملری الطاف جلیله جناب پرورد کردن اقدام مسؤل و متمنا بواندیغی  
مثالو میانه مرده در کار اولان حب و موالات قدیمه مقتضا سنجه هر اشعار  
و ملقسات واقع لرینک ترویجیله استکمال رفاه و آسایشلری ضمننده هر وجهه  
سعیده قصورایتمیه جکم در کار بولندیغندن مجرد بیان کیفیتله بعد ازین دخی  
توجهات کریمانه لری استبقارفتارنده ترقیم رقیمة مخالصه ابتدار قلمشدر  
اقدام

کعبه معظمه ده مجدد از تیب بیور بلان فراشت

شریفه و کالتنی مشعر مکتوب مسوده سیدر

فضیلتو زهادتو افندی جیل الشیم حضرتلری

حرم ملائک خدم حضرت رسالتیناه علیه صلوات الاله افندمزل خدمت  
شریفه سیچون قدیمدن مدینه منوره ده اوله کادیکی وجهله مکرمه  
شرفها الله تعالی الی یوم الآخره ده واقع کعبه معظمه ویت شریف مطهر  
حرم مقدس سنک اطراف اربعه منیفه سی خدمات لازمه سنک حسن رؤیتی  
نخندمه بوکره باراده سنیه حضرت شهر یاری ترتیب بیور بلان فراشت  
شریفه جدیده نکر ربع قیاطی بارات عالیشان عهدۀ ناچیزانه مه توجیه  
بیورلمش و خدمت باهر المسعدتنک و کاله رؤیت و ایفاسی اوقاف همایون  
محاسبه سندن و بریلوب شیخ القراشین فضیلتو افندی حضرتلرینه اعطا  
اولمقی اوزره لفا طرف زهادتلرینه ارسال قلنان علم و خبر موجدنجه عهدۀ  
اقدارلرینه تفویض قلنش اولمغله ان شاء الله تعالی لادی اسعد الوصول علم  
و خبرمند کورک افندی موی الیه طرفنه اعطاسیمله اشبوشرفیاب اولدیم  
خدمت فراشتی جریده سنه قیدایتدیر یله رک لازمکلان کشف تذکره سنک  
استحصالنه و برمنوال محرر عمره حسن توجه فاضلانۀ لری برکاتیمله موفق  
اولدیم خدمت فراشت ما بها المفخرتی بوندنبویه کمال آداب و نهایت تعظیم  
و حجاب الیه طرف زهادتلدندن بالو کاله حسن رؤیت و سلامت دار بنمزیچون  
شرف طواف و زیارتله مشرف اولدقلری بیت معظم و مقام حضرت ابراهیم  
خلیل علی نبینا وعلیه السلام الیه سائر مقامات عالیه ده دعوات خیریه هنک  
یادوتد کارینه همت و حجاج ذوی الابهتاجک معاودتندۀ مکتوب محبت  
اسلوبکرنک و ملفوفاذ کراولنان کشف تذکره سنک ارسالنه بذل مأثر غیرت  
بیورملری تناسی و ذات سمو حیلرینه لایق اولیه رق شمدیلک هدیه هن  
اشبوشقه هنره وضعار سال و اهداقلندیم بیانی بادی تنیق نطقه مخاذنت

اولشد رافندم

کبراطر فلرندن صرافه تحویل یازلق  
اوزره القاب

رغبتلو رعایتلو دوستم هوجه ..... جنابلری  
حرمتلو رعایتلو دوست وفاکارم وفارورم  
رتبتلو صداقتلو محب ولاشعارم وفاشعارم  
(صورت تحویل عادی)

ص...

بالکزر ..... غروشد

بعض مصارف واقعه مزك تسویه سی ضمننده بوجه بالایالکزر شو قدر بیک  
غروشه لزوم کورند یکندن مبلغ مزبورك حامل تحویله تسلیم صوب محبی به  
ارسالیده دفتر مصارفه قید و ادخالی مأمولدر

مامور یته کیدر کن بر صرافدن استقراض  
اولندی فی حالده تحویل

ص...

بالکزر ..... غروش

فلان برك مامور یتی عهده محبانه مزه حاله بیور به رق عهده قریده  
عزیمتمز مصمم بولندی غندن مصارف راهبه مزك تسویه سیچون بوجه  
بالایالکزر غروشك وجود یتنه لزوم کور غش اولمغله مبلغ مزبورك طرفزه  
اعطاسیله اشبومهور تحویل برك نزدولا کار یلرنده حفظ اولمسی مامول  
محبانه مزدر فی سنة

(آی باشی تحویلی)

۴۰۰

یا لکزر ۰۰۰ غروشد

اشبو سنه سی ماه غوزینه محسو بادائره وسائره من مصارفنک  
تسویه سیجون بروجہ بالا یا لکزر غروشک حامل تحویله تسلیم اصوب  
محبی به ارسال له دفتر مصارفزه ادخالی مأمولدر فی سنه

قبو کتخداسی طرفندن خدمت منده بولندیغی ذاته  
وکاله صرافه ویریلان علم و خبردر

۴۰۰

یا لکزر ۰۰۰ غروشد

قبو کتخداسی اولدیغ ۰۰۰۰ متصرفی سعادتلو ۰۰۰۰۰۰ پاشا  
حضرتلرینک سپارش پیوردقاری اشیانک اخذ و مبايعه سنه ابتدا راولمش  
وانمانی بوانسان بروجہ بالا یا لکزر ۰۰۰۰ غروشک تسویه سی محول  
عهدہ جیتلری بولمش اولمغله مبلغ من بورلک حامل تحویله تسلیم و مشارالیمک  
دفتر مصارفنه قید و ترقیم اولمسی مأمول محبانه مدر فی سنه

(قبو کتخدا سنک آی باشی تحویلی)

۴۰۰

یا لکزر ۰۰۰ غروشد

قبو کتخداسی اولدیغ ۰۰۰ فلانک تخصیص ایلدکلری بروجہ بالا یا لکزر  
۰۰۰۰ غروش ماهیه نک اشبو سنه سی ماه غوزینه

محسو بادائره

محسوبا حامل تحویله تسلیم اوانه رق طرفزه اعطا و مشارالیه ک دفتر  
مصارفنه قید و املاسی مأمول خالصانه مدر فی سنة

(ماهیه اخذیچون مالیه یه علم و خبر)

—..

...

با اراده سنیه شاهانه مالیه خزینه جلیله سندن تخصیص و احسان بیورلمش  
اولان شهریه ۰۰۰ غروش معاش عاجزانه مک سنه سی  
ایلول ماهنه محسوبا طرف بند کانه مه اعطا بیورلمسیچون اشبو عمهور علم و خبر  
تقدیم قلندی

سهم سندی

—..

...

یا لکزر ۰۰۰ غروش

باعث تسطیر حروف اولدرکه

بایرات عالیشان متصرف اولدیغیم بیک غروش سهمک تقسیط اولی اولان  
سنه سی ماهنه محسو بایروجه بالابشیوز غروشی مالیه خزینه  
جلیله سندن اخذ و قبض ایلدیگی می بین اشبو عمهور سسندم خزینه  
مذکوریه به تقدیم و تسلیم اولندی

ان هذه کلمات تستحق ان تکتب بالنور

على صفحات خدود الحور

العلم انفع في الفاني

وفي الباقي

استرذهبك وذهابك ومذهبت



العلم اشرف معجون وترياق	فاين التراب واين السماء	
كل امة تدعى الى كتابها	العلم ما يميز به المعلوم تميزا تاما لا يحتمل النقيض	النهاية رجوع الى البداية
المدال على الخير كفأعله	حديث قدسي خبرت طينة آدم بيدي اربعين صباحا	اذا جاء القضاء عمى البصر
العبادة ترك العمادة	ذلة العالم ذلة العالم	الشيخ في قومه كالنبي في امته
ترقى العقلاء بمجالسة الاذكيا	عدل ساعة كفارة سنة	الشيء اذا تجاوز حده انعكس ضده
الفتنة نائمة لعن الله من يقظها	كل شيء عنده بمقدار	النادر كالمدوم
اللسان صغير الجرم وكبير الجرم	خير الكلام ما قل ودل	ان كان الكلام من فضة فالصمت من ذهب
من صمت نجا ومن سكت سلم	الذالكلام اوجزه واحسن المقال اعجزه	البيئة للمدعى واليمين على من انكر

## الآية

لا يحتاج الصباح  
الى الصباح  
التغافل عن بعض الامور تعاقل  
والتناكس في بعضها تنكيس  
وشاورهم  
في الامر

التانى من الرحمن  
والعجلة من الشيطان  
البلية اذا امت  
طابت  
قلوب الملوك  
خزائن الله في ارضه

من اشبه اياه فما ظلم  
ومن اعرض عن الحق  
فقد ندم  
من اعز نفسه  
اذل فلسه  
من تانى اصحاب  
ما تمنى

من بذل بعض عنايته  
لك فابذل جميع  
شكره له  
من لم يصبر على كلمة  
سمع كلمات  
لو سكبت من لا يعلم  
سقط الخلاف

الحز عبد اذا طمع  
والعبد حذر اذا قنع  
الفرصة سريعة الفوت  
بطيئة السعود  
صديقك من صدقك  
لا من صدقك

من عاب نفسه  
فقد زكيا  
ابن لاؤك مجنون كامل  
خبرك من نصف مجنون  
قد تكسد اليواقيت  
في بعض المواقيت

لا تجالس من يسه لك الحلال  
ويحلم لك السفهاء

كلمات مذكوره بعض مكاتيب اراسنده مثل طريقه ايراد اولنه ييلورد

مکاتبات نفیسه و تعبیرات سلیسه بی محتوی اولان اش  
 خدیو اکرم داورانخم عباس پاشا افندمن حضرت  
 سعداقترا نلرنده بولاق مطبعة عامره سنه طبع  
 واشبو بیک ایکیوزیتش سنه سی ماهریه  
 الاخرینک او اخرنده رسیده

حدت تکمیل

اولشدر

تم





